

Sumbí Ayṓpú Ámu Gyumagyihe

¹ Mí wíé Tiofilo,

Mí Luka dé ṓwulú ánfí wanlín sísí fú. Mí ṓwulú gyankpapu amuto á, nṓwanlín Yesu ato bwehé pú mu atosunáhé fḗé; tsú bréá olefi mu agyúmá asi, ² bṓfun ekeá Bulu lótsu mu ya ṓsósú. Asa Bulu lótsu mu náti á, ṓlṓtsun Ḑḡe Wankíhé túmito bláa ahá ámúb ṓlele ṓbéé, bubwée mu sumbí ayṓpú ámu tóá bubwée. ³ Mu iwṓsun wúun pú mu lowu ṓma a, oletsíá lé iwí ṓwan ṓkra ṓtsan-ṓtsansu súná amúb, púsúná ání lélé ṓtsie nkpa nke advana ání ṓlelatsíá ṓsulósu fḗé; ṓde Bulu iwíegyí iwí asún blí. ⁴ Bré kvá mva amónyo befia a, ṓleda amúb ṓlá ṓbéé, “Mlimánatí Yerusalem. Mlitsia unu gyo mí Sí atokiehé ámúb ṓlehié yáí ṓbéé méha mli, nebláa mli mú iwí asún ámu. ⁵ Asú Ḑṓpú Yohane lópu ntsu bó ahá asú, táme nke kútúklú kv ṓma a, Bulu ṓbópu Ḑḡe Wankíhé amu bó mli asú.”

Yesu Ḑsósú Yo

⁶ Mú su bréá mva amónyo belafia a, befité mu beé, “Ani Wíé, bré ánfíto féyinkía iwíegyí amu há Israelfṓ ní?”

⁷ Yesu lébláa amúb ṓbéé, “Imehián ání mlébi nke ntée bréá mí Sí nkule lahié mu onutó túmito. ⁸ Mboún ní Ḑḡe Wankíhé amu owíé mlito á, mlénya túmi tálí gyi mí iwí adánsie tsú Yerusalem wúluto, Yudea pú Samaria ṓmátó fḗé yṓfun ṓyí ṓka.” ⁹ Bréá ṓleblí asún ánfí tá á, amúb ansító unu Bulu lótsu mu ya ṓsósú, ṓlṓfwí wíé nwulótáato.

¹⁰ Besi bude nwulótáa kú alu. Beláki a, ayin abanyó akvá bṓwa atadie futútú líí amúb wá á. ¹¹ Ayin ámu befité amúb beé, “Óo Galileafṓ ayin, nto mlidékú nwulótáasu alí? Alí

ánfi mlilawun Bulu latsú Yesu oya asúsú ánfi á, alí kén obéyinkía mu ba ni.”

Matias Yuda Otsiákpá Tsiá

(Mateo 27:3-10)

¹² Inu beyinkí kplí tsú Nfɔ-nyíbu ámvu* ba Yerusalem. Okpa ámu ibóbwe máli fun. ¹³ Bowie wúlutɔ á, bɔdu yó abansórvɔ, otíné ámúb butsie yaí ámu. Sumbí ayɔpúá bɔyɔ unu gyí: Petro, Yohane, Yakobo mua Andrea, Filipino mua Toma, Bartolomeo mua Mateo, Alfeo mu bi Yakobo, Simon ání ogyi iwísvtsiá adunkápú ɔpasuatɔ oha pú oyin okvá butetí mu Yakobo mu bi Yuda. ¹⁴ Ahá ání betrá du yó unu gyí, atsi aku, Yesu mu yin Maria pú Yesu apió. Ahá ánfi féé létsiá bwé ikule bó mpái.

¹⁵ Nke ámutɔ á, ahógyipu bóbwe fé lafakule-advanyɔ (120) befia. Inu Petro lókusu líí amú nsiné bláa amó ɔbé, ¹⁶ “Mí apió ahógyipu, ɔhe Wankíhé asún ámúb ɔleblí tsun Owíe Dawidsu, ibu Bulu asun wanlínhé amutɔ, tsú Yuda Iskariot ámúb ɔlekpa ahá beyékitá Yesu iwí ámu ilaba mótó. ¹⁷ Yuda Iskariot anfi létsiá anitɔ. Ania munyɔ lóyɔ osum agyómá ánfi.”

¹⁸ Yuda lópu mu lalahe ání ɔlobwe ikɔá beka mu yóho ɔsulúv kv. ɔlekpa tsú asúsú beda ɔsulúv amusu pɔ, mu ipu lefa po, mu mpúni é lefen dali wurɔɔ. ¹⁹ Ohagyíoha ání ɔbu Yerusalem lónu asún ánfi. Bedinká ɔsulúv amu dá amú oblítɔ be, “Hakeldama.” Mó asi gyí, “ɔsulúv á obugya lawólí músó.”

²⁰ Petro lóyɔ mu asúnsú ɔbé, “Tsúfé bɔwanlín wá Israelfɔ ilu ɔwuló ámutɔ be, ‘Mu wóyí idí kpan.

Ohaa mátsiá mótó.’
Betrá wanlín tswi be,

* 1:12 Nfɔ-nyíbu igyi obubwí kvá ibu mantáa Yerusalem, butetí mú Olifbu.

‘Ǿha bambá otsía mu otsiákpá.’

²¹⁻²² “Mú su ilehián ání Ǿku Ǿbétsa aní Yesu afúlitǾkusú ánfu iwí adánsie gyí. Ilehián ání Ǿhá ámu obótsu ayin ámúú betsiá anitǾ bré ámúú anulóbuo aní Wíe Yesu, náti kí ntíné-ntíné amutǾ. Ǿhá ání olobuo aní tsú bréá Asú ǾbǾpú Yohane léblí asúbǾ asún alu bǾfun eke ámúú Bulu lótsu Yesu ya Ǿsúsú sí aní ámu.”

²³ Íni su bele ahá abanyó, bugyi Yosef ání butetí mu Barsaba, butetráa ti mu Yustus mu Matia. ²⁴ Múú bǾbǾ mpái bee, “Aní Wíe, fuyin ǾhagyíǾha klontǾ asún. Suna aní ahá ánfítǾ Ǿmúvá falé, ²⁵ otsia Yuda ámúú alakíná agyómá ánfu, nyá mu isubití ámu otsiákpá, Ǿyo fú osum agyómá ámu.” ²⁶ Múú bekapú atǾ amú abanyó nwunsu. Ileyi Matiasu. Mú su bǾpu mu wá sumbí ayǾpú dúǾkun ámutǾ, belabwé dúanyǾ.

2

Ǿhe Wankíhé lbátǾ

¹ Pentekoste Eke, igyi IsraelfǾ atǾ pǾpwe ǾnǾ Ǿdaké ámu lǾfun a, ahógyipu amu fée beba befia amú ofiakpa. ² Ǿtsáwule pé á, olú kvá igyi fé afú kpǾnkpǾnti ilotsu Ǿsúsú bǾbulá wóyí ámúú bubu mútǾ ámu. ³ Inu bowun tǾkvá igyi fé ogya plenplen, ilelian Ǿdandv. Uledasáin dínká amútǾ okugyíǾkusv. ⁴ Ǿhe Wankíhé lǾbulá okugyíǾkutǾ, ileha okugyíǾku léfi así Ǿde Ǿblí bambá blí.

⁵ Bré ámutǾ á, YudafǾá butenyá Bulu ifú, bubu ndítǾ fée baba butsie Yerusalem. ⁶ Bréá ǾǾm anfi bonu okitikítí amu a, besrí befia inu. AmútǾ okugyíǾku lónu mu wúluto Ǿblí. Mú su ǾnǾ lobwie amú. ⁷ UǾwa amú ifú, wá amú wánwan. Mú su befité bee, “Ahá ánfu budetǾí á, megyí GalileafǾ sǾón bugyi? ⁸ Mú nkáli ulǾbwe asa anidénúá bude anitǾ okugyíǾku wúluto Ǿblí blí? ⁹ AnitǾ akv atsú Partia, Media, Elam, Mesopotamia, Yudea, Kapadokia, Ponto, Asia, ¹⁰ Frigia, Pamfilia, Egyipte ǾmátǾ pú Libia

awúlu ání ibu mantáa Kirene wúluto. Aku é botsú Roma wúluto, ¹¹ búgyi Yudafɔ pú amúá bomegyí Yudafɔ bawíé Yudafɔ Bulusúmtó aná féeé bubu anitɔ. Kretafɔ pú Arabifɔ é bubu anitɔ. Táme andénuá buɗe Bulu atɔ kpɔnkpɔnti ání alabwé blí anitɔ okugyíɔku ɔblítɔ.” ¹² Alí ámúú asún ámu ilobwie amú ɔnó ámu su bɔbwe yɔɔ, sí buɗe amú aba fité bee, “Ngya amansu é ní?”

¹³ Táme amútó aku bɔbwe ahógyipu amu ahinlá bee, “Ntá banu bu.”

Petro Asúntóle Súná Ahá Ámu

¹⁴ Inu Petro mva mu aba dúɔkun ámu bɔksú líí. Múú Petro lótsu ɔme fúá bláa ɔɔm amu ɔbéé, “Apíó aba Yudafɔ pú mli féeá mlibu Yerusalem, mlihiɛ yaa asu, anle asúntó suna mli. ¹⁵ Mlimákí mliaa ahá ánfí babú, tsúfé ɔyí mɔkúke. Bréá dokwebá ladá ní. ¹⁶ Mboún asún ánfí ilaba nde ánfí Bulu ɔnósú ɔtɔípú Yoel léblí yáí ní. ɔbéé,

¹⁷ ‘Bulu ɔbéé, “Nke tráhe amutɔ á,
nópu mí ɔhé wá anyánkpúsa féeétó.

Mli abi yinhé pú mli abi tsihé béblí asún ání nópuwá amú ɔnó.

Mli nyasubi bówun ató.

Mli ayin dehen bókun nkude.

¹⁸ Nke ámutɔ á, nópu mí ɔhé wá mí asúmpú
atsi múa ayin féeétó.

Mú su béblí asún ání nópuwá amú ɔnó.

¹⁹ Nóbwe ofúla nwulútáasu,
bwé osúna ɔsulúsu.

Ogyá, obugya pú ogyási tuun béba ɔyító.

²⁰ Owí ɔbéta ɔpá.

ɔtsra é ɔbépe kɔɔ fé obugya,

asa aní Wíe numnyam eke kpɔnkpɔnti ámu íbófún.

²¹ Ibéba ání ɔhagyíɔha ání okpólí aní Wíe a, ɔbéha mu obénya nkpa.” ’ ’ ”

²² Petro lóyo mósú obéé, “Mí apíó Israelfo, mliyaa asu amlinu asún áñfi. Bulu lóbwé ofúla múa ató kpònkpònti pú osúna tsòtsòtsò tsòn Yesu Nasaretyin amòsu, pòsúná ání mólówa mu. Mli fée mlilówun mú, tsúfè mli ansísó ìni fée lèba. ²³ Igvi tóá Bulu yin yaí dodo, igvi mu apé ání béle Yesu há mli. Mliléha ahá ání butamagyi mbiasu beda mu mántá oyikpalíhesu, mó mu. ²⁴ Táme Bulu léle mu lowu sínsínsíntó, kúsú mu tsú afúlitó. Tsúfè lowu méetalí gyi musu, osin afúlitó. ²⁵ Ìni sù Owíe Dawid léblí mu iwí asún obéé,

‘Brégyíbré á, ntowun aní Wíe mí ansísó.

Tsúfè olú mí gyòpísu, su tótò móowa mí ifú.

²⁶ Mú su ansí tegyi mi,
ntótóí ansigyísó.

Nyankpusa ngvi. Lowu da gyo mí,
táme nde Bulu okpa kí.

²⁷ Tsúfè fvméesi mí okláa wá afúlitó.
Fvmééha mí fú osúmpó wankíhé mmóopló.

²⁸ Fúlósuná mí okpa ání ntsóon mósú, mí anya nkpa ání itamatá.

Ní fóbv mí wá á, ansí bégyi mi ekekegyíeke.’ ”

²⁹ Petro létrá bláa amú obéé, “Mí apíó Israelfo, mbúa hie bla mli amlinu. Aní náin Owíe Dawid lówu, bopolá mu. Bótu nde mu ntsán da aní wá nfi. ³⁰ Bulu onósó otáipó ogyi, oyin ání ntam ání Bulu léka há mu béba mótó. Bulu léka ntam há mu obéé, méha mu natina oku obétsiá mu obíasú eke kú. ³¹ Ìniá aní náin Owíe Dawid lówun mú yaí su á, olótóí tsú Kristo, (ohá ámú Bulu ladá mu ofúli amu) kusú tsú afúlitó iwí obéé,

‘Bulu méesi mu wá afúlitó.

Mú su mu oyulóv móopló.’ ”

³² Petro lóyo mósú obéé, “Yesu gyí ohá ání Bulu lókusúa tsu afúlitó, aní fée anigyí mú adansífo. ³³ Bulu lótsu Yesu ya osúsú, há mu otsiákpá yilé mu gyòpísu. Aní Sí Bulu lópu

3

Petro Mva Yohane Ibo Ōku Tsa

¹ Eke ōku ntópwe d̄sato mpábo bré á, Petro mva Yohane b̄ayo Bulu ōtswékpa amv wunsunésú. ² Oyin ōkvá b̄okwí mv ibo tetsiá Bulu ōtswékpa amv ōkpa ōnó kvá butetí mú “Ōkpa ōnó Wankláán.” Ahá butotsú mv ba beyaí unv ekekegyíeke, ōtókúlí ahá ání b̄owie Ōtswékpa unv k̄oba. ³ Bréá ibo amv lówun ání Petro mva Yohane budebitíwíé Ōtswékpa unv á, ōlókúlí amú k̄oba. ⁴ Petro mva Yohane besi líí bude mv kí díín. Múy Petro lébláa mv ōbéé, “Fú mú kí aní wule.” ⁵ Ibo amv kí ōbéé, béha mv t̄aku. Mú sv olotsu ansí f̄wá ōde amú kí. ⁶ Táme Petro lébláa mv ōbéé, “Mma sika futútú ntée pépe, táme néha f̄w t̄á mbv. Kusu lu, afonati Yesu Kristo Nasaretyin amv dátó!” ⁷ Inu Petro lékitá mv gyopi bi, tsú mv líí, unvunv ōwunlín lowie mv ayabi pú mv ntsakpátó. ⁸ Olofulí kpáyí ōtsáwule pé, wá natí bi. Mú sv ōlekplá buo Petro aná wíé Bulu ōtswékpa wunsunésú unv; ōna odefulí kpáyí; ōde Bulu kanfú. ⁹ Ahá ání bubv unv f̄éé bowun mv ání ōna ōde Bulu kanfú. ¹⁰ Mú sv bréá il̄wankí amú ání ibo amúb̄ otetsiá Ōkpa Ōnó Wankláán unv k̄ólí ató ámv ni á, il̄wa amú wánwan, bwíé amú ōnó.

Petro T̄oi Bulu Ōtswékpa Wunsunésú

¹¹ Oyin ámv pú Petro mva Yohane k̄ínkínkín Bulu ōtswékpa wunsunésú, ōtunekvá butetí unv Salomo Abrán-daású. Mv il̄otsa l̄wa amú wánwan. Mú sv besrí ba amú wá unv. ¹² Bréá Petro lówun amú á, ōlefíté amú ōbéé, “Mí apíó Israelfo, ntogyi sú asún ánfí lawá mlí wánwan alí? Ntogyi sú mlilaba mlidé aní kí alí? Mlíkí mlíaa, aní onutó túmi ntée aní Bulusúm wankláán láchá sv oyin ánfí lakúsú ōna? ¹³ Bulu amúb̄ aní anáin Abraham, Isak pú Yakob bosúm ámv l̄wa mv osúmpú Yesu numnyam. Táme mlilópu mv há mlíaa bumóó mv. Mlilékiná ōhá ánfí t̄eki Pilato l̄bwe agywun ání mési mv ōnati ánfí. ¹⁴ Mlilékiná Ōha

Wankíhé pú Yilé Ɔwepú ánfíá bəwanlín mu iwí asón wá Bulu asón ɔwolótó anfi, bláa Pilato mlíaa, osí ahá ɔwəpú ámu mboún ha mli. ¹⁵ Mliléha bəmə nkpa ɔhapú ánfí, táme Bulu lókvsóba mu tsú afúlito. Anígyí mú iwí adansífə ní. ¹⁶ Yesu túmi láhá íbə anfi mliyin yáí, mlidékí anfi iwí lawá mu ɔnlɛn. Aní Yesu hógýi látsá mu, mli fée mlidéwúun a.

¹⁷ “Íni su mí apíó, nyin ání mábí léha mlíaa mli ahande mlilópu íni fée gyi Yesu. ¹⁸ Táme a, Bulu léblí tsun mu ɔnósú atóipú amu féesú yáí ɔbé, ‘Kristo, (ɔhá ámú neda mu ofúli amu) obówun iwíɔsɛn.’ Mú su ɔleha ɔleba alí ní. ¹⁹ Mú su mlidamli klontə, amliyin ba Bulu wá, méni obési mli lakpan fée kíe mli, wá mli ɔwɔnlín pəpwe, ²⁰ lápú Yesu sísí mli. Mu Bulu léda ofúli yáí há mli ní. ²¹ Ilehián ání Yesu obétsiá ɔsúsú inu yófun bréa Bulu ɔbéla tógýitó bwé, fé alíá ɔleha mu ɔnósú atóipú wankíhé amu beblí tswi. ²² Aní náin Mose léblí ɔbé, ‘Mli Wíe Bulu ɔbéha mu ɔnósú ɔtóipú ɔkúvə ogyi fé mí ɔbédali tsú mlitə há mli. Mli gyi mu asun blíhé féesú. ²³ Ɔhagyíɔha ání omobu ɔnósú ɔtóipú anfi á, Bulu ɔbéle mu lé mu ahátə, mó mu.’

²⁴ “Tsú Samuelsu á, Bulu ɔnósú atóipúá beba fée bətəi tsú asón ánfí idebá nke ánfítə iwí. ²⁵ Mli gyí Bulu ɔnósú atóipú amu abí-aná. Mlibú itó ámú Bulu léhie yáí há aní anáin amu. Tsúfé Bulu léblíaa Abraham ɔbé, ‘Nótswɛn fú abí-anású yúlá ɔyító ahá fée.’ ²⁶ Íni sú bréa Bulu léle mu osúmpú Yesu a, olegyankpá pú mu sísí mli Israelfə, ɔbé obóyulá mli, amli si lakpan bwe ní.”

4

Petro Mva Yohane Ɔnóle Yudafo Asón Ogyíkpá

¹ Bréa Petro mva Yohane bubu músú budətəi kplá ahá ámu a, Bulu igyí ahapú mva Bulu ɔtswékpa agyópu ɔhande pú Sadukífə aku beba bətv amú. ² Ɔbló lekítá ahande anfi. Tsúfé sumbí ayəpú ámu bude ahá ámu ató suná be, Yesu

lawú kúsú tsú afúlitó. Mú su wukúsú bu unu há òhagyiòha. ³Ahande amu bekítá Petro mua Yohane. Owí deta su bəpu amú yówa obu yéha oyí kehe. ⁴Táme ahá á múbú bonu amú atosunáhé amutó ahá tsòtsòtsò bohogyi, betsiá ahógyipu amutó. Mú su ahógyipu amutó ayin bəbwe fé mpím-nu (5,000).

⁵Oyi kehe nyanki a, Yudafo awié, amú ahande pú Mose mbla asunápú beba befia Yerusalem. ⁶Ahá á nfi pú ahande á ní befia asún á mu así gyí; Bulu igyí òhapú dehen Hana, mu wóyító ahande Kaiafa, Yohane, Aleksandro pú wóyí á mutó ahá féé. ⁷Beha bəpu Petro mua Yohane belí amú ansító, befité amú be, “Ma túmitó ntée ma dátó mlilétsa oyin á nfi?”

⁸Inu á, Òje Wankíhé ləbulá Petroto. Mú su uləha mu túmi ɔləbláa Yudafo awié pú amú ahande amu ɔbée, ⁹“Nde mú mlidé aní fité tóá svá anilawá awitole há ibə anfi, tsá mu ulə? ¹⁰Mú mú tsú nde mlia Israelfó féé mlibi á ní Yesu Kristo, Nasaretyin amu túmi pú mu dátó oyin á nfi ólú mli ansító á nfi lanyá ulətsá. Mogyí òhá á múbú mliléda mántá oyikpalihesu mó mu asa Bulu lókusúa mu tsú afúlitó á mu ni. ¹¹Yesu anfi iwí asún bəwanlín wá Bulu asún á mutó be, ‘Ibwi á múbú mli obu ayípu mlilékiná á mu

lábəbwe okonkísúbwi ní.’

¹²Yesu anfi nkule pé gyí òhá á ní Bulu ləpvhá aní oyí á nfitó ɔbée, atsúvun musu nya nkpa. Òhaa trá ɔma unvá ɔvun mu.”

¹³Íniá Yudafo ahande amu buyin á ní Petro mua Yohane buməkúkásí ɔwulú ki, táme ifú medé amú su á, ɔnó lobwie amú. Uləwankí amú á ní babuo Yesu ki. ¹⁴Ahande amu bumenya asvansu blí. Tsúfé bowun á ní ibə amúbú alanyá ulətsá á mu líi Petro mua Yohane wá. ¹⁵Mú su bebláa Petro aná be, budáli asún ogyíkpá unu kpalobí, abukita agywun. Mú ahande amu befité aba be, ¹⁶“Nkáli abóbwe ahá á nfi? Òhagyiòha labí Yerusalem wúlutó á ní amú labwé osúna kpənkpənti á nfi. Anumétalí gyi mú nwéen. ¹⁷Táme

alía íbóbwe asón ánfí méetrá kleí á, mliha ada amú olá kínkíínkín aniaa bumátra bláa ohaa asvansu Yesu dátó ε.”

¹⁸ Inu belatí Petro mua Yohane ba obuto unu, beda amú olá bee, bumátra bláa ohaa asúngyíasún ntée súná ató Yesu dátó ekekeεεε. ¹⁹ Mú Petro mua Yohane bebláa amú bee, “Mli onutó mliki. Mómu bu alé Bulu ansító, ání abónu mli asón lóó, ntée Bulu klé? ²⁰ Tsúfé aní mú anuméetalí sí tóá anilawun pú asón ání anulanú blí.” ²¹ Bumetalí bíti amú isu, tsúfé ahá ámu fée bude Bulu kanfó ofúla kponkponu ámú alabwé ámu su. Mú su ahande amu betrá da amú olá kínkíínkín, besi amú benatí. ²² Oyin ámu olotsá lówa ifú, tsúfé alahó dun nfí advana (40) ali bré ámutó.

Ahógyipu Amu Ato Kulíhé

²³ Yudafo ahande amu benya sí amú ali, Petro mua Yohane beyinkí ba amú aba ahógyipu amu wá. Bebláa amú asón ání Bulu igyí ahapú dehen pú Yudafo ahande amu beblí fée. ²⁴ Bréá ahógyipu amu bonu asón ámu a, amú fée bopu ome kule kúlí Bulu bee, “Aní Wíe Bulu Otúmípu, fúlóbwe osú fóbwe asi, opu móa ntsu pú mótó ató fée. ²⁵ Fatsun Oje Wankíhésu há aní náin Dawid, ogyi fú osúmpú léblí obée,

‘Ntogyi sú omá-omá banyá obló?

Ntogyi sú ahá fée babwé agywun koku kpaali?

²⁶ Osulósu awíe badídá ató.

Wúlu ahande batí aba fia,

kítá agywun laláhe aní Wíe Bulu mua Kristo, (ohá ámú oléda mu ofúli) amusu.’ ”

²⁷ Petro lóyo mu asónsú obée, “Lélé á, asón ánfí laba mótó. Owíe Herode mua Pontio Pilatoá bumegyí Yudafo pú Israelfo babwé kule wúlu anfitó, kósú líí Yesusu. Mvgyí fú osúmpú wankíhéá féda mu ofúli ni. ²⁸ Táme bumebi ání tóá fehíhíe yaí fee íbéba mótó fú apé pú fú túmitó dodo babwé á. ²⁹ Aní Wíe Bulu, kí alía baká anisu, afukpa fú asúmpú, méní abéetalí blí fú asón ámu, anuméenya ifú.

³⁰ Tsa ahá uló fú túmito, afuha abwe ofúla pú osúna fú osúmpú wankíhé Yesu dátó.”

³¹ Bréá boba mpái ánfí tá á, amú ofiakpa unv fée ulokpinkí. Ōje Wankíhé lóbulá amótó. Mú sv bowa klun dá Bulu asún ámv okan.

Ahógyipv Amv Atótó Yée

³² Ahógyipv amv fée bəpv klun kole múa agywun kole tsíá. Ōkoku méblí obée tóá mubv igyi mv nkule klé. Mboún okugyáoku ató lobwe amú fée klé. ³³ Sumbí ayəpú ámv bəpv túmi kənkənkənti gyi aní Wíe Yesu iwí adánsie be, Bulu lakúsúa mv tsú afúlito. Bulu léhie wá awitole há ahógyipv amv fée. ³⁴ Amótó okoku mégyi ohian, tsúfé amúá bubv əsulúv pú wóyí betsiá fé mú, pú mú onó kóba ba ³⁵ sumbí ayəpú ámv, betsiá ye mú há dhagyíoha alí ilehián mv.

³⁶⁻³⁷ Mú sv alí kén Lewiyin okvá butetí mv Yosef léfe əsulúv, oləpv kóba amv ba sumbí ayəpú ámv ni. Yosef anfi otsú Kipro omátó, sumbí ayəpú beha mv idá Barnaba, (mú así gyí, “Ahá atetə-onlun əwapú.”)

5

Anania Mva Safira

¹ Inv oyin okvá butetí mv Anania mva mv ka Safira é befe amú siadie kv. ² Táme Anania léle kóba amv kv njáín, mv ka é yin mú iwí. Oləpv kóba amv tráhe ba sumbí ayəpú ámv. ³ Mú Petro léfité mv obée, “Anania, ntogyi sú fahá Ōbunsám lagyi fusv, fapú kóba amúv fenva ámv kv njáín, bówa afunu suná Ōje Wankíhé? ⁴ Fúbú fú əsulúv asa fefe mú. Íniá fefe mú é á, fúbú fú kóba. Nto láhan fv sú fabwé itóá igyi alí? Bulu fawá afunu súná o, megyí anyánkpúsa.” ⁵ Anania lénv nú asún ánfí alí á, əletun da wú. Mú sv ifú lehie kítá ahá aní bonu asún ánfí fée. ⁶ Inv nvasubi aku bəksú tsú tati kíklí mv iwí, tsú mv yópulá.

⁷ Ilegyi fé d̄onhwírī asa ɔma asa mu ka Safira é lóbowie unu. Alí bré ámutɔ á, omeyín tóá ilaba mu kulusu. ⁸ Petro léfité mu ɔbéé, “Safira, bla mi. Kóba anfi gyí tóá f̄ba f̄u kulu mlilénya bréá mliléfe ɔsulúv amu ni?”

Safira léle mú ɔnó ɔbéé, “Ee, alí anlénýa ní.”

⁹ Mú su Petro léfité mu ɔbéé, “Ntogyi su f̄ba f̄u kulu mlilabwé ɔnɔ-ɔkule mlíaa mlósɔ Aní Wíe Ɔɣé kí? Kí, nyasubi ání bayópulá f̄u kulu yínkí lawíe obu-ɔnó unu á. Bósorá f̄u é ya.” ¹⁰ Inunv ɔtsi ámu é létin da Petro ayabito unu wú. Bréá nyasubi ámu bobowie unu á, bowun ání Safira é lawú, su botsu mu yópulá mu mantáa mu kulu. ¹¹ Ifú lehie wíe ɔpasua ámu pú ahá ání bonu asún anfi féétó.

Sumbí Ayɔpú Ámu Ofúla Pú Osúna Bwe

¹² Bulu lótsun sumbí ayɔpú ámusu bwé ofúla pú osúna tsɔtsɔtsɔ wúlu amutɔ. Ahógyipu amu féé bɔbwé kule tsíá fia ɔtinekuá butetí unu Salomo Abrándaaúsó. ¹³ Ahá ání bumegyí ahógyipu kúráá beti ahógyipu amu idayilé. Táme ɔkuku móbwé agywun ɔbéé, mébetsiá ahógyipu amutɔ. ¹⁴ Igyi alí óó á, atsi múa ayin tsɔtsɔtsɔ bɔhɔ aní Wíe Yesu gyi. Bulu létsiá pú amú tsíá ahógyipu amutɔ. ¹⁵ Sumbí ayɔpú ámu ofúlábwe su wúlu amutɔ ahá betsiá tsú amú alɔpu ba brɔnusu, beyaí nklan tswi pú amú tswi músó. Fówun ní Petro ɔbá bɔtsun unu á, mu yiyí bówulí amúsó. ¹⁶ Ɔɔm ání botsú awúluá ibv bomlí Yerusalemto é bɔpu amú alɔpu pú ahá ání ɔɣe laláhe dé amú háan ba, sumbí ayɔpú ámu betsa amú ilo.

Sumbí Ayɔpú Ámu Lu

¹⁷ Sumbí ayɔpú ámu iwí lówa Bulu igyí ɔhapó dehen amu muva mu aba ání bɔbv Saduki ɔpasuato olu. ¹⁸ Iní su bekítá sumbí ayɔpú ámu wá obu. ¹⁹ Táme onyé, Bulu-ɔbɔpu ɔku léba befinkí obu ámu, kpá sumbí ayɔpú ámu dálí. ²⁰ Bulu-ɔbɔpu amu lébláa amú ɔbéé, “Mliyɔ amliyelií

Bulu ɔtswékpa wunsinésú unu, amlibla ahá nkpa pɔpwe amu iwí asón fée.”²¹ Sumbí ayɔpú ámu begyi Bulu-ɔbɔpu amu asónsú. Mú sv benatí yó wunsinésú unu bake, buɔe ahá ató suná.

ɔma-ɔma a, Bulu igyí ɔhapú dehen amu léti Yudafo asón agyípu amu fée fia. Múú bɔwa abí beɛ buyéle sumbí ayɔpú ámu ba.²² Táme bɔyɔ á, sumbí ayɔpú ámu buma unu. Íni sv beyinkí bebláa ahande amu beɛ,²³ “Anilɔyɔ unu á, anilówun ání aklɔn amu fin wankláán. Obu adípúsú akípu amu bulí buɔe aklɔn amu ɔnó gyo. Táme bréá aniléfinkí aklɔn amu a, anumówun ɔhaa obu ámutɔ.”²⁴ Bulu ɔtswékpa agyópu ɔhande mva Bulu igyí ahapú dehen amu bonu asón ánti a, bɔbwe yɔɔ, sí buɔe asón ání ibéba mú ɔma gywíin.²⁵ Unu ɔha ɔku lébebláa amú ɔbéɛ, “Mlikí, ahá ámutú mlilówa obu ámu bulí Bulu ɔtswékpa wunsinésú unu, buɔe ahá ató suná.”²⁶ Mú sv Bulu ɔtswékpa agyópu ɔhande amu mva mu aba bɔyɔ yékpa sumbí ayɔpú ámu ba. Bekpa amú díín pú amú ba, tsúfé benya ifú ání ní bɔpú ibi da amú á, ahá béda amú abwi.

²⁷ Bɔpu amú ba belí Yudafo asón agyípu amu ansító. Múú Bulu igyí ɔhapú dehen amu léfité amú ɔbéɛ,²⁸ “Anuméda mli ɔlá aniaa, mlumátrá tí oyin ánti dá súná ató? Táme mlikí tóá mlilabwé. Mlilahá mli atosunáhé labúlá Yerusalem wúlutɔ fée. Mlidékléá mlópu mu lowu sórá aní.”

²⁹ Petro mva sumbí ayɔpú atráhe amu beɛ mú ɔnó beɛ, “Bulu asónsú lehián ání abégyi, megyí anyánkpúsa.³⁰ Mliléda Yesu mántá oyikpalíhesu mó mu. Táme aní anáin Bulu lókusóa mu tsú afúlito.³¹ Olotsu mu ya ɔsúsú, pú mu yéyaí mu gyɔpísu, bwé mu ahá ɔkpaɔ pú Nkpa ɔhópu. Fówun ɔkpa idi ha Israelfɔ abudamli klɔntɔ, Bulu osi amú lakpan kie amú.³² Anígyí alí asón ánti iwí adansifɔ ní. ɔhe Wankíhé amúú Bulu lópukíé ahá ání butegyí mu

asónsú amu é dé mú iwí adánsiē gyí.”

³³ Bréá Yudafō ahande amu bonu asón ánfí á, lōwa amú ɔbló. Mú su bəbwe agywun beē, bómə sumbí ayəpú ámu. ³⁴ Táme Yudafō ahande amutə ɔkúvā ogyi Farisiyin, mu dá gyí Gamaliel, ogyi Mose mbła osunápú ání ahá fěé butobú mu lókusú líí, blí ɔbéē bukpá sumbí ayəpú ámu dali kpalobí. ³⁵ Inu ɔlebláa Yudafō ahande amu ɔbéē, “Israelfō ayin, mlkí wankláán itó ánfí mlíaa mlópu gyi ahá ánfí iwí. ³⁶ Mlkaun ání bré kutə á, oyin ɔkúvā butetí mu Teuda létsiá. ɔləbwe mu iwí fé ɔha kɔnkrəntí ɔku. Mú su ahá bóbwe fé lafana (400) són bobuo mu. Táme bəmə mu, mu abúopu fěé bedasáín, mu bwehé é fěé lowie ntsu. ³⁷ Mu ɔma a, Yuda ání ogyi Galileayin é léba aháklábi. Mu é ɔlekpa ɔdom buo iwí. Táme bəmə mu, mu abúopu amu fěé bedasáín. ³⁸ Mú su nde mlí bláa mbéē, mlísi ahá ánfí. Mlímápu ibi da amú. Tsúfé ní itsú anyánkpósa wá á, mú fěé ibéba bətsun. ³⁹ Táme ní itsú Bulu wá á, mlíméetalí ká amú itin. Mú su mlímábwe amú tətə, méní umóəbwe fé mlía Bulunyə mlidékə.”

Yudafō ahande amu botsulá dínká Gamaliel asón ánfísu. ⁴⁰ Inu beha betí sumbí ayəpú ámu ba obuto inu. Beha bənwən amú ató, beda amú ɔlá beē, bumátra tí Yesu dá súná ató ekekekeke, besi amú benatí. ⁴¹ Bréá sumbí ayəpú ámu bedali Yudafō asón ogyíkpa inu bəyó á, ansí de amú gyí. Tsúfé Bulu lahá amú é bawun iwíəsin Yesu su. ⁴² Sumbí ayəpú ámu betsiá súná ató ekekegyíeke, dá Bulu ason wankláán ámu ɔkan Bulu ɔtswékpa inu pú wóyígyíwóyító beē, Yesu gyí Kristo, (ɔhá amúú Bulu ladá mu ofúli amu).

6

Ɔnó Alíyú Abasiénó Le

¹ Bréá akasípú amu beba budeklei á, itré leda Yudafō Griiki ablípú amúú buteblí Hebri ɔblí amu nsuné. Griiki

ablípú amu bæe, ekekegyíeke, ní buɗe ató yée a, butamahá Griikífo asurapu amu. ² Mú su sumbí ayɔpú dúanyɔ ámu beti ahógyipu amu fée fia, bláa amú bæe, “Ima aleá abési Bulu asún ɔkanda betsiá ye ató. ³ Íni su apió, mlíkí mlítɔ amlile ahá abasiénó ání obú bu amúsú, Ɔɣe Wankíhé múa nyánsa itsɔ amótó. Fówun apu amú lu atótó yée ɔnó, ⁴ méni ani é abéle ansí kí mpáibɔ pú Bulu asún ámu ɔkanda.”

⁵ Ansí legyi ahógyipu amu fée asún ánfí iwí. Mú su bele oyin ɔkúá mu hógyi ɔnó bu ɔnlin, Ɔɣe Wankíhé é itsɔ mutɔ, butetí mu Stefano muva Filipino, Prokoro, Nikanor, Timon, Parmena pú Nikolao, ogyi Griikiyin ɔkúá otsú Antiokia asa alawíé Yudafo osúmtó. ⁶ Bɔpu ahá ánfí bosuná sumbí ayɔpú ámu, sumbí ayɔpú ámu é bɔpu ibi dínká amúsú, bó mpái há amú.

⁷ Íni su Bulu asún ámu leklei, akasípú amu bomoní Yerusalem. Bulu igyí ahapú ámu óó tsɔtsɔtsɔ bɔhɔ Yesu asún ámu.

Stefano Kítá

⁸ Bulu lówa awítɔle há Stefano túmi kpɔnkpɔnkpɔnti. Mú su ɔɔbwe ofúla pú osúna akpɔnkpɔnti ɔmá ámutɔ. ⁹ Táme aku bɔkusú líí musu. Ahá ánfí botsú offakpa kuá butetí mú “Nkpábiá Bahɔ Iwisutsiá.” Amú aku bugyi Yudafoá botsú Kirene pú Aleksandria awúlusu. Aku é botsú Kilikia pú Asia ɔmátó. ¹⁰ Táme Ɔɣe Wankíhé léha Stefano nyánsa ɔɔɔputó. Mú su bumetalí gyí mu nwéen. ¹¹ Íni su beha aku ɔnó bæe bublí bæe, bonu ání Stefano détoí wɔ Mose muva Bulu. ¹² Íni léha ahá ání bubu mu pú Yudafo ahande pú Mose mbla asunápú amu benya ɔbló Stefanosu. Inu benatí yótu mu, kítá mu, kpá mu ya Yudafo Asún Agyípú amu ansító. ¹³ Belahá aku bɔwa afunu dínká musu bæe, “Oyin ánfí tótó wɔ Bulu ɔtswékpa wankíhé pú Mose mbla ámu ekekegyíeke. ¹⁴ Anlónu ání ɔdeblí ɔbéé,

‘Yesu Nasaretyin amu obóbwie Bulu ɔtswékpa amu, tse amándíé ání Mose lósuná aní fée.’ ” ¹⁵ Yudafo Asún Agyípú amu fée besi buɔe Stefano kú díín. Inu beki a, mu ansító de ogyá kpa fé Bulu-ɔbɔpu ansító.

7

Stefano Iwi Onóle

¹ Bulu igyi ɔhapú dehen amu léfité Stefano ɔbéé, “Asún ánfí bablí tsú fú iwi ánfí fée bu mótó?”

² Stefano léle mú ɔnó ɔbéé, “Mí apíó pú mí así, mliyaa asu amlinu! Bulu Onumnyampu amu léle iwi ɔwan súná aní náín Abraham bréá ɔtsie Mesopotamia ɔmátó, Kaldeafoto asa olotu yétsiá Haran wúlutó. ³⁻⁴ Inu Bulu lébláa mu ɔbéé, ‘Tu dalí fú ɔmátó si fú abusuan, afuyo ɔsulúv kvá nósuná fúsú.’ Mú su Abraham lótu tsú Kaldeafó ɔsulúv yétsiá Haran wúlutó. Mu sí lowu ɔma a, Bulu léha mu olotu ba ɔtíné ánfí mltsie nde ánfí. ⁵ Bré ámutó á, Bulu mókúnyá há Abraham ɔsulúv anfi yabi oyíkpa kule kúráá. Táme Bulu léhie mu asi yaí ɔbéé, mua mu abí-aná obégyi ɔsulúv anfi ekekú. Ali bré ámutó á, Abraham mókúkwií obí. ⁶ Asún ání Bulu lébláa mu gyí, ‘Fú abí-aná bóbwe afɔó ɔsulúv kusv. Bópu amú bwé nkpábi, wá amú amumuyɔ nfí lafana (400).

⁷ Táme négyi ɔmá ámúú fú abí-aná béyetsiá amú asi ámu asún, bíti amú isv. Mú ɔma a, néle amú lé amú ibitó, fówun béba bosúm mí nfi.’ ⁸ Bulu léka ntam há Abraham. Ntam amu ɔnó á, Abraham ɔbétun mu abí-aná keté. Mú su mu bi Isak lóho nkekwe á, Abraham létun mu keté. Isak é létun mu bi Yakob keté. Yakob é létun mu abí, bugyi aní anáín dúanyo ámu keté amú nyebito.

⁹ “Aní anáín anfi befe amú gyama Yosef, mu iwi olu sv. Mú su ɔlɔyɔ yébwé ɔkpábi Egyipte ɔmátó. Táme Bulu lélií mu ɔma, ¹⁰ lé mu lé mu asun wunhe féeétó. Bulu léha mu nyánsa, há Egyipte owíe lénya mu iwi ansigyí. Mú su ɔlobwe Yosef mu ɔmá pú mu wóyí féeésú ɔkípu. ¹¹ Akún

ku lébá Egipte pú Kanaan əsulúsu féé. 12 Iḷəpu ikplán ba əmá ámutə. Aní anáin amu bumenyá ató gyi. 13 Mú su bréá Yakob lónu ání atogyihe bu Egipte a, əlwa aní anáin anfi sísí. Bəyɔ inu eke gyankpapu yénya atogyihe ba. 14 Beyinkí yó otse nyəəsí a, Yosef léle iwí əwan súná amú əbée, mɔgyí amú gyama Yosef ni. Ínu su Egipte owíe é lébi Yosef abusuan. 15 Mú əma a, Yosef lówa mu apíó sísí əbée, buyékpa mu si Yakob pú mu abusuanfə, bəbwe fé ahá aduesienó-nu (75) ba, abubetsiá Egipte əmátó. 16 Inu Yakob lóyɔ Egipte. Inú mva aní anáin amu bowu ní. 17 Nfi tsətsəotə əma a, bəpu amútó aku afúli ya Sekem. Wúlu anfitə Abraham légyankpá tsíá ní. Bopulá amú ulán kuá Abraham lópu kóba hə tsu oyin əkuá butetí mu Hamor abí wátó.

17 “Nke á múú Bulu léhiə Abraham amu lotsutsúá ɪbəfun a, aní anáin amu bakléí wá Egipte əmátó. 18 Əma a, Egipte owíe əkuá əmebi Yosef lébetsiá obíá ámusu. 19 Owíe anfi lówa owuntəlín aní anáin amusu. Əleka amú híe əbée, butswí amú abi bəbwe tsalífwi abuwu. 20 Alí bré ámutə bəkwí Mose ni. Ogyi obí ání əhíe əbu akíle, Bulu ansí legyi mu iwí. Mu yin léyaí mu tsra asa mu si wóyító. 21 Bréá bele mu mu wóyító a, Farao mu bi tsíhé lótsu mu, pú mu bwé mu bi alu, əledan. 22 Egiptefə bosuná Mose amú amándié kugyíku. Ələbwe əha kɔənkɔənti mu itó pú mu bwehétó.

23 “Bréá Mose lóhə nfi advana (40) á, ələbwe agywun əbée, móyɔ yéki alíá Egiptefə bəpu bude mu apíó Israelfə kpa. 24 Inu á, olowun ání Egipteyin dé mu apíó Israelfə ámutə əku da. Mú su əlɔyɔ əyóhə mu pio á múú ide mu dúbun amu, ilemlí mva Egipteyin amu nyə. Inu əleda Egipteyin ámu mó. 25 Mose mú kɪ əbée, ɪbəwankí mu apíó Israelfə ání Bulu dépu mu hə amú nkpa, táme ɪməwankí amú. 26 Mú əyi kehe a, olowun Israelfə abanyó budekə.

tsú Egyipte amv. ⁴¹ Alí bré ámutò á, beblí sika pεpe onantswiebí púbwé okpi, tsíá há mú igyí. Amú ansí legyi amú ibi onó ito bwehé ánfí iwí. ⁴² Bulu lési amú asún, bəyo bude owí múa ətsra pú ntsrakpabi tswée. Fé alíá bəwanlín wá Bulu onósú atáipú amv əwolútó beε,

‘Israelfò! Megyí mí mlólómə mbwí bó afodíe há
nfi advana (40) ámú mlulétsiá dimbí ámusv.

⁴³ Mboún okpi Molok tati-obu
pú Refan ntsrakpabi okpi
mlólóbwe sóra, nátí tswε.

Íni sv négya mli yówa Babilonfə əsolúv əma ətunekv.’

⁴⁴ “Tati-obu ámú itosúná amú áni Bulu bv amú wá ámv é letsiá aní anáin amv wá dimbí ámusv. Mose lóbwe mú alíá Bulu lósuná mv əbéε, əbwée mú pépéépé. ⁴⁵ Aní anáin amv bowu sí Bulu tati-obu ámv há aní así, Yosua légya amú nkpa bəpuba əsolúv anfisv. Amú onutó ansító Bulu légya əmá-əmá lé əsolúv anfisv púhá amú. Bulu tati-obu ámv letsiá amú wá alu bətu Owíε Dawid brésú. ⁴⁶ Bulu ansí legyi Owíε Dawid iwí. Mú sv Dawid lókulí mv əbéε, muyíi obu ha mv, méní aní Yakob abí-aná féé abósum mv unv. ⁴⁷ Táme Owíε Salomo mboún lébeyi obu ámv.

⁴⁸ “Táme Əsúsúsú Bulu tamatsiá nyankpusa obu yihetə. Fé alíá Bulu onósú atáipú okv léblí əbéε,

⁴⁹ ‘Aní Wíε Bulu əbéε, “Əsúsú gyí mí owíε obíá,
əsolúv é igyi mí ayabi oyíkpa.

Ntə obu mlíaa mléyi ha mí?

Nkúnv gyí mí okpúnú ədakpá?

⁵⁰ Megyí mí lóbwe ntobí ánfí féé?” ’ ’

⁵¹ Stefano lómə mv asún onó əbéε, “Asutə-onlun awíε, klvntə bv mli odwin. Mlilakíná Bulu asún ámv nu. Mli é mlitəkúsú líi Əje Wankíhé amv asúnsú brégyíbré, fé alíá mli anáin amv betsiá bwé. ⁵² Bulu onósú atáipú əməmusú mli anáin bvmədinká? Bəmə Bulu onósú atáipú amúv beblí yái beε, Yilé Əbwepú ámv əbéba amv é. Mliléle Yilé

Ḑwepú ámu há, bəmə mu. ⁵³ Mlilóhə Mose mbla ámu tsú Bulu-abəpu ámu wá ní, táme mlumégyi músú.”

Stefano Abwi Da Mó

⁵⁴ Bréá Yudafo ahande amu bonu Stefano asun blíhé anfi á, ḑbló lehie kítá amú, beda ansító kpon. ⁵⁵ Táme Ḑhe Wankíhé lóbulá Stefanotə, olotsu ansí fúá, ḑde ḑsúsú kí. Olowun Bulu numnyam, Yesu líi Bulu gyəpɪsu. ⁵⁶ Múy ḑlebláa amú ḑbé, “Mluki, nawun ání ḑsúsú lafinkí, Nyankpusa-Mv-Bi ámu líi Bulu gyəpɪsu.”

⁵⁷ Bréá bonu íni á, bəpu ibi tin asu. Inu amú féé bəsurá okitikítí tú bun musu, ⁵⁸ bebitía mu dali wúlu amotə beyéda mu abwi mó. Adansífo ámu bəwóí amú awunso atadiə tswi ḑyasubi ḑkvá butetí mu Saulo wá. ⁵⁹ Bude mu abwi da alu, olokpolí anu Wíe ḑbé, “Mí Wíe Yesu, hə mí ḑhé.” ⁶⁰ Inu á, ḑleda akpawunu, kplón kvklókúy ḑbé, “Mí Wíe, si lakpan áni kie amú.” Olenya blí ali pé, olomu ḑnó.

8

¹ Saulo é lótsulá dínká Stefano məsu.

*Saulo Ḑpasua Ámu*su Dinká

Tsú eke ámu^{su} á, bedinká ḑpasua ámu^u ibu Yerusalem amusu, wá amú mə bi. Mú su ḑpasua ámu féé bedasáin wá Yudea pú Samaria ḑmátó, sí sumbí ayəpú ámu nkule pé wá unu. ² Táme Bulu asúmpú aku bosu Stefano, bun mu.

³ Saulo mú léfi ḑpasua ámu bwie asu. Oletsíá kí ahá wóyító, bítía ahógyipu atsi múa ayin féé yówa obu.

Filipo Bulu Asún Ḑkanda Samaria Wúlutə

⁴ Ahógyipu amu beda Bulu asun wankláán ámu ḑkan ḑtínegyíḑtíné ání bedasáin yó. ⁵ Mú su Filipo lóyə Samaria wúlu yilé kvətə yébláa amú Kristo, (ḑhá ámu^u Bulu ladá mu ofúli amu) iwɪ asun wankláán ámu. ⁶ Afíapu amu féé bonu mu asun blíhé, bowun osúna ání ḑḑbwe é. Mú su bəhə mu asún ámu. ⁷ Ḑhe laláhe lósura okitikítí dali ahá

tsətsətsətsə. Ahá ání amú ifón lawú pú tsukole asínpu tsətsətsə é benya ulətsá. ⁸ Mú su ansí lehie gyi Samariafə ámu.

⁹ Alí bré ámutə á, əfápú kənkənti əkvá butetí mu Simon bu wúlu amutə. Bréá Filipo mókúba inu á, ətəwé túmila súná mu pi amu, itəwá amú ifú. Ətəpú ibi sí kántó blí əbé, otúmípu kənkənti mvgyi. ¹⁰ Nyebí ahande fée butobú mu, blí be, “Oyin ánfí dé Bulu túmi kənkənti ámu.” ¹¹ Íniá ədepu mu asuma bwé ofúla suná amú, ilawá əpá su á, amú fée bəhə mu gyi. ¹² Táme bréá Filipo léba beda Bulu iwígyi pú Yesu Kristo iwí asun wankláán ámu əkan a, atsi múa ayin bəhə mu asún ámusu gyi, ələbə amú asú. ¹³ Simon onutó é lóhogyi, əleha Filipo lóbə mu asú. Mu asúbə əma a, ələpu iwí mantáa Filipo. Bréá olowun alá Filipo dé ofúla múa osúna bwe á, ənó lobwie mu.

¹⁴ Sumbí ayəpú ámú bəbu Yerusalem amu bonu ání Samariafə bahə Bulu asún ámu. Mú su bəwa Petro mua Yohane amú wá. ¹⁵ Bréá boyówie inu á, bəbə mpái há Samariafə ahógyipu amu be, bunyáa Əhe Wankíhé. ¹⁶ Tsúfée asú keke babó amú aní Wíe Yesu dátó, táme amótó əkukú mókúnýa Əhe Wankíhé amu. ¹⁷ Inu Petro mua Yohane bəpu ibi dínká amú nwunsu, Bulu léha amú Əhe Wankíhé amu.

¹⁸ Simon lówun ání ibi keke sumbí ayəpú amu bapú dínká ahógyipu amu nwunsu, Bulu lahá amú Əhe Wankíhé. Mú su əlele kóba há Petro mua Yohane, ¹⁹ əlebláa amú əbé, “Mliha mí túmi ánfí kv, méni ní mí é nəpú ibi dínká əku nwunsu á, Bulu əbéha mu Əhe Wankíhé.”

²⁰ Táme Petro lébláa mu əbé, “Fúa fú kóba ámu nyo fée mlihi. Tsúfée fuki fee, fétalí pú kóba hə Bulu itokiehé ánfí. ²¹ Fuma ogyíkpá ntée əlúkpá aní gyumagyihe anfitə, tsúfée fú kluntə metn Bulu ansító. ²² Damli kluntə tsu fú lakpan ánfítə, afukvli aní Wíe Bulu. Fíalu obési agywun laláhe anfi

fabwé ánfí kíé fú. ²³ Tsúfé nawun ání fuhíé fúbu ɔnsɪɛ, lakpan lagyi fusu.”

²⁴ Simon lébláa Petro mva Yohane ɔbéɛ, “Nobwíí ɪpa, mlíkòkòlì mlì Wíé Bulu ha mì, ménì ɔméesha asún ánfí fablí ánfítò kùkù mééba mɪsɪ.”

²⁵ Bréá Petro mva Yohane begyi adánsɪɛ, dá Yesu ɪwɪ asún ámu ɔkan tá á, beyinkí yó Yerusalem. Bréá bɪna bəyó á, bɛda asun wankláán ámu ɔkan Samaria nkuda tsɔtsɔtsɔ asɪ.

Etiopia Owíe Sikasu ɔkírú Kluntɔdamlì

²⁶ Alì bré ámɔtɔ á, Bulu-ɔbɔɔvɪ lébláa Filipino ɔbéɛ, “Kusu pɪ ɔsaasí dimbísú ɔkpa ámúbú ida tsu Yerusalem ɪyó Gasa amu.” ²⁷ Múbú Filipino lókusú pú ɔkpa. Bréá ɔyó á, ɔlɔtɪ Etiopia ɔmá ɔhande ɔkúá baflo mɪ. ɔhande amu gyí Etiopia owíe tsíhé Kandake sikasu ɔkírú. Oyín ánfí layó Yerusalem yósum Bulu, ²⁸ yínkí ɔyó wóyí, ɔtsie mɪ kekétó, mɔɔnkɔ bɔde mɪ bití. ɔde Bulu ɔnósú ɔtɔírú Yesaia ɔwulú ámu kláa. ²⁹ Múbú ɔɪe Wankíhé lébláa Filipino ɔbéɛ, “Kɔɔkɔɔ manta keké ánfí.” ³⁰ Filipino lésrì túbú keké ámu wun ání Bulu ɔnósú ɔtɔírú Yesaia ɔwulú ámu oyín ámu dé kláa. Mú su ɔlefíté mɪ ɔbéɛ, “ɔhande, fɔde asún ámúbú fɔdekláa amu asɪ nu?”

³¹ ɔhande amu léle mú ɔnó ɔbéɛ, “Nkálì ɪbóbwe nónu mú asɪ ní ɔkú méle mú asɪ súná mí?” Mú su ɔlebláa Filipino ɔbéɛ, “Dɔ tsia mí wá ayɔ.” ³² Bulu asún ání ɔdekláa ɔwulú ámɔtɔ gyí:

“ɔlɔbwe díín fé kufa ání bapú beya ɔmɔkpá. ɔmobwíí mɪ nnonyɔ.

ɔlɔbwe díín fé alíá kufa tɔbwé
ní bɔde mɪ ɪwɪ imi dunkí.

³³ Bɔkpáí mɪ, bɔmegyi mɪ asún ɔnɔkwálìsɔ.

ɔhaa méetalí súná mɪ abí-aná,
tsúfé bɛka mɪ nkpa tin ɔsulúbú anfisɪ.”

³⁴ Múú òmá òhande amu léfité Filipino òbée, “Ma iwí asún Bulu ònósó òtópú anfi déblí, mu onutó ntée òha bambá?”

³⁵ Inu Filipino lélí Yesaia asun wanlínhé anfisú bláa mu Yesu iwí asun wankláán ámu. ³⁶⁻³⁷ Bəpu bəyó á, bətu ntsu kv. Múú òmá òhande amu léfité Filipino òbée, “Ntsu dá a, ntó létin mí asúbo òkpa?”*

³⁸ Mú sv òmá òhande amu léha mu keké ámu òbitípú lélí. Mva Filipino bekplí wíé ntsu ámutə, Filipino lóbə mu asú. ³⁹ Bréá bedalu ntsu ámutə á, aní Wíé Òhéné lotsu Filipino náti. Òmá òhande amu métrá wun mu, táme òləpu ansigyí náti òyó wóyí. ⁴⁰ Filipino é léyedalu Asoto wúluto. Òlenáti kí inu awúlusu dá asun wankláán ámu òkan alu, oloyówie Kaesarea wúluto.

9

Saulo Kluntədamlí

(Gyumagyihe 22:6-16; 26:12-18)

¹⁻² Alí bré ánfito féé á, Saulo mókúsí Yesu akasípú amu bláa òbée, mómo amú. Mú sv òləyo Bulu igyí òhapú dehen wá yókulí mu òbée, òwánlun òwulú pule mu suna Damasko Yudafo ofiákpa ahande, méni ní mu ibi da oyin ntée òtsi òku, òna aní Wíé òkpa ámu sv a, mékitá mu, kpá mu ba Yerusalem.

³ Saulo lópu òkpa òyó Damasko. Òleta wie tá á, nsaintə lekpa ogyá wa mu. ⁴ Òledida òsulótə kpla. Inu olonu òme kv. Òme amu léfité mu òbée, “Saulo, Saulo, ntogyi sù fúdin mísú alí?”

⁵ Saulo léfité òbée, “Fú ma ni, mí Wíé?” Múú òme amu lébláa mu òbée, “Mí Yesu ni. Mísú fudin ní. ⁶ Kusv, afuyə wúluto inu. Òku obósuná fú tóá lehián aní fóbwe.”

* ^{8:36-37} Mútó yéé 37 bu nwulú dada amu akutə: Filipino lébláa mu òbée “Ní fahə Kristo gyi tsú fú uklun féétó a, nétaí bó fú asú.” Òlebláa Filipino òbée, “Ee, nahogyi mbəe Yesu Kristo gyi Bulu mu Bi.”

⁷ Saulo aba ání mua amónyo buna besi líí díín. Bonu òme amu, táme bumowun òhaa. ⁸ Saulo lókusú líí. Olobwíí ansíbi, táme òmedé ató wúun. Mú sv bekítá mu ibi, kpá mu ya Damasko wúluto. ⁹ Oletsíá nkensá owító omowun ató. Omegyí ató, omonu tótó é alí bré ámvto.

¹⁰ Alí bré ámvto á, Yesu òkasípú òku bu Damasko, butetí mu Anania. Olowun ató. Mótó á, aní Wíe Yesu lókpólí mu òbée, “Anania!”

Olotsulá òbée, “Mí Wíé, mí ní.”

¹¹ Múú aní Wíe lébláa mu òbée, “Kusu, yo brɔnu ámvú butetí mó ‘Òkra Tswííhé’ amusu. Wie Yuda wóyító, afufite oyin ámvú otsú Tarso, butetí mu Saulo amusu. Alaba, òbu unu òde mpái bɔ. ¹² Alawun ání oyin òkvá butetí mu Anania laba bɔpu ibi dínká musu, mu ansíbi labwíí.”

¹³ Múú Anania lébláa aní Wíe òbée, “Mí Wíé, nanú oyin ánfu iwí asún. Alíá òdepu lalahé gyi fú ahá ání bubu Yerusalem. ¹⁴ Igyí ahapú dehen amu é bahá mu túmi bɛɛ, òbá Damasko bekítá ahá ání butòbó mpái fú dátó fée.”

¹⁵ Aní Wíe lébláa mu òbée, “Yɔ, mílalé mu mbée, òbwée mí osúmpú, òha òmá bámbátófo, amú awíe pú Israelfo fée abubi mí. ¹⁶ Mí onutó nósuná mu alíá òbókoku wun ipian mí sv.”

¹⁷ Mú sv Anania lóyo Yuda wóyító, yópu ibi dínká Saulosu, bláa mu òbée “Opíó Saulo, aní Wíe Yesu ámvú òlele iwí òwan súná fú bré ámvú febá nfi ámu lává mí fú wá. Òbée, mbeha fú afulawun ató, òje Wankíhé òbula fótó.” ¹⁸ Tòkvá igyi fé klemetí afwí lémaín lé mu ansíbisu kpádá inunv. Mú sv òlela òde ató wúun. Inu òlòkusú, bɔbɔ mu asú. ¹⁹ Beha mu ató olegyi, òwunlín lelawíe mu.

Saulo Bulu Asún Òkanda Damasko

Saulo létsíá akasípú amu wá nke kpalobí. ²⁰ Inunv òlenatí yó amú offiakpa, yéfi Yesu iwí asún òkan da así òbée, “Yesu gyí Bulu mu bi ámu ní.”

²¹ Ahá ání bonu mu asun blíhé anfi fée onó lobwie amú. Mú su befuté bee, “Megyí mudé Yesu asúmpú mō Yerusalem ní? Megyí amú okitákpá oḗba nfi, okpa amú ya igyí ahapú dehen amv?”

²² Táme Saulo lélanya túmi blí asún ámu owunlínso obéé, lélé Yesu gyí Kristo, (ohá amú Bulu ladá mu ofúli amu). Alía oḗhie lé asún amvto leha Yudafo áni bubu Damasko unv bōbwe basaa. Bumowun múá bōtsu.

²³ Nke tsotsotsō oḡa a, Yudafo ámu befia kítá agywun bee bōmō Saulo. ²⁴ Mú su betsiá gyo wúlu amu onó oḡa onyé, méni bénya mu mó mu. Táme aku bowi tsá Saulosu bee, alí Yudafo ámu babwé agywun ní. ²⁵ Mú su eke oku onyé á, Saulo abúopv amvto aku bōtsu mu wá lakpátó, pú mu tsun ikwitō kplí mu yi iban oḡa, oḗsrí nátí.

Saulo Yerusalem Yō

²⁶ Bréá Saulo lówie Yerusalem a, oḗtsun okpa kugyíkusu áni obówie Yesu akasípú amvto. Táme bumohogyi áni alabwé okasípú. Mú su benya mu ifú. ²⁷ Inu Barnaba lékpa mu ya, yéle mu súná sumbí ayopú amu. Oḗbláa amú alía aní Wíe lélé iwí owan súná Saulo Damasko okpatō, mua Yesunyo batóí; pú alía Saulo lówa klun dá Bulu asún ámu okan owunlínso Yesu dátō Damasko wúlutō. ²⁸ Mú su Saulo lówie amótó, beki Yerusalem wúlutō. Oḗwa klun blí Bulu asún ámu Yesu dátō. ²⁹ Mua Yudafo amú buteblí Griiki oblí amu betsiá tóí, gyi aba nwéen. Táme alí bré amvto fée á, bude agywun bwe áni bōmō mu. ³⁰ Bréá mú afú lowulí ahógyipu amu a, bekpa mu yáa Kaesarea, há mu oḗenatí yó Tarso.

³¹ Mú su iwí lolwíi opasua áni bu Yudea, Galilea pú Samaria oḡátó. Oḡe Wankíhé lékpa amú bekleí, dan hógýtō, betsiá tsiátóá ilegyi aní Wíe Yesu ansí.

Aha Aku llo Tsa

³² Petro lénatí ki Samaria nkudasi. Eke oku oleyéki Bulu ahá ání bubu Lida wúluto. ³³ Inu á, oleyéfia oyin okvá butetí mu Enea, olesin tsukule nfiawe ní. ³⁴ Petro lébláa mu obéé, “Enea, Yesu Kristo latsá fú ilo. Kusu kunta fú oklan.” Inu Enea lókusú. ³⁵ Ahá ání butsie Lida wúluto pú Saron nsainto féé bowun oyin ámu. Mú su bohogyi, bobuo aní Wíe.

³⁶ Otsi oku bu Yopa wúluto, ogyi akasípú. Butetí mu Tabita. Mu dá ámu asi Griiki oblíto gyí, “Dorka.” Mú asi gyí, “Abre.” Yilé obwepú ogyi. Obu awitole há ahiánfo. ³⁷ Bréa Petro bu Lida a, ilo leda Tabitasu. Olowu, bebie mu ntsu, sí mu tswi abansóru kutó. ³⁸ Yopa múa Lida awúlu umafó aba wá. Mú su bréa akasípú amú bubu Yopa amu bonu lowu áni á, bowa abi anyo sísi Petro beé, bobwíi pa há mu, owáa asa tu amú. ³⁹ Inu Petro lówa asa bwé, múa amónyo benatí. Bréa olobowie inu á, bekra mu ya abansóru amuto. Wúlu amuto asurapu féé bubu fúli amu asi. Bekra pútá Petro budésú, bude atadiéa Dorka lóbwe bréa otsie nkpa pusúná mu. ⁴⁰ Petro légya asurapu amu féé lé obu amuto. Múú oleda akpawunu bó mpái, asa oledamli ki fúli amu bli obéé, “Tabita, kusu.” Inu Tabita lóbwií ansíbi. Bréa olowun Petro a, okusú tsía. ⁴¹ Inu Petro lékitá mu bi, okusú líi. Petro létí asurapu amu pú ahogyipu atráhe amu. Múú olopu Tabita súná amú áni alatsínki. ⁴² Asún áni lekleí wá Yopa wúluto. Mú su ahá tsotsotso bohó aní Wíe gyi. ⁴³ Petro létsiá Simon áni otayó owuló-kpákpá iwí agyómá wá Yopa inu wá opa.

10

Konelio Abí Wa Petro Wá

¹ Oyin oku létsiá Kaesarea inu, butetí mu Konelio. Ogyi Romafó isá akópú opasua kvá butetí mú Italia ohande. ² Obu nsi Bulusúm iwí. Mwa mu wóyítáfo féé butosúm Bulu. Konelio tekíé Yudafó ahiánfo ató. Otobó mpái há Bulu

fó dunká. ²⁰ Kusu bwe, afukpli yefia amó amlinatu. Mágyi nwéen, tsúfě mílawá amó fó wá.” ²¹ Inu Petro lékpli yótu amó, bláa amó óbée, “Mígyí óhá ámú mliédunká ámu ni. Ntogyi só mliná?”

²² Ahá ámu bele mú ónó bée, “Animédé tsitsa. Isá akópú óhande Konelio ání otenyá Bulu ifú, Yudafo fěé butetí mu idayilé lówa aní fó wá. Bulu-óòpú óku labebláa mu óbée, óbá beti fó afuba mu wóyító, méni obónu asún ání fúbu blí.” ²³ Mú Petro lékpa amó wá wóyító, óleha amó ódikpa.

Óyi kéhe a, Petro mua amónyó bókusú pú ókpa báyó Kaesarea. Bréá báyó á, ahógyipu akvá bubu Yopa inu é bobuo amó yó. ²⁴ Mú óyi kéhe a, boyówie Kaesarea wúlutó. Botsutsúa abowie inu á, Konelio latí mu wóyító ahá pú mu anyawie kláklá befia, óde amó ókpa kí. ²⁵ Bréá Petro lówie wóyí ámu ónó á, Konelio lókusú yéfia mu, dá akpawunu mu ayabito súm mu. ²⁶ Táme Petro léha mu ólókusú. Ólebláa Konelio óbée, “Kusu, máda akpawunu há mí. Nyankpusa mí é ngyi.” ²⁷ Petro mua munyó buna budetóí alu olowie wóyító. Inu olowun ání ahá tsótsótsó bafia. ²⁸ Mú ólebláa amó óbée, “Mli onutó mliyin ání Yudafo mbla meha ókpa ání Yudayin mua ómá bámbátóyin bubwée anyawie ntée óbóyo mu wá kpán. Táme Bulu lahá mí nabí ání mmákí mbée óku iwí metun ntée ómófun amándíé ókpasu. ²⁹ Mú sú bréá fowa abí fěé bubéti mí á, mmákupkúpú nwuntó ní. Amansu igyi? Bla mu.”

³⁰ Mú Konelio lébláa mu óbée, “Nde eke náásí, ntópwe ósato mbu wóyító nde mpái bó. Ósáwule pé á, nowun oyin óku líí mí ansító. Oyín ámu lówa atadie futútú. ³¹ Oyín ámu lébláa mi óbée, ‘Konelio, Bulu lanú fó mpái. Fú ahá ató kie é lagyi mu ansí. ³² Mú su wa abí abuyó Yopa wúlutó yeti Simon Petro ba. Ówuló-kpákpa iwí agyómá óyópú Simon wóyí ólósuí. Otsie mantáa ópu ónó.’ ³³ Mú su inunu nowa

abí sísí fú. Ibu alá fába. Séi á, aní fée anlafia Bulu dátó. Anigyó aní Wíe asún aní alapúhá fú óbée, fubláa aní.”

Petro Asun Blíhé

³⁴ Móú Petro lótsu onó blí óbée, “Nawun aní lélé Bulu tamakí ohaa ansító. ³⁵ Mboún ohá aní otenyá mu ifú, otóbwé yilé asún otekle omágyómátó. ³⁶ Mliyín asun wankláán aní Bulu lópohá Israelfó. Asún ámu gyí, Bulu lapú iwilwii ba tsun Yesu Kristo, ahá fée Owíe amusu. ³⁷ Mliyín asún kponkpontí aní ileba Yudea omátó fée. Ilotsu asi tsú Galilea omátó, bréá Asú Óbopú Yohane léda asúbó okan oma. ³⁸ Mliyín aní Wíe Yesu Nasaretyin amu. Mliyín aní Bulu lópu mu Òje Wankíhé pú túmi wá mutó, oleki otínegyíotíné bwé yilé, tsá ahá aní bubu obunsám túmi asi uló, tsúfé Bulu buo mu. ³⁹ Anigyí ahá aní anilówun mu bwehé aní obowe Yudea pú Yerusalem omátó fée ní. Beda mu mántá oyikpalíhesu mó mu. ⁴⁰ Táme mú eke sáásí a, Bulu lókusúa mu, lé mu owan, ahá bowun mu. ⁴¹ Megyí oytító ahá fée lówun mu, táme aní ahá ámúb Bulu lélé yáí óbée, abwée mu adansífo ámu mú anilówun mu. Mu kúsú tsú afúlito oma a, ania munyo légyi, anilówi ní. ⁴² Ólehie aní óbée, adáa mu asun wankláán ámu okan suna ahá, agyi mu iwi adánsie aní mugyí ohá aní Bulu laléá obégyi aktankpapu pú awupú fée asún ní. ⁴³ Bulu onósú atóipú amu fée beblí bee lélé, ohagyíoha aní olóho Kristo gyi a, Bulu obési mu lakpan fée kíe mu Kristo dátó.”

Omá Bámbásófo Òje Wankíhé Nya

⁴⁴ Bréá Petro dé asún anfi blí á, Òje Wankíhé lébá ahá ámúb bude mu asún ámu nu ámu féesú. ⁴⁵ Onó lobwie Yudafó ahógyipu amúb bobuo Petro ba unv ámu aní Bulu lapú mu Òje Wankíhé amu kíe ahá aní bumegyí Yudafó. ⁴⁶ Tsúfé bowun aní ahá ámu bude oblí bámbá blí, buhíe bude Bulu kanfó. Mú su Petro lébláa amú óbée, ⁴⁷ “Bulu lahá ahá anfi é Òje Wankíhé fé aní. Óku obétalí tin amú

ḡkpa ḡbée bumábo amú asú?” ⁴⁸ Mú su ḡleblí ḡbée, bubó amú asú Yesu Kristo dátó. Mú ḡma a, bokokóli Petro bee, otsía amú wá kpalóbí.

11

Petro lwi Asún ḡnóle Yerusalem

¹ Yesu sumbí ayḡpú ámu pú ahógyipu amúú bubu Yudea ḡmátó ámu bonu ání ḡmá bámbátóḡ é bahḡ Bulu asún ámu. ² Mú su bréá Petro lóyo Yerusalem wúluto á, mua ahógyipu akvá butekleá ahá butín keté asa abuwie ḡpasua ámuto bebití asún. Befité mu bee, ³ “Ntogyi su fayó ahá ání bumetun keté wóyí, fúa amúnyḡ mlilawá ibi gyi ató?” ⁴ Mú su Petro léle asún ání ulebatḡ súná amú ukule-ukule ḡbée,

⁵ “Mbu Yopa wúluto nde mpái bo nowun ató. Mútó á, nowun ání tḡkvá igyi fé ḡhráda téihé, bude mú nsiebí ana lékplí tsú ḡsúsú bá mí wá. ⁶ Nowun pututo-mbwi pú wúluto mbwi, mbwiá bubu ayín, táme buteká abḡḡ pú ḡyítḡ mbubwi féé ḡhráda ámuto. ⁷ Inu nonu ḡme ku ledali bláa mi ḡbée, ‘Petro, kusu mḡ mbwi áñfi afowi.’

⁸ “Múú neblí mbée, ‘Mí Wíe, ekekeke. Bḡkwí mí ḡpá á, mmḡkúgyi tḡá Yudaḡo amándíe lekisi ntée mú lwi metun ki.’

⁹ “Múú ḡme amu lótsu ḡsúsú lábláa mi ḡbée, ‘Mátí tḡá Bulu latin mú lwi atokisíhé.’ ¹⁰ Tsesa sḡḡn nowun atowunhe anfi. Mú ḡma a, ulelayínkí yó ḡsúsú.

¹¹ “Alí bré ámuto kén á, ayin abasá akvá bḡwa mí wá tsú Kaesarea baba bulí wóyí amúú ntsie mútḡ ámu ḡḡ. ¹² ḡḡe Wankíhé lébláa mi ḡbée, mbúo amú yḡ, mmágyi nwéen. Apíó abasíe áñfi botsú Yopa anfi é bobuo mi yḡ Kaesarea, aní féé anilóyo Konelio wóyítḡ. ¹³ Konelio lébláa aní ḡbée, mowun Bulu-ḡḡpḡ ḡku mu wóyítḡ, ḡlebláa mu ḡbée, ‘Wa abí abuyḡ Yopa yeti oyin ḡkvá butetí mu Simon Petro ba. ¹⁴ ḡbéláa fu asún ání fúa fú wóyítḡ ahá féé mlótsun músú nyá nkpa.’

¹⁵ “Nenya tsú ɔnó ndetóí alí, Ɖɛe Wankíhé léba amósú fé alíá ílɛba anusu eke gyankpapu amu. ¹⁶ Inu nekáin aní Wíe asun blíhésu. Ɖbéé, ‘Yohane lópu ntsu bó ahá asú. Táme mli mú á, Bulu ɔbópu Ɖɛe Wankíhé bó mli asú.’ ¹⁷ Mú su ní Bulu lapó mu atokiehé ámu kíe amú, fé alíá ɔlɔpukíe aní ahá ámúb anilóhɔ aní Wíe Yesu Kristo gyi amu a, mígyí ma ání nétin Bulu ɔkpa?”

¹⁸ Bréá sumbí ayɔpú ámu bonu asún ánfí á, besi Petro tóí wa, bekanfú Bulu beé, “Mómú Bulu lahá ahá ání bumegyí Yudafɔ ɔkpa ɔbéé, amú é budámli klɔntɔ, abunya nkpa.”

Kristo Ɖpasua Ání Ibu Antiokia

¹⁹ Stefano lowu ɔma a, bedunká ahógyipu amusu. Mú su bedasáin yó Foinike múa Kipro ɔsulúsu pú Antiokia wúlutɔ. Yudafɔ nkule bebláa Bulu asun wankláán ámu. ²⁰ Táme amótó aku mú botsu Kipro pú Kirene ɔmátó ba Antiokia bebláa Griikifɔ ámu aní Wíe íwí asun wankláán ámu. ²¹ Aní Wíe Bulu lélí amú ɔma. Mú su amótó ahá tsɔtsɔtsɔ bohogyi, dámli klɔntɔ ba aní Wíe Yesu wá.

²² Yerusalem ɔpasua ámu bonu asún ánfí. Mú su bɔwa Barnaba sísí Antiokia. ²³⁻²⁴ Barnaba gyí ɔha wankláán, Ɖɛe Wankíhé pú hógyi é itsɔ mutɔ. Bréá olowie Antiokia, olowun alíá Bulu lagyi amú buale a, ansí legyi mu. Mú ɔlɔtɔí kplá amú ɔbéé, bupúu amú klɔn féé dínka aní Wíe Yesusu, abugyi mu mblasu. Íni su ahá tsɔtsɔtsɔ bɔtsun mu asún ámusu hɔ aní Wíe gyi. ²⁵ Mú ɔma a, Barnaba lóyɔ Tarso wúlutɔ yódunká Saulo. ²⁶ Bréá olowun mu a, ɔlekpa mu ba Antiokia. Betsiá unv ofi ɔkule, tsíá fía ɔpasua ámu, súná amú ató. Antiokia begyankpá tí akasípú amu beé “Akristofɔ” ní.

²⁷ Bulu ɔnósú atáipú aku botsu Yerusalem ba Antiokia alí bré ámutɔ kén. ²⁸ Amótó ɔkule dá gyí Agabo. Ɖlɔkusú líí, blí Ɖɛe Wankíhé túmitɔ tswí ɔbéé, “Akún kpɔnkpɔnti ku béba Roma ɔmátó féé.” Ílɛba mútɔ bréá Roma Owíe

Klaudio tsie obíasú. ²⁹ Akasípú amu bəbwe agywun beε, amútó okugyíoku obódunká tśá obénya, abupu yekie apíó ahógyipu ání bubu Yudea əmátó. ³⁰ Begyi dinká músú, bəpuhá Barnaba mua Saulo bəpuya əpasua ámu ahandε.

12

Petro Obudi

¹ Ali bré ámutə á, Owíe Herode lédinká əpasua ámutə akusu, wá amú amumuyo. ² Əleha betun Yohane mu pio Yakobo ədayító. ³ Herode lówun ání ibu Yudafə ámu ədwe. Mú su omesi, əleyékitá Petro é. Ali bré ámutə bude Israelfə Bodobodo Mátúhénke gyí. ⁴ Mú su bréá əlekítá Petro a, ələpu mu tswi obu, əlele isá akəpú dúasie əbéε, butsía gyo mu iwı abaná-abaná. Ələbwe agywun əbéε, begyi Nke ámu tá á, mégyi Petro asún dinsu. ⁵ Bəwa Petro obu, táme əpasua ámu bəbə mpái kínkíínkín há mu.

Petro Obule

⁶ Onyé asa əyí əbéke Owíe Herode əbéle Petro ba dinsu begyi mu asún á, bəwa Petro ikan anyə kéké, əda ədedidu isá akəpú abanyó nsuné. Isá akəpú aku é bulí bude obu ámu ənó gyo. ⁷ Ətsáwule pé á, Bulu-əbəpu əku lébelí amú wá obuto mu, mu féé lówankí. Bulu-əbəpu amu ləpu ibi da Petro abuntə, oletsinkí. Ələbláa Petro əbéε, “Wa əsa kusu.” Inu ikan amu lówəí lé mu ibi. ⁸ Mú Bulu-əbəpu amu lébláa mu əbéε, “Kusu pu əfé klí osíétó, afotsu fú ntukota wa.” Petro lóbwe. Mú əletrá bláa Petro əbéε, “Tsu fú ligá wa afuba ayo.” ⁹ Petro lóbuo Bulu-əbəpu amu dáli obu ámutə. Iməwankí Petro ní akíankpatə ntée atowunheto Bulu-əbəpu amu dé mu asún bláa. ¹⁰ Mua Bulu-əbəpu amu bətsun obu-ənə gyankpəpu pú nyəəsı agyópəsu. Beba bətu dátə uklən ání fəpudáli wie wúlutə. Iklən amu onutó lefinkí há amú bətsun. Bəpətsun brənu kusu bəyó á, Bulu-əbəpu amu lófwi sí Petro.

¹¹ Bréá Petro ansító letitú mu a, òleblí òbée, “Séi mú nawun ání lélé Bulu lawá mu òbòpυ, alabele mí Owíe Herode ibi pú tóá Yudafo bude òkpa kíto.”

¹² Ínuá Petro lówun mú alí sv á, òlenatí yó Yohane ání butetráa ti mu Marko mu yin Maria wóyí. Alí bré ámutò á, ahá tsòtsòtsò bafia unv bude mpái bò. ¹³ Petro léda amú uklonsv, osúmbi tshé òkúá butetí mu Rode lébeki òhá ání ogyi. ¹⁴ Bréá Rode lébi ání Petro òme ni á, ansí lehie gyi mu. Mú sv òletan obu ámu finkí. Mboún oleyinkí srí yébláa amú òbée, “Petro laba òlú obu-òhó.” ¹⁵ Ahá ámu bebláa mu bee, “Fú nwun layíntá.” Táme òlòyò músú, òleblí òbée, “Lélé a.” Mú sv bebláa mu bee, “Múmú fíalí Bulu-òbòpúá òtekí Petrosu ní.”

¹⁶ Alí bré ámutò fée á, Petro trá òde uklon amusv da. Bréá bòyò yéfinkí mú, bowun Petro a, òhó lobwie amú. ¹⁷ Petro lóbwe ibi súná amú òbée bukásv, òlebláa amú alíá aní Wíe lalé mu obu. Òlebláa amú òbée, “Mlìbla Yakobo mua apíó ahógyipu atráhe amv asún ánfí.” Múb òlenatí amú wá yó òtune bambá á.

¹⁸ Bréá òyí leke a, isá akòpú ámu fée begyigyáa, fíté aba bee, “Nkí Petro me?” ¹⁹ Owíe Herode léha bodunká Petro òtínegyíòtíné, támé bumowun mu. Mú sv òletí obu adípúsú akípu amv, fíté amú asún, òleha bòmò amú.

Mú òma a, òlenatí Yudea òmátó yétsiá Kaesarea wúluto nkensá kv.

Owíe Herode Lowu

²⁰ Bré kutò á, òbló lehie kíta Owíe Herode Tiro múa Sidonfo sv. Mú sv awúlu anyò ánfí bele abí bee buyókokóli mu, iwílwii itsia amú nsuné. Tsúfée Owíe Herode òmátó butenyá atogyihe tsú. Ahá ámu begyankpá yéle asúntò súná Owíe Herode wóyísú òkípu òkúá butetí mu Blasto, olotsulá gya amú nkpá bòyò Owíe Herode wá yókokóli mu.

²¹ Owíe Herode léhie amú eke. Eke ámu lófún a, òlehihie iwí dáli betsiá mu obíasú, bláa amú asún. ²² Ahá ámu bòkplún blí bee, “Megyí nyankpusa détoí, mboún òkpi

détoí o!” ²³ Inuṣu Bulu-əbəpu léda Herode, anyambi bəwi mu, olowu. Tsúfě əməpu numnyam há Bulu.

²⁴ Bulu asón ləyə mósú, kléí yó tsútsúútsú.

²⁵ Barnaba mua Saulo bəyə amú agyómá tá Yerusalem, bekpa Yohane ání butetráa ti mu Marko buo iwı yínkí yó Antiokia.

13

Barnaba Mua Saulo Sumbí Wa

¹ Bulu ənósú atəípu pú atə asunápu aku betsiá Antiokia əpasua ámuṭə. Amúgyí: Barnaba, Simeon ání butetí mu Obibi, Lukio ání otsú Kirene əmátə, Manaen ání beyái mua Galilea əmású ogyípu Herodenyə tsukule pú Saulo.

² Bréá beklí ənə, bude anı Wíe sım á, Əje Wankíhé lébláa amú əbéə, “Mlile Barnaba mua Saulo ha mi, abuyə agyómá ámuṭə neti amú mbée bubóyə ámu.”

³ Mú su bréá beklí ənə ámu bó mpái tá á, bəpu ıbi dínká amú nwunsu, sí amú əkpa.

Barnaba Mua Saulo Kipro Əsulósu Yə

⁴ Əje Wankíhé lówa Barnaba mua Saulo sumbí. Bəyə Seleukia wúlutə yótsu ntsusu-yibi fá yó əsulúv kuá ıbu ntsu nsuné, butetí mú Kiprosu. ⁵ Bréá bowie wúlu kuá ıbu ınu, butetí mú Salamisu á, bəyə Yudafə of fakpa yéda Bulu asón ámu əkan. Yohane ámuṭə butetráa ti mu Marko amu é lóbuo amú yétsa amú agyómá yə.

⁶ Bədalı Salami wúlutə, bənátı alu bowie əsulúv kuá butetí mú Pafosu. Inu befia əfápu kənkəntı əkuá butetí mu Bar-Yesu. Ogyı Yudayin, ətəwá afunu əbéə Bulu ənósú ətəípu mugyi. ⁷ Mu nyawie gyı ınu əmású ogyípu Sergio Paulo. Əmású ogyípu anfi létın ansı. Ələwa beyéti Barnaba mua Saulo ba mu wóyıtə. Tsúfě odekléa mónu Bulu asón.

⁸ Táme əfápu Bar-Yesu anfi mu dá ası gyı, Elima Griiki əblıtə anfi méha amú əkpa abubla əmású ogyípu amu Bulu

asún ámu. Ɖɔbɔ mbódí ání ɔmá sú ogyí pú amu mánu Yesu ɪwɪ asún ámu, fówun ɔmó ɔhɔ músú gyi. ⁹ ɪnu Ɖɛ Wankíhé lóbulá Saulo amú bude mu ti Paulo amuto, olesi ɔlí ɔde ɔfápú amu ansító kí. ¹⁰ Mú ɔlebláa ɔfápú amu ɔbé, “Ɖbunsám mu bi, futekísí ɪto wankláán kugyíku. Fapú ahámlé pú lalahegyí bwé fú agyómá. Mú su fuméesi Bulu ɔnɔkwali amu afunuto wa? ¹¹ Kɪ, Bulu ɔbébití fú ɪsu. Fú ansíbi bóbwie. Fuméetrá wun ɔyi keheto owí alu yófun bré ku.”

ɪnuɔ Elima ansító loklun mu. Mú su ɔlɔwa tatápu bi, ɔde ɔku dunká ɔkita mu oyító. ¹² Bréá ɔmá sú ogyí pú amu lówun tóá ɪlaba a, ɔlɔhɔ anɪ Wíe gyi. Anɪ Wíe ɪwɪ asún ámú bude mu suná ámu ɪlɛhɔ ɔnɔ lobwie mu.

Barnaba Mva Paulo Antiokia Ání ɪbu Pisidia Ɖmátó Yɔ

¹³ Paulo mva mu aba ámu botsu ntsusu-yibi tsú Pafo wúluto yó Perge ání ɪbu Pamfilia ɔsulúsu. Táme Yohane Marko mú léyinkí amó ɔma tsú ɪnu yó Yerusalem. ¹⁴ Bɔkusú tsú Perge yó Antiokia ání ɪbu Pisidia ɔsulúsu. Ɖkpúnú ɔdaké á, bɔyɔ ɪnu Yudafɔ ofiakpa yétsiá asɪ. ¹⁵ Bekla ató tsú Mose Mbla pú Bulu ɔnɔsú atáipú nwlótó ta á, ofiakpa amu ahande bɔwa abí beyébláa Paulo aná be, “Apíó, ní mlidé asvankvá mléblí púwá ahá ánfɪ ɔwonlín á, ɔkpa da.” ¹⁶ Mú Paulo lókusó líí, ɔlɔbwe amú ɪbi ɔbé bukásu. Mú ɔlebláa amú ɔbé,

“Apíó Israelfɔ pú ɔmá bámbásúfɔá mlɪtenyá Bulu ifú, mlɪyaa asu amlɪnu. ¹⁷ Israel Bulu léle anɪ anáin bwé mu ahá. Ɖlɛha bekléi bréá bugyi afɔó Egipte ɔsulúsu. Ɖlɔpu mu túmi kpɔnkɔɔnkɔntɪ kpá amú dalɪ ɔmá ámutɔ. ¹⁸ Olenya klɔn kpá amú nfí advana (40) kéké dimbí ámɔsu. ¹⁹ Oleyintá ɔmá asienó kéké Kanaan ɔsulúsu, oleye amú ɔsulúsu amu púbwé siadiɛ há anɪ anáin. ²⁰ Nfí lafana aduenu (450), ɔlɔpubwé ɪnu fée há amú.

“Mú ɔma a, ɔleha asún agyíprú bekpa amú alu bɔtu Bulu ɔnósú ɔtáiprú Samuel. ²¹ Bréá bebláa Bulu beɛ ɔyái awíe ha amú á, Bulu léyaí Kis mu bi Saulo owíe há amú. Saulo otsú Benyamin abusuantɔ. Olegyi iwíe nfi advana (40). ²² Bréá Bulu lékplí mu a, ɔleha beyaí Dawid obíasú há amú. Asún ánti Bulu lébli tsú mu iwí ní. Ɖbéɛ, ‘Yisai mu bi Dawid gyí ɔhá ání mí klɔn dun musu, tsúfé ɔbɔbwe tógyítáá nébláa mu mbéɛ ɔbwéɛ.’

²³ “Dawid anfi abí-anátɔ Bulu labelɛ Yesu tsú há Israelfɔ ɔbéɛ, ɔbwéɛ amú Ɖlepú fé alíá ɔlehiɛ yái. ²⁴ Asa Yesu lébá a, Asú Ɖbɔpú Yohane légyankpá dá ɔkan súná Israelfɔ féɛ ɔbéɛ, budámli klɔntɔ, abɔha mu ɔbɔ amú asú. ²⁵ Bréá Yohane ɔbá bɔmɔ mu agyómá ɔnɔ á, ɔlefíté ahá ámu ɔbéɛ, ‘Ma mlidésusúu mlíaa ngyi? Megyi mígyi ɔhá ámú mlidé ɔkpa kí amu. Mu mú ɔbéba mí ɔma. Mmɔfun ání nówɔi mu ntukɔta.’

²⁶ “Mí apíó, Abraham abí-aná prú ɔmá bámbásúfɔá mlitenyá Bulu ifú, mlyaa asu amlinu. Anigyí ahá ání Bulu lópru nkpaɔɔ asún ámu sísí. ²⁷ Yerusalem atsiáprú prú amú ahande bumebi ání Yesu gyí Ɖlepú. Bumonu Bulu ɔnósú atáiprú amu asún ání bɔwanlín tswi asi. Butekla mú ɔkprúnú ɔdaké kugyíku. Táme begyi Yesu asún, há mu ipón, mó mu; ɔleha Bulu ɔnósú atáiprú amu asún ánti leba mútɔ. ²⁸ Bumanya Yesu iwí asún kukvá béliú músú mó mu, táme bebláa Pilato beɛ ɔhá abumɔ mu. ²⁹ Mú su bréá bɔbwe tɔá bɔwanlín tsú mu iwí féé tá á, bele mu tsú oyikpalíhe amusu yópulá mu. ³⁰ Táme Bulu lókusúa Yesu tsú afúlito. ³¹ Mú ɔma a, oletsia le iwí súná ahá ámú mva amónyɔ benatí tsú Galilea yó Yerusalem amu bré tsɔtsɔtsɔtɔ. Ahá ánti gyí ahá ání buɔɔ mu iwí adánsɛ gyí suná Israelfɔ ní.

³²⁻³³ “Ani mú anidé mli asun wankláán ámu bláa. Múgyi, Bulu labwé tó ámú ɔlehiɛ ani anáin amu há amú abí-aná. Amógyi ani á. Tsúfé alakúsúa Yesu tsú afúlito há ani, fé alíá bɔwanlín wá Israelfɔ ɔlɔ nyɔɔsɔtɔ beɛ,

‘Mí B́ gyí fú.

Nde nabwé fú Sí.’

³⁴ Bulu létrá tǎi tsú Yesu kusú tsú afúlitǎ pú mu oyulúv amúv imóopló wá ǎbótó ekekeeke ámu iwí ǎbéé,

‘Nópu mí oyúla wankíhé amúv nehie mbéé, iwéé aliágyíalíá

nópuhá Dawid amu há mli.’

³⁵ Owíe Dawid é létrá lawánlín wá Israelfó llu bámbátó ǎbéé,

‘Fumécha fú osúmpú wankíhé móopló wá fúli ǎbótó.’

³⁶ Owíe Dawid lósum Bulu mu nkpatǎ, bwé Bulu apé tá á, olowu, bopulá mu mu anáintǎ, ǎlǎpló. ³⁷ Táme Yesu anfi

Bulu lókusúá tsu afúlitǎ anfi mú mólpló. ³⁸⁻³⁹ Mú su apió,

mlinu asún anfi anidé mli bláa anfi asu. Yesu anfi nkulesu mlótsun nya lakpansikíé. Mose mbala métalí há amligyi

asu Bulu ansító. Táme ǎhagyíǎha áni alahǎ Yesu anfi gyi obégyi asu Bulu ansító. ⁴⁰ Mú su mlíkí wankláán, méni

asún amúv Bulu ǎnósú atóipú beblí tswi amu méeba mlisu.

⁴¹ Asún ámu gyí,

‘Asún ámu iwá mli

ahá áni mlitǎwá Bulu asún nyányáa ifú, amliwu.

Tsúfǎ ní nde ǎku ǎblí gyuma áni ndegyí mlitǎ kóráá á,

mlimóohogyi.’ ”

⁴² Bréá Paulo mua Barnaba budedali Yudafó ofíakpa unv á, ahá ámu ǎkúli amú beé bubá ǎkpónú ǎdaké amúv íbá

ámu, abutra bótǎi tsu asún ámu iwí suna amú. ⁴³ Bréá ahá ámu bedali Yudafó ofíakpa unv á, Yudafó tsǎtsǎtsǎ pú ǎmá

bámbátó abí áni bawíé Yudafó osúmtó beklá buo Paulo mua Barnaba. Mú su sumbí ayǎpú anfi bótǎi kplá amú beé,

bupúv ansí dinka Bulu awitǎlesu.

⁴⁴ ǎkpónú ǎdaké amúv bebláa amú beé bubá amu lófún a, ilesi kpalobí tekí ahá beta wúlu amutǎ. Amú fǎé beba Bulu

asún onukpá Yudafó ofíakpa unv. ⁴⁵ Bréá Yudafó bowun ǎdǎm amu a, Paulo aná iwí lówa amú olu. Íni su begyi

Paulo ason blíhé amu nwéen, síá mu. ⁴⁶ Táme Paulo mua Barnaba bowa klun bláa ahá ámu bee, “Teki mli lehián ání abégyankpá bláa Bulu asón ání. Táme íniá mlilékiná mú nu, mlidé mli iwí kú mhaa, mluméhián nkpa ání itamatá ámu su á, anlayínkí ayó òmá bámbásófo wá. ⁴⁷ Tsúfé alí Bulu lówa aní ní. Òbéé, ‘Napó fú bwé òkandíe há òmá bámbásófo.

Òyító ahá fèé bótson fusu nyá nkpa ání itamatá.’ ”

⁴⁸ Bréá òmá bámbásófo ámu bonu asón ání á, ansí legyi amó, békanfú aní Wíe asón ámu. Inu ahá ání Bulu lalé òbéé, bunyáa nkpa ání itamatá bəhə asón ámusu gyi.

⁴⁹ Aní Wíe asón ámu ilekleí wíe òmá ámutə òtínegyíótíné. ⁵⁰ Táme Yudafə ámu pú atsiá bubu Yudafə osúmtó, obú bu amósú pú wúlu ahande bəksús líí Paulo mua Barnabasu, gya amó lé òmá ámutə. ⁵¹ Sumbí ayəpú ámu bekpakpáa amó ayabitə-isi wúlí amó nwunsv, benatí yó Ikonion wúlutə. ⁵² Táme Òhe Wankíhé pú ansigyí ləbulá Antiokia akasípú amutə.

14

Paulo Mua Barnaba Bulu Asón Blí Ikonion Wúlutə

¹ Ikonion wúlutə é á, alí kén Paulo mua Barnaba bəyə Yudafə ofiakpa ni. Beblí Bulu asón unv wankláán. Mú su Yudafə pú Griikifə tsətsəotsə bəhə Yesu gyi. ² Táme Yudafə ánúú bumohogyi amu bətəí wá òmátófo ámu asutə, há amó bəksús líí ahógyipv amusu. ³ Ifú mekitá Paulo mua Barnaba. Betsiá unv wá əpá blí aní Wíe Yesu asón ámu wankláán. Yesu é lélí amó òma, sv bəbwe ofúla pú osúna púsúná ání mu awitəle asón ánúú budéblí ámu igyi ənəkwalí. ⁴ Mú su wúlu amutə ləbəí anyə. Aku bobuo Yudafə ámu, aku é bobuo sumbí ayəpú ámu.

⁵ Mú òma a, Yudafə, òmátófo pú amó ahande bəbwe agywun bee, bəwa sumbí ayəpú ámu iwətsuntə, dá amó abwi mó. ⁶ Sumbí ayəpú ámu bonu asón ání. Mú su besrí

yó Likaonia awúlu yilé Listra múa Derbe pú awúluá ibu mantáa unusu. ⁷ Beda asun wankláán ámu òkan unu é.

Paulo Mva Barnaba Gyumagyihe Listra Múa Derbe

⁸ Oyin òku létsiá Listra wúluto, bəkwí mu ibu. Ìmàkókósú líí mu ayabisu ki. ⁹ Ibu anfi tsie òde Paulo asun blíhé nu. Paulo lési líí ki mu alu, olowun ání alahogyiá Bulu òbetalí tsá mu. ¹⁰ Mú su òlòkplón kòklúkúú blí òbéé, “Kusu lu fú ayabi anyòsu.” Inu oyin ámu lókusú òtsáwule pé, wá natí bi. ¹¹ Bréá òdòm amu bowun tóá Paulo labwé á, bəklplón blí Likaonia òblító bée, “Ìkpi ámu badámlí anyánkpusa kplí ba aní wá.” ¹² Mú su bəpu amú òkpi kponkponṭi dá tí Barnaba bée, “Seus.” Bəpu mu òtsiámi dá tí Paulo bée, “Hermes,” tsúfé Paulo líí amú ònó, òdetóí ní. ¹³ Òkpi Seus òtswékpa bu wúlu ònó. Seus igyí òhapú lóyòpu nnantswie pú oyí ntswítswí ba wúlu ònó unu. Tsúfé mua òdòm amu budekléá bótswé sumbí ayòpú ámu.

¹⁴ Bréá Barnaba mua Paulo bonu tóá bebá bəbwe á, bekítá amú atadié bálí. Ilosuná ání bumotsulá dínká itó ámúú bebá bəbwe ámusu. Besrí wíé òdòm amutó blí bée, ¹⁵ “Ntogyi mlidé iní bwe? Aní é anyánkpusa anigyí fé mli. Bulu asun wankláán abá bebláa mli, amlisi atòkpan anfi òmagyáa bobuo aní Wíe Bulu òkiankparu. Mulóbwe òsú múa asi, òpu pú mútó ató féé. ¹⁶ Bímí ámu a, olesi òkpa há òmagyíómá ání bubwéé tóá budeklé. ¹⁷ Táme mú ó á, Bulu mókúsí ató wankláán tsòtsòtsò bwe, púsúná ání mbu unu. Mutéhá nyankpu totswie, mli ndòtò ató tówá alé. Mutéhá mli atogyihe, òtehá ansí tegyi mli.” ¹⁸ Paulo aná asun blíhé anfi féé òma a, ilowa ònlun asa betalí ká òdòm amu tin bée, bumátun mbwí wólí amú ayabiasí tswe amú.

¹⁹ Mú òma a, Yudafo aku botsu Antiokia ání ibu Pisidia òmátó pú Ikonion wúluto ba beblí asún pótse òdòm amu agywun, bəkusú líí Paulosu. Beda Paulo abwi, bítia mu dáli wúlu amutó. Buki bée alawú, su besi mu tswi. ²⁰ Táme bréá akasípú amu beba bobomlí Paulo a, òlòkusú yínkí yó

wúlu amúto. Mú ɔyi kehe a, mua Barnaba benatí yó Derbe wúluto.

Antiokia Ání Ibo Siria ɔmátó Yinkí Bá

²¹ Paulo mua Barnaba beda ason wankláán ámu ɔkan Derbe. Ahá tsotsɔtsɔ bedamlí kluntɔ mlí Yesu akasípó. Múú belayínkí yó Listra, tsun yɔ Ikonion alu bebedalu Antiokia ání Ibo Pisidia ɔmátó. ²² Inu Paulo mua Barnaba bɔwa akasípó amu ateto-ɔnlun beɛ, bukíta hógyi amúto. Bebláa amú beɛ, “Ilehián ání abótson ipian tsotsɔtsɔto asa abówie Bulu iwíegyí amúto.” ²³ Bɔtú ɔpasua kugyíku á, buteklí ɔnó bó mpái, yáí ahande há amú, pú amú wá anu Wíe amúbú amú ansí dín musu ámu ibito.

²⁴ Beki Pisidia ɔmátó ɔpasua ámusu tá á, beba Pamfilia ɔmátó. ²⁵ Beda Bulu ason wankláán ámu ɔkan Perge wúluto. Bɔkúsú tsú inu yó Atalia wúluto. ²⁶ Paulo mua Barnaba belatsiá ntsusu-yibito tsú inu bowie Antiokia. Inu gyí ɔtínéá ahógyipu amu begyankpá klí ɔnó bó mpái, ání Bulu ɔwáa awitɔle ha amú, méni bóyo agyómá ánfí bamó mú ɔnó ánfí ní.

²⁷ Bréá bowie Antiokia a, beti ɔpasua ámu fée fia. Bebláa amú alíá Bulu lapú amú gyi gyoma, pú alíá Bulu lahá ahá ání bumegyí Yudafo é bahɔ mu gyi. ²⁸ Betsiá akasípó amu wá nke tsotsɔtsɔ.

15

Sumbí Ayɔpó Pú ɔpasua Ámu Ifía Yerusalem

¹ Bréá Paulo mua Barnaba bubu Antiokia a, ayin aku botsu Yudea ɔmátó ba inu. Bosuná ahógyipu amúbú bumegyí Yudafo ámu ató beɛ, ní bumɔkótín keté Mose mbla ɔnó á, Bulu móɔho amú nkpa. ² Paulo mua Barnaba bɔkúsú líí asón ánfisu. Mú su amúá ató asunápó amu begyi mú nwéen kínkínkín. Íni su beblí beɛ, bówa Paulo mua Barnaba pú Antiokia ahógyipu amu aku Yerusalem,

abuyowun Yesu sumbí ayɔpó pú unu ɔpasua ahande amu tsú asón ánfí iwi.

³ Ɔpasua ámu besi ahá ámu ɔkpa benatí. Bréá bəyó á, buna Foenike pú Samaria ɔmátó. Bebláa unufɔ ámu beɛ, ahá ání bumeɣí Yudafo é badámlí kluntɔ ba Bulu wá. Asón ánfí lehiɛ wá ahóɣipɛ amu féé ansigyí. ⁴ Bréá bowie Yerusalem a, ɔpasua ámu, amú ahande pú sumbí ayɔpó ámu bɔhɔ amú atúu. Paulo aná bebláa amú tóá Bulu labwé tsun amúsú féé. ⁵ Táme ahóɣipɛ amu akvá botsú Farisifɔtɔ bɔkvsú líí blí beɛ, “Ilehján ání ɔmá bámbásɔfo ámu bétun keté, gyi Mose mbla ésú.”

⁶ Sumbí ayɔpó ámu pú ɔpasua ahande amu befia yɔ asón ánfíto. ⁷ Bebití asón ánfí wá ɔpá. Mú ɔma a, Petro lókusú líí, bláa amú ɔbéɛ, “Mí apíó, mliyin ání tsú bré kutɔ á, Bulu léle mí tsú mlitɔ ɔbéɛ, mbláa ahá ání bumeɣí Yudafo mu asun wankláan ámu, méni amú é bónu, hɔ músú gyí. ⁸ Bulu yín nyankpusa kluntɔ. Ɖlɔpɛ Ɖɣe Wankíhé amu há amú, fé alíá ɔlɔpɔhá aní púsúná ání alahɔ amú. ⁹ Olosuná ání bumeɣí ɔtsan há aní, tsúfé ɔleha amú kluntɔ letun bréá amú é bohogyi. ¹⁰ Ntogyi su mlidé Bulu sɔɔ kí? Ntogyi sú mlidépɛ Mose mbla ánfí ania aní anáin anumétalí gyi músú ánfí han akasípó anfi? ¹¹ Ekekekeke! Anulahogyi ání Bulu ɔbɔtsun aní Wíe Yesu awitɔlesɛ hɔ aní nkpa fé amú.”

¹² Bréá Petro lótoí tá á, afíapɛ amu féé bɔbwe díín. Mú Paulo mua Barnaba bebláa amú alíá Bulu lótsun amúsú bwé ofúla pú osúna tsɔtsɔtsɔ ahá amúú bumeɣí Yudafo ámutɔ. ¹³ Bréá Paulo mua Barnaba bɔtɔí tá á, Yakobo lóyɔ músú ɔbéɛ, “Apíó, mliyaa asu amlunu. ¹⁴ Simon Petro labláa aní ɔbéɛ, Bulu légyankpá lé súná ání otekle ahá amúú bumeɣí Yudafo ámu asón. Mú su ɔlele amútɔ aku bwé mu ahá. ¹⁵ Asón ánfí pú Bulu ɔnósú atɔí pú amu asun blíhé labwé kule. Tsúfé bɔwanlín wá Bulu asón ámutɔ beɛ, ¹⁶ ‘Bulu ɔbéɛ. Íni ɔma a, nélatsú Dawid iwíegyi

amúú ɪladɪda ámu kósú.
 Nélayi mú abuntíí fée,
 há mú bélú wankláán,
 17 ménɪ aha tráhe amv pú amúá bumegyí Yudafó,
 mí dá dɪn amúsú fée bódunká mía ngvi amú Wíe, wun
 mɪ.

18 Alí mí, mli Wíe Buluá
 neɛe ɪni súná tsú bímbí ndeblí ní.’

19 “ɪni sv tóá mí Yakobo ndeblí gyí, mɪmáha apv
 asvansv kíklɪ ahá ánfɪ bumegyí Yudafó, badámlí klɪntɔ
 ba Bulu wá ánfɪ. 20 Mboún mliha awanɪn ɔwulú bláa
 amú aniaa, bumágyi atogyiheá bapúhá ɪkpi, tsúfée mú ɪwɪ
 metɪn. Bumáwa atsv múa ayin asún. Bumágyi ɔbwá
 bɔpvsáa mv mó pú obugya. 21 Tsúfée bímbí ɔpá á, butedá
 Mose mbla ámu ɔkan wúlugyíwúlutɔ, butekla mú Yudafó
 ofiakpa kugyíkv ɔkpúnú ɔdaké é.”

Ɔwulú Pvsísí Ahógyipvá Bumegyí Yudafó

22 Mú sv sumbí ayɔpú ámu, ɔpasua ahande amv pú
 ɔpasua ámu bɔbwe agywun beɛ, beɛ ayin aku tsú amótɔ
 abubuo Paulo mva Barnaba yɔ Antiokia. Beɛ Yuda ání
 butetí mv Barsaba mva Silas. Amú fée bgyi akpapú há
 ahógyipv amv. 23 Ɔwulú ání bɔpvhá amú bɔpvyáto asún
 gyí:

“Ahógyipvá mɪmégeyí Yudafó, mliɪv Antiokia, Siria pú
 Kilikia ɔmátó. Mli apíó sumbí ayɔpú pú ɔpasua ahande dé
 ɔwulú ánfɪ wanlín sísí mli.

“Anidé mli itsiá ha.

24 “Anɪlónu ání anɪ apíó aku botsu anitɔ ba mli wá ɪnv,
 bɔpv asvankv kíklɪ mli, púyíntá mli agywun. Anɪmókúwá
 amú. 25 ɪni sv anɪlafɪa, tsúlá ání abéɛe aha aku abukpa anɪ
 apíó adwepú Barnaba mva Paulo ba mli wá. 26 Ahá ánfɪ lásí
 amú nkpa há anɪ Wíe Yesu Kristo agyómá ámu sv ní. 27 Mú
 sv anidé Yuda mva Silas wa aniaa, bupúv ɔnó bebláa mli
 asún amúb anɪlawánlín wá ɔwulú ámutɔ ámu kén. 28 Ɖhe

Wankíhé lalé súná aní, aní é anulahò mú ání uma alá abópu atò dwindwín kuku sùrá mli, dùn mbla ánfí mú iwí dehián anfi. ²⁹ Mbla ámu gyí, ‘Mlumágyi atogyiheá bapóhá ikpi. Mlumágyi obwía bəpusáa mu mó pú obugya. Mlumáwa atsi móa ayin asón.’

“Ní mlidé mbla ánfisv gyi a, ibówa alá há mli. Anulafun nfi.”

³⁰ Bəwanlín əwuló ánfí há amú tá á, besi amúba sumbí ayəpú ámu əkpa bəpuya Antiokia. Boyówie unv tí ahógyipu amu fée fía, pú əwuló ámu wá amú ibitò. ³¹ Bekla əwuló ámu a, an sí lehie gyi amú, tsúfé mótó asón leha klun lédi amú asi. ³² Yuda mva Silas, bogyi Bulu ənósó atəpú amu bətəi kplá amú wankláán púwá amú əwunlín, wá amú atətə-ənlun. ³³⁻³⁴ Betsiá amú wá nke kpalobí, əpasua ámu lési amú əkpa iwilwiitə, beyinkí yó ahá amúú bəwa amú sumbí ámu wá.*

³⁵ Paulo mva Barnaba é betsiá Antiokia unv yófun bré kv. Amúba unv ahógyipu amu akv betsiá súná ató, tsiá dá aní Wíe asvn wankláán ámu əkan.

Paulo Mva Barnaba Abasumáin

³⁶ Bré kv əma a, Paulo lébláa Barnaba əbéε, “Ha ayinki yə awúluá anuladá aní Wíe asvn wankláán ámu əkan féesú, ayekí alá butsie.” ³⁷ Barnaba lékléa békpa Yohane ání butətí mu Marko buo iwí. ³⁸ Táme Paulo léblí əbéε, uma alá Marko obóbuo amú, tsúfé əmetrá buo amú abuyə Bulu agyómá ámu. Oleyinkí amú əma tsú Pamfilia wúlutə əpá. ³⁹ Paulo mva Barnaba bəprú asón ánfí kínkíínkín, iləha bəmaín abasv. Barnaba lékpa Marko buo iwí, botsu ntsusu-yibi yó Kipro əmátó. ⁴⁰ Paulo é lékpa Silas buo iwí, Antiokia ahógyipu amu bəpu amú wá Bulu ibitə, bəpu

* ^{15:33-34 15:34} Mótó yée 34 bu nwló dada amu akvtə: Táme Silas mú lóbwe agywun ání obésin Antiokia unv.

ɔkpa. ⁴¹ Paulo lóyɔtsɔn Siria m̀ba Kilikia ɔmátó; ɔlɔwa ɔpasua ámuú ibubu inu ámu ɔwɔnlín.

16

Timoteo Léyétsiá Paulo M̀ba Silasto

¹ Paulo m̀ba Silas benatí yó Derbe p̀b Lистра. Ohógyipu ɔkvá butetí mu Timoteo bu Lистра wúluto inu. Mu yin gyí Yudayin ání ɔlɔhɔ Yesu gyi, táme mu si gyí Griikiyin.

² Apíó ání bubu Lистра p̀b Ikonion beti Timoteo idayilé.

³ Paulo lékléá ɔbékpa Timoteo náti. Mú su ɔleha betun Timoteo keté, tsúfé Yudafɔ ámuú bubu inu ámu féé buyin ání Griikiyin Timoteo mu si gyí. ⁴ Bréá bɔyó á, bowié wúlugyíwúlusu butosúná inu ahógyipu mbala oduá Yesu sumbí ayɔp̀ ámu p̀b ɔpasua ahande amúú bubu Yerusalem amu bawá beɛ bɔgyí m̀sú. ⁵ Íni su ɔpasua ámu benya ɔwɔnlín hógyito, kléi ekekegyíɛɛ.

Paulo Makedonia ɔmátó Yɔ

⁶ Paulo m̀ba mu aba ámu bɔtsɔn Frigia p̀b Galatia ɔmású. Tsúfé ɔɲe Wankíhé méha amú ɔkpa ɔbéɛ, budáa Bulu asún ámu ɔkan Asia ɔmátó. ⁷ Bréá bowie Misia ɔsulúv ɔka á, bɔbwe agywun beɛ béyinkí tsɔn yɔ Bitinia ɔmátó, táme Yesu ɔɲé meha amú ɔkpa. ⁸ Mú su bɔtsɔn Misia ɔsulúsv kplí yó Troa wúluto. ⁹ Mú onyé á, Paulo lówun ató. Olowun ání Makedoniayin ɔku líi mu ansító, ɔde mu kokóli ɔbéɛ, “Fa ɔpu amu ba Makedonia, afubegyí aní buale.” ¹⁰ Paulo lénya wun ató ámu alí, ulɔwankí mu ání Bulu dé aní wa ɔbéɛ, ayó yeda asun wankláán ámu ɔkan inu. Mú su anilópu ɔkpa yó Makedonia.

Lidia Klɔntɔdamlí Filipi Wúluto

¹¹ Anilówie ntsusu-yibitɔ tsú Troa, fá ɔpu yó Samotrake ɔsulúsv. Mú ɔyi kehe a, anilélatiá yó Neapoli wúluto.

¹² Anilópu ayabitɔ tsú Neapoli yó Filipi wúluto. Filipi

gyí Makedonia wúlu yilé ní. Romafɔ búw wúlu anfitɔ. Anulétsiá unu nke kpalobí. ¹³ Ɔkpónú ɔdaké á, anulédali wúluto yó ɔpu ɔnó ɔtinekvá aníkí aniaa, abówun ɔtínéá Yudafɔ butefia bɔ mpái. Anulétsiá unu bláa atsi akvá bebefia unu Bulu asún. ¹⁴ Atsiá bonu asún ámvɔ ɔkule gyí Lidia. Tiatirayin ogyi, ɔtefé tatiá mú ntsu lepe, ɔbu bíá. Bulu osúmpú ogyi. Aní Wíe léha mu olonu Paulo asun blíhé amvɔ. ¹⁵ Mú su bréá anulóbɔ mua mu wóyító ahá asú á, olobwíi ɔpa há aní, blí ɔbéé, “Ní mlulahogyi ání nahɔ Yesu gyi a, mlíbetsiá mí wóyító.” Ɔtsi ánfí bu anisu alu anulóbuo mu yó mu wóyító.

Paulo Mva Silas Obudí Filipi

¹⁶ Eke ɔku ayó Yudafɔ mpái ɔbɔkpa unu á, anulótu otsibi ɔkvá ogyi ɔkpábi unu. Atóla ɔhé bu musu, ɔtelá ató, blí asún ání íbéba. Ɔtɔbwé kóba tsɔtsɔtsɔ há mu awíe tsú mútɔ. ¹⁷ Otsibi ánfí lékplá buo ania Paulonyɔ. Ɔna ɔdekplón blí ɔbéé, “Ahá ánfí gyí Ɔsúsúsú Bulu ámu asúmpú ní. Amúdé mli nkpahó ɔkpa suná ní.” ¹⁸ Ɔlɔbwe mú nke tsɔtsɔtsɔ. Ínu lehan Paulo. Mú su ɔledamlí bláa otsibi amu ɔbéé, “Atóla ɔhé, nde mbla wa há fú Yesu Kristo dátɔ, dalí mvɔ!” Inonu ɔhé ámu lédalí mvɔ.

¹⁹ Ɔkpábi amu awíe bowun ání amú kóba ɔkpa latin. Mú su bekítá Paulo mua Silas, bítia amú ya wúlu ahande ansító. ²⁰ Bɔpu amú ya Romafɔ asún agyípú beé, “Yudafɔ ahá ánfí bgyi, bude asún klée wa aní wúlu anfitɔ. ²¹ Bude amándié laláhe ání aní mbla meha mú ɔwí ɔkpa suná. Romafɔ aní mú anigyí. Anuméetalí hɔ amú amándié ámu gyi músú.” ²² Inu ɔɔm amu botu bun Paulo mua Silasu.

Asún agyípú amu beha beé bowóí amú atadie, abunwen amú mpli. ²³ Bepítí Paulo mua Silas ató wankláán tá á, beha bɔpu amú tswí obu. Bebláa obu adípúsú ɔkípu beé, ogyóo amú wankláán. ²⁴ Asún amúb bebláa obu adípúsú ɔkípu amu su ɔlɔpu amú yétswí obutótó, wá amú ayabi kplakitsi.

Obu Adipúsú Okípu Yesu Hógyi

²⁵ Mú ɔyí-nsiné á, Paulo mva Silas buɗe mpáí bə, buɗe ulu wa kánfú Bulu. Obu adipú atráhe amu é buɗa buɗenu.

²⁶ Ɔtsáwule pé á, ɔsulúw lékpinkí ɔwunlínso, ulékpinkí obu ámu ntswasi. Mú aklon féé lefinkí. Obu adipú ámu ikan pú amú kplakitsi amu féé ləwəí. ²⁷ Obu adipúsú okípu amu létsinkí, wun ání aklon amu féé lafinkí. Inu ɔlele ɔɗayí iya anyɔ ɔbée amuwə iwí, tsúfé ɔki ɔbée obu adipú ámu féé badáli srí. ²⁸ Táme Paulo lókplon kúklókúw bláa mu ɔbée, “Mábwe iwí tətə. Aní féé aníbu inu.”

²⁹ Obu adipúsú okípu amu léha botsu ɔkandíe ba mu, ɔlɔwa ɔsa wíe obu ámutə. Ifú de mu, su ɔɗekpinkí kpakpakpa. Ɔleyéda akpawunu Paulo mva Silas ayabitə.

³⁰ Inu ɔlekpa amú dáli yéfité amú ɔbée, “Mí awíé, ntə mbwée asa Bulu ɔhə mi nkpa?”

³¹ Múú Paulo mva Silas bebláa mu beɛ, “Hə Yesu gyi, méni Bulu ɔbóhə fúa fú wóyítə ahá féé nkpa.” ³² Múw bebláa mva mu wóyítə ahá féé aní Wíe Yesu asun wankláán ámu. ³³ Onyé-onyé ámu a, oyin ámu léyíá amú iwí nlo ámúw benya bré ámúw bepití amú ató ámu. Ɔleha amú bəbə mva mu wóyítə ahá ámu asú inunu. ³⁴ Obu adipúsú okípu anfi lópu amú ya mu wóyítə, ɔleyéha beniná ató há amú begyi. Íniá mva mu wóyítə ahá féé bahə Bulu gyi su á, ansí lehie gyi amú.

³⁵ Mú ɔyi kehe a, asún agyípu amu bəwa ahá akitápú aku beɛ buyébláa obu adipúsú okípu amu beɛ, osíi ahá ámu abunati.

³⁶ Mú su oyin ámu lébláa Paulo ɔbée, “Asún agyípu amu bapú ɔme sísí mí beɛ, nsíi fúa Silas amlnati. Mú su mlnati iwilwiitə.”

³⁷ Táme Paulo lébláa ahá akitápú amu aku ɔbée, “Bumegyí aní asún, táme banwén aní ató ɔbuntə. Romafə

anigyí, táme bawá aní obu. Ntogyi su budekléá bési aní nǵáintǵ? Εκεκεεκε! Asún agyípu amu onutó bubá bele aní.”

³⁸ Ahá akítápú amu beyinkí yó yébláa asún agyípu amu. Bréá bonu ání Romafó Paulo mua Silas bugyi á, ifú lehié kítá amú. ³⁹ Mú su boyóbwií ipa há Paulo aná, bekpa amú dali yókokóli amú beε budáli wúlu amutǵ. ⁴⁰ Inu Paulo mua Silas benatí yó Lidia wóyító. Befia apíó ahógyipu amu unu, tǵí kplá amú, wá amú ǵwunlín asa benatí.

17

Paulo Tesalonika Yǵ

¹ Bréá Paulo mua Silas benatí tsú unu bǵyó á, buna Amfipoli pú Apolonia awúlusu beba Tesalonika. Yudafó offiakpa kv bu unu. ² Fé alá Paulo tǵbwé brégyíbré á, ǵlǵyǵ offiakpa unu ǵkpnú ǵdaké, mua amúnǵyǵ bǵyǵ Bulu asun wanlínhé amutǵ. ǵlǵbwe mú alí tse sa sǵǵn. ³ ǵlele Bulu asún ámutǵ súná amú, dínká ibwi músú ǵbéε, “Ilehián ání Kristo, (ǵhá ámúbú Bulu ladá mu ofúli amu), obówun iwǵsun wú, lákúsú tsú afúlitǵ.” ǵlǵyǵ mu asún ámusu ǵbéε, “Yesu anfi nde mu iwí asún blí anfi gyí Kristo amu ní.” ⁴ Paulo asún anfi lǵwankí Yudafó ámutǵ aku. Mú su bobuo mua Silas. Alí kén Griikifó Bulu asúmpú pú atsiá obú bu amúsú tsǵtsǵtsǵ é bobuo amú ní.

⁵ Iní léha Paulo mua Silas iwí lǵwa Yudafó ámu olu. Mú su bekpa aha laláhe aku buo iwí tsú brǵnusu, bǵpu ahá tsǵtsǵtsǵ yéhan agywun wúlu amutǵ. Betsíí yó oyin ǵkvá butetí mu Yason wóyító, bude Paulo mua Silas dunká abubitía amú ba ǵǵm amu ansító. ⁶ Táme bumowun Paulo mua Silas. Mú su bebitía Yason mua ahógyipu amu aku ya wúlu ahande ansító, bude okitikíti beε, “Ahá anfi ná bude agywun háan ǵyító féé ní. Bawíé nfi, ⁷ Yason laho amú yái mu wóyító. Amú féé budekusú líí Roma Owíε Dehen mblassu. Tsúfé bude ahá bláa beε, owíε bambá ǵku bu unu, mu dá gyí Yesu.” ⁸ Bréá wúlu ahande pú ǵǵm amu bonu

asún ánfí á, ilehie han amú. ⁹ Táme bebití Yason mua mu aba ámu isu, beka iká, ká ntam beε bumétrá han agywun, besi amú benatí.

Paulo Mva Silas Beroia Yá

¹⁰ Besi owí leta, ahógyipu amu beha Paulo mua Silas benatí yó Beroia wúluta. Benya wíé unu alí, bəyo Yudafó ofiakpa. ¹¹ Yudafóá bubu wúlu anfitá botsulá hə asún ámu dun amúá bubu Tesalonika. Bəpu ansigyí hə Bulu asún ámu, tsíá yó Bulu asun wanlínhé amutá ekekegyíeke kí beε, ənəkwalí Paulo dé amú bláa. ¹² Yudafó tsətsətsə pú Griikifó atsi múa ayin ání obú bu amúsú é bəhə asún ámu su gyi. ¹³ Yudafó ámúú bubu Tesalonika amu bonu ání Paulo layó əde Bulu asún ámu əkan da Beroia. Ínı su begya əkpa yó unu bude unufó ámu agywun yintá. ¹⁴ Əsası, ahógyipu amu beε Paulo lé wúlu amutá ya əpu ənó, táme Silas mua Timoteo mú besi bubu unu. ¹⁵ Ahá ámúú beyési Paulo əkpa ámu bekpa mu alu yówie Atene wúluta. Bréá budeyinkí á, Paulo lópu əme sísí Silas mua Timoteo əbéε, buwáa əsa bətu mu.

Paulo Atene Yá

¹⁶ Bréá Paulo lési otsie ogyo Silas mua Timoteo Atene wúluta á, unu tsiá lehie han mu. Tsúfé olowun ání ikpi sónn bu wúlu amutá. ¹⁷ Mú su ní əyó Yudafó ofiakpa unu á, mua Yudafó pú Griikifó ámúú bude Bulu sım ámu butetsíá lé asúntó há aba. Alı kén mua dınsu atsiápú é betsiá tóı tsú mú iwı ní. ¹⁸ Mua atıansıpu akvá botsu Epıkuro pú Stoak əpasuató* ba unu é betsiá bítı asún ánfı. Amútó aku befité beε, “Ntə əkan ənótó əkapú ánfı déda?”

* ^{17:18} Epıkuro əpasuatófó bugyi aha akvá buteblı beε, ilehi-án ání ansı bégyi anı. Fowú á, ılatá. Stoak əpasuatófó é beε, mehián ání ansı bégyi anı dubıdubı, awıreħə é mákıtá anı dubı.

Aha aku bele mú ɔ́nó bεε, “Idebwe fé ikpi aku iwɪ ɔdetɔ́ tsú.” Tsúfé Paulo dé Yesu mva afúlikusú iwɪ asún ɔkan da.
¹⁹ Múú bekítá Paulo, kpá mv ya Areopago, igyi amó wúlu ahande ofiakpa. Ahande amu bebláa Paulo bεε, “Anidéklé aniaa, futú tsu fú atosunáhé pɔpwe amu iwɪ suna anɪ.
²⁰ Animókúnú asún ánfɪ kɪ. Mú sv anidéklé aniaa, fuléε mótó suna anɪ.” ²¹ Tsúfé Atenefɔ pú afɔ́á bubu unv féε butamabwé tɔtɔ dun asún ání ulaba nu pú mú blí.

²² Inu Paulo lókusú líí afiápu amu ansító ɔbée, “Atenefɔ, nawun ání mlitehíé tswe ikpi. ²³ Tsúfé íná ndeki wúlu anfitó féé á, nawun ntobí oduá mlitɔtswe. Nawun afɔdi-asubwi kvá bɔwanlín dínká músú bεε, ‘BULUÁ ANIMÉYÍN Mu.’ Mú sv Bulu ámúú mlidésun, mliméyín mv dá ámv iwɪ ɔkan ndeda súná mli á. ²⁴ Bulu lóbwe ɔyí pú mótó ató féé. Mvgyí ɔsú múa asɪ Owíε. ɔtamatsiá ɔtswékpa ání anyánkpusa ibɪ léyí mótó. ²⁵ ɔtamadúnká tɔtɔ tsú ɔhaa wá, ménɪ ibwe fé tɔku tehían mv. Tsúfé mutéhá ahá féé nkpa, ɔhé pú tógyítá itehían amú. ²⁶ Mvéléha sv ahá féé belun tsu ɔbakóle pétó, ɔleha bekleí wá ɔyító féé. Mvéléha ɔmá kugyíku ɔtínéá butsie pú bréá bétsiá yófon. ²⁷ ɔlobwe mú ali, ménɪ nyankpusa obódunká mv wun mv. Táme teki ɔma ífó anitɔ ɔkuku wá. ²⁸ Tsúfé ɔku léblí ɔbée, ‘Bulu sv anitsie nkpa. Mv sú anitekán iwɪ, anigyí aliá anigyí.’ Fé aliá mli ulv awapú aku beblí bεε, ‘Bulu ahá anɪ é anigyí.’

²⁹ “Íná Bulu ahá anigyí sv á, animákɪ aniaa, Bulu gyí fé tunkuá nyankpusa lapú sika pepe, sika futútú ntée ibwi pwé mú aliá odeklé. ³⁰ Bímbí ámv a, ahá bumebi aliá Bulu gyí. Bulu lóbun ansíbi músú, táme séi mú á, alabláa anyánkpusa féé ɔbée, budámli klvntɔ. ³¹ Bulu lalé eke yáí ání ɔbótsvn ɔhá ámúú alalé yáí ámvsv gyi ɔyító ɔhagyíɔha asún ɔnɔkwalisv. Odeklé ɔbée ahá bubú ání ɔnɔkwali igyi. Mú sɔ ɔlɔkusúá ɔhá ámv tsú afúlitɔ ní.”

³² Íná Paulo lótɔ́í tsú afúlikusú iwɪ sv á, aku bɔmɔsí mv. Táme amótó aku beblí bεε, “Anidéklé aniaa, futráa

ba afubebláa aní asún anfi ku é.” ³³ Inu Paulo lóksú dáli offiakpa unv. ³⁴ Táme ahá kpalobí ku bəhə Paulo asún ámusv gyi, bobuo mv. Amótó əkule dá gyí Dionisio, oletsíá wúlu ahande amutə. Mva ətsi əkvá butetí mv Damari pú aha aku é.

18

Paulo Korinto Yə

¹ Iní əma a, Paulo lóksú tsú Atene yó Korinto wúlutə. ² Ələyótə Yudayin əkvá butetí mv Akwila, bəkwí mv Italia əmanti kvá butetí mú Pontotə. Akwila mva mv ka Priskila beba Korinto unv məkúwá əpá. Tsúfé alí bré ámutə á, Roma Owíe Klaudio lagya Yudafo féé lé Roma wúlutə. Paulo lóyə amú wá. ³ Tati-obubí abwepú amú é bugyi. Mú sv Paulo létsíá amú wá, mva mnyə betsíá bwé tati-obubí ámv fé. ⁴ Əkpúnə ədaké kugyíku á, Paulo təyó Yudafo offiakpa yéle Bulu asún ámutə wankláán súná Yudafo pú Griikifə ámv, méni bəhə Yesu gyi.

⁵ Bréá Silas mva Timoteo botsu Makedonia bətv Paulo a, olesi agyúmə ámv yə, pú Bulu asún ámv əkanda kóún bwé mv gumagyihe. Oletsíá gyi adánsie súná Yudafo ámv əbée, Yesu gyí Kristo, (əhá ámvú Bulu ladá mv ofúli amv) ni. ⁶ Táme buməhə mv asún ámv. Bəksú líi mvsu, síá mv. Mú sv Paulo lófwí ibi lé amú asúntó, bláa amú əbée, “Tsú nde púya a, nalé ibi mli asúntó. Ní lowu mlidéklé a, ibá mli sv. Néyébláa ahá aní bumegyí Yudafo mboún Bulu asún.” ⁷ Iní sv Paulo lédalí Yudafo offiakpa unv yétsíá oyin əkvá butetí mv Tito Yustus wóyítə. Megyí Yudayin oyin ámv gyí, táme ogyi Bulu osúmpú. Mv wóyí ibv mantáa Yudafo offiakpa unv. ⁸ Táme Krispu aní ogyi Yudafo offiakpa unv əhande mva mv wóyítəfə féé mú bəhə aní Wíe Yesu gyi. Korintofə ámv tsətsətsə é bohogyi, bəbə amú asú.

⁹ Əke əkv onyé á, Paulo lówun ató. Mútó á, aní Wíe lébláa mv əbée, “Mánya ifú. Yə músú afuda asún ámv əkan wule.

Mákpa onó bun. ¹⁰ Tsúfé mía funyo ná. Ohaa méetalí bwé fú totó. Mí ahá butso wúlu anfitó.” ¹¹ Mú su Paulo létsiá Korinto unv suná ahá ámv Bulu asún ofi okule múa ifun.

¹² Bréá Galio létsiá Roma owíe otsiákpá, ode Griikifo osaasi omanti kuá butetí mú Akaiasu kú a, Yudafó ámv bobwe onó-okule, kítá Paulo, pú mv ya mv ansító. ¹³ Bee, “Oyin ánfí dé ahá asukpan suná obée busúm Bulu tsun okpa ání ilokusó líí aní mbasusu.”

¹⁴ Paulo lénya bwíí onó obée amotai alí Galio lébláa Yudafó ámv obée, “Ní tsitsa ntée lakpan ku oyin ánfí labwé á, teki ibu aléá néyaa asv nú mli asún. ¹⁵ Táme íniá adá pú mli onutó mbla iwí asún iwí nwéen mlidégyí sv á, mliyo amliyebli mú. Mméegyí asún ánfí odu.” ¹⁶ Múú oleha begya amú lé asún ogyíkpá unv á. ¹⁷ Ahá ámv féé bowunáa kítá Sostene ání ogyí Yudafó ofiákpa unv ohande, dá mv unv. Táme Galio mótsu kuku lé mótó.

Paulo Yinkí Yó Antiokia

¹⁸ Paulo létsiá ahógyipu amv wá Korinto yófun bré kv. Múú oleklá amú, mva Priskila pú Akwila benatí yó Kenkrea wúluto. Paulo lékpa mv nwun Kenkrea unv, púsúná ání alamó ntam kuá oleka onó. Múú botsu ntsusu-yibi pú bayó Siria omátó á. ¹⁹ Bréá bowie Efeso wúluto á, Paulo lénatí sí Priskila mva Akwila, yó Yudafó ofiákpa, mva Yudafó ámv bude asúntó le há aba. ²⁰ Bokokóli mv bee, otráa tsia amú wá kpalobí, omotsulá. ²¹ Táme bréá odedali oyó á, olebláa amú obée, “Ní Bulu lótsulá á, néyinkí ba mli wá.” unv olowie ntsusu-yibito tsú Efeso unv náti.

²² Bréá olekplí Kaesarea a, olodu yó Yerusalem yéha opasua ámv tsiá. Múú oleyinkí kplí yó Antiokia a. ²³ Oletsíá Antiokia unv kpalobí. Mú oma a, olenatí unv beki Galatia pú Frigia osulúsv, ode akasípú amv Bulu asún bláa, púwá amú owunlín.

Apolo Bulu Asún Okanda Efeso Múa Korinto

²⁴ Alí bré ámuṭo á, Yudayin okvá butetí mu Apolo laba obu Efeso wúluto. Bokwí mu Aleksandria, wúlu ání ibu Egipte omátó. Oyin tói, oyin Bulu asun wanlínhé amu é wankláán. ²⁵ Bosuná mu aní Wíe okpa ámu. Mú su Yesu iwi onokwali amu blí tēhíé wá mu ansigyí. Táme Asú Obopú Yohane asúbə ámu pé oyin. ²⁶ Apolo ménya ifú. Olwa klun súná ató Yudafó ofiákpa unu wankláán. Bréá Priskila mua Akwila bonu mu asun blíhé a, bekpa mu yáa wóyító yósuná mu Bulu okpa ámu wankláán dun alíá oyin yaí. ²⁷ Bréá Apolo lóbwe agywun obéé, obóyo Akaiá osulúsu á, ahógyipu amu bowa mu ateto-onlun. Bəwanlín osulú sísi unu ahógyipu beé, buhóo mu wankláán. Bréá oloyówie unu á, olehie búa ahá ání ina Bulu awitəlesu bahə Yesu gyi. ²⁸ Apolo mua Yudafó ámu begyi Bulu asun wanlínhé amu iwi nwéen, olətoí lé asúntó túmiso púgyi amúsú. Oləpu Bulu asun wanlínhé amu súná amú ání Yesu gyí Kristo, (ohá amúú Bulu ladá mu ofúli amu).

19

Paulo Bulu Asún Okanda Efeso

¹ Bréá Apolo bu Korinto a, Paulo lódu yótsun osúsú awúlusu bedali tíí Efeso. Olətu akasípú aku unu.

² Múú oləfité amú obéé, “Mlulénya Dhe Wankíhé bréá mlilóhogyi?”

Bele mú onó beé, “Anumókónú kí ání Dhe Wankíhé ku bu unu.”

³ Paulo létrá fité amú obéé, “Asú məmu bəbə mli?”

Bele mú onó beé, “Yohane asú ámu bəbə aní.”

⁴ Paulo lébláa amú obéé, “Yohane lóbə ahá ání badámli kluntə asú. Oləbláa amú obéé buhóo ohá amúú obuo mu obá amusu gyi. Mvgyí Yesu.”

⁵ Bréá ahá ámu bonu asún ání á, beha bəbə amú asú aní Wíe Yesu dátó. ⁶ Mú oma a, Paulo lópu ibi dínká amú

nwunsu, ɔɲe Wankíhé leba amósó. Beblí ɔblí bámbá, blí Bulu ɔnó asún é. ⁷ Amú fée bóbwe ayin dúanyo.

⁸ Paulo lélatiá yó Yudafo ofiakpa unv. ɔlɔwa klun tóí lé asóntó súná amú tsra asa kéké. Omenya ifú, méni bóho asún amúb ɔdeblí tsú Bulu iwíegyi iwí amvsu gyi. ⁹ Táme amú aku bɔwa klvnto odwin, bumɔho mu asónsú gyi. Bɔtói wɔ aní Wíe ɔkpa amúb Paulo dé amú súná ámu ahátɔ unv. Mú sv Paulo lékpa akasípú amv náti, oletsia súná amú ató oyin ɔkúá butetí mu Tirano ató ɔkasíkpá. ¹⁰ Paulo lósuná amú ató nfinyo kéké. Mú sv Yudafo pú Griikifo ání bubu Asia ɔmátó fée bonu aní Wíe asún ámu.

Skewa Abí Asún

¹¹ Bulu lótsun Paulosu bwé ofúla akpɔnkpɔnti kv. ¹² Ahá bɔkúlá mu adúkubi pú mu iwísv ató yédinká alɔpvsu, benya ulótsá, ɔɲe laláhe é ledali ahátɔ. ¹³ Yudafo aku é bubu nsné unv buna budeki gya ɔɲe laláhe lé ahátɔ. Bɔwa klun beɛ, bópu aní Wíe Yesu dá gya ɔɲe laláhe lé ahátɔ. Mú sv bɔkplón wa ɔɲe laláhe beɛ, “Dali Yesu amúb Paulo dé mu iwí asún ɔkan da ámu dátó.” ¹⁴ Igyí ahapú ɔhande ɔkúá butetí mu Skewa abi yinhé abasiénó létsia bwé íni.

¹⁵ Eke ɔku ɔɲe laláhe léfité amú ɔbée, “Nyin Yesu, nabí Paulo, mli é mé, amendi mligyi?” ¹⁶ ɔhá amúb ɔɲe laláhe bu mutɔ ámu lótu wíe amótó, dá amú, títi amú atadié fée. Inu amú fée bɔpu amú yayá pú amú iwí nɔ srí dali wóyi ámutɔ. ¹⁷ Yudafo pú Griikifóá bubu Efeso unv fée bonu asún ánfu. Ifú lekítá amú. Mú sv bɔpu obú há aní Wíe Yesu. ¹⁸ Ahá amúb bohogyi amutɔ tsɔtsɔtsɔ bele amú lakpan blí. ¹⁹ Amótó aku bugyi okó alepú. Botsu okó ámu nwólú ba bɔwa mú fée ogyá ahá ansító unv. Bobu amú nwólú ámu ibiá á, ulɔbwe sika futútú mpím-aduenu (50,000)*.

* 19:19 Sika futútú mpím-aduenu (50,000) bóbwe ɔbakúle nfi lafakule-advasa (130) ikóká.

²⁰ Ina aní Wíe Yesu túmisu mu asún ámu lenya okpa kléi wankláán.

Demetrio Mva Mu Aba Iko Le Wa Efeso

²¹ Asún ánfí fée oma a, Bulu Dje ámu léha Paulo lóbwe agywun ání obóyo Makedonia pú Akaia osolósu, fówun oyo Yerusalem. Mú Paulo lébli obée, “Ní nowíe unu á, ilehián ání néyéki Roma wúluto é.” ²² Mú su olowa mu abvápu abanyó, bgyi Timoteo mua Erasto sísi Makedonia. Mu onutó olesi tsiá Asia omátó kpalobí.

²³ Alí bré ámutó á, aní Wíe Okpa ámú bude ahá suná ámu su asún kponkponu ku leda Efeso unu. ²⁴ Oyin okvá otobwé sika futútú ató, butetí mu Demetrio bu unu. Oyin ánfí tópu sika futútú bwé okpi yilé Artemi† otswékpa akusubi ání ilelian mu otswékpa yilé ámu fé. Mva mu aba agyómá ánfí ayópu butenyá kóba tsotsotsó tsú mótó. ²⁵ Oletí mu aba ámu pú ahá ání butobwé agyómá ámu odu fia. Mú olebláa amú obée, “Mí apíó, mlyin ání agyómá ánfí só aní fée anilawá alé ní. ²⁶ Yée mltsie mlidenu, mlidéwúun tóá Paulo débwe? Alatá ahá bláa ta Efeso wúluto pú Asia omátó fée fía obée, ikpi ání ahá bapú ibi pwé bumegyí tótó. Alatá ahá onó mlé tá, bude mu asúnsú hógyi. ²⁷ Megyí aní agyómá wule ibéyintá. Ohaa méetra bu okpi tsíhé Artemi otswékpa yilé ámu. Okpi ámu dá é bófwí lé oyító. Táme teki mugyí okpiá ahá fée butotswe Asia omátó pú oyító fée ní.”

²⁸ Bréá odóm amu bonu asún ánfí á, benya obló, súra okitikíti bee, “Okpi kponkponu aní Efesofo okpi Artemi gyí!” ²⁹ Kpokiti leda wúlu amutó fée. Ahá ámu bekítá Paulo abúopu Gaio mua Aristarko ání botsú Makedonia srí pú amú ya wúlu ofiakpa. ³⁰ Paulo onutó lékléá obóyo ofiakpa unu, oyotó kpla odóm amu, támé akasípu amu bumeha mu okpa. ³¹ Omá ámutó ahande akponkponu akvá bgyi Paulo

† 19:24 Artemi gyí okpi kponkponu oku dá.

anyawíe é bowa obí lóyóbwií ipa há mu bee, omáyo offakpa unu. ³² Kpokiti léda offakpa unu. Áni bee ali, ani é bee ali. Amótó ahá tsotsotsòtsò bumebi tóá svá befia unu. ³³ Yudafo ámu aku bəyɔ offakpa unu. Bowutá Aleksandro sísí ɔbuntɔ, buɔe mu asún ání ɔyéblí bláa. Íni su Aleksandro lótsu ibi fúá, ɔbée amule mu ɔnɔ. ³⁴ Táme bréá bowun ání Yudayin ogyi á, belasóra okitikíti, blí asun kua kule dɔnhwiri anyɔ kéké bee “Ɔkpi kɔɔnkɔnti ani Efesofɔ ɔkpi Artemi gyí!”

³⁵ Íni fée ɔma a, wúlu ató ɔwanlínɔpú léha ɔɔm amu bekpá ɔnɔ bun. Múy ɔlebláa amú ɔbée, “Efesofɔ ayin, ma méyín ání Efeso nfi gyí ani ɔkpi kɔɔnkɔnti Artemi pú mu ibwi ámúy ɔlekpá tsú ɔsúsú ámu nwun? ³⁶ Ɔhaa má unvá ɔbétalí gyí asún ánfí iwí nwéen? Mlunya klun, méni mlumóoko mli. ³⁷ Ahá ánfí mlilakpá ba nfi ánfíto ɔkuku mókúwí tɔtɔ tsú ɔtswékpa unu. Bumakúbli asvansu kúsú líí ani ɔkpi tsíhé Artemisu. ³⁸ Táme ní Demetrio mva mu aba agyómá ayɔpú amu bee bubu ɔku iwí asún á, asún agyípú bubu unu, asún ogyíkpa é bu unu. Bétalí pú asún ámu ya unu kpéblí mú. ³⁹ Ní mlíbu asun bambá ku tsía ínitɔ mú á, bétalí yéblí mú ɔtíné ámúy ani fée anitefia gyi asún ámu. ⁴⁰ Tsúfée ní anuméki wankláán á, abénya asún ání anilahan wúlu amu agywun nde. Ní befité ani é á, anuménya asvansu pólé mú ɔnɔ.” ⁴¹ Olenya blí asún ánfí tá ali, ɔleha amú fée bedasáín.

20

Paulo Yinkí Yó Makedonia Múa Griikifɔtɔ

¹ Kpokiti amu ɔma a, Paulo léba beti akasípú amu fée fia, tóí kplá amú, wá amú atetɔ-ɔnlun. Ɔleklá amú asa ɔlopu ɔkpa ɔyó Makedonia ɔsulúsu. ² Oleki nsuné unu ɔpasua ámusu tóí kplá amú asa olobowie Griikifɔ ɔsulúsu. ³ Oletsíá unu tsra asa. Bréá ɔlobwe agywun ɔbée, méfa ɔpu yó Siria ɔsulúsu á, olowun ání Yudafo buɔe mu tée abukita mu. Mú

su ɔ̀ɔ̀bwe agywun ɔ̀bée mèlayótsun Makedonia ɔ̀solósu. ⁴ Ahá ání bekpa mu ya unu gyí Beroiayin Sopater, ogyi Piro mu bi; Tesalonikafɔ Aristarko mua Sekundo pú Derbeyin Gaio; amú Timoteo pú Asiafɔ Tihiko mua Trofimo. ⁵ Alí ahá ánfí begyankpá yógyo aní Troa wúlutɔ. ⁶ Israelfɔ begyi amú Bodobodo Mátúhénke ɔ̀ma a, anulétsiá ntsusu-yibitɔ tsú Filipi wúlutɔ. Anilénatí nkená owítɔ. Eke núúsí a, anilóbɔtu nkpa agyápu amu Troa wúlutɔ. Aní fée anulétsiá unu nkeniésínɔ.

Eutiko Tsinkí Tsú Lowuto

⁷ Kwasiada, igyi ndawótswí ámutɔ eke gyankpapu ntópwesu á, aniléfiá abégyi ató abato fé alá aní Wíe lósuná aní. Íniá Paulo dékléá ɔ̀bénatí ɔ̀yi kehe su á, ɔ̀ɔ̀tɔí kplá amú alu yéha ɔ̀yínsiné. ⁸ Nkandíe tsɔtsɔtsɔ bu ɔ̀súsú obu ámú aniléfiá mótɔ ámutɔ. ⁹ Oyimbi ɔ̀kúá butetí mu Eutiko lódu bian nfánsrí ɔ̀nɔ, ɔ̀de asún ámu nu. Íniá Paulo lótu wá ɔ̀pá su á, didí lowie mu, fóru mu. Ɖekpa tsú ɔ̀súsú abansóru saasi nfánsrítɔ unu beda ɔ̀solútɔ. Bréá boyótsu mu a, alawú fée. ¹⁰ Mú Paulo lékplí yó unu, yémlí bun musu, látá mu pútá, blí ɔ̀bée, “Opúni mátsíí mli, ɔ̀hé bu mutɔ.” ¹¹ Paulo léyinkí dú yó ɔ̀súsú unu, mua mu aba ámu nyo bebiabía bodobodo gyi. Ɖɔ̀yɔ mu tó amusu alu yófun ɔ̀yi kehe, ɔ̀lenatí. ¹² Mú ahá ámu békpa kebi ámu ya wóyí á. Ansí lehie gyi amú ání ɔ̀bu nkpa.

Paulo Troa Tsu Yó Mileto Wúlutɔ

¹³ Anilégyankpá yówie ntsusu-yibi ámutɔ ayó Aso wúlutɔ yótsu Paulo unu. Tsúfé Paulo léha aní ibi ɔ̀bée, ɔ̀bótsun ayabito ɔ̀kpa ká tíf unu. ¹⁴ Bréá ania munyo aniléyefia aba Aso wúlutɔ unu á, olowie ntsusu-yibi ámutɔ, aniléfa yó Mitilene wúlutɔ. ¹⁵ Anilénatí unu ɔ̀yi kehe, anilókusú unu yówie Kio. Eke nyɔsi a, anilókusú unu yówie Samo wúlutɔ. Mó eke sáási é á, anilétra kusú unu yówie Mileto

wúluto. ¹⁶ Paulo mékléá obéyintá bré Asia òmátó. Mú su òmekplí Efeso wúluto, tsúfè òdekòsí ání ní òbétalí á, obóyówie Yerusalem asa abugyi Pentekoste nke ámu.

Paulo Efeso Òpasua Ahande Klá

¹⁷ Bréá anulóyowie Mileto wúluto á, Paulo lówa abí sísí Efeso òpasua ahande òbéé, bubá bòtu mu. ¹⁸ Bréá ahande amu bebefia mu a, òlebláa amú òbéé, “Mliyin alíá mía mlinyò anulòpòtsíá tsú eke gyankpapu ání neba Asia òmátó. ¹⁹ Mliyin alíá neba iwiasí yó agyómá há mí Wíé, pú alíá Yudafo bókusú líí mísú, nowun ipian, su kúráá. ²⁰ Mliyin ání mmòpu asón ání íbékpa mli ñáín mli bréá neda Bulu asón ámu òkan dunsu pú mli wóyító. ²¹ Alíá nòtáí kplá Yudafo pú Griikifó fée mbée, busíi lakpan bwe abudamli ba Bulu wá, abubòhò aní Wíé Yesu gyi.

²² “Séi ánfí á, nnyó Yerusalem, fé alíá Òje Wankíhé labláa mi. Mmeyín tóá íbéba misu un. ²³ Táme múá Òje Wankíhé tebláa mí wúlugyíwúlusu, nyin gyí, asun wunhe pú obudi da gyo mí. ²⁴ Táme mmotsu mú asunbogya. Mboún alíá nómò agyómá ámúbú aní Wíé Yesu léha mí ámu ònó. Agyómá ámu gyí, nébláa ahá Bulu awitòle asun wankláán ámu.

²⁵ “Séi ánfí a, nyin ání mli ahá ánfí nebeda Bulu iwíegyí iwí asón òkan mlitò ánfítò òkuku méetrá wun mi ekekekeke. ²⁶ Mú su nde mli bláa mbée, ní mlitò òku ménya nkpa ání itamatá á, megyí mí su omenya. ²⁷ Tsúfè nabláa mli tógyítóá Bulu déklé òbéé mlibú.

²⁸ “Mú su mlíkí mli iwí pú ahá ámúbú Òje Wankíhé lópuwá mli íbitò ámusu wankláán. Mlíkpa Bulu òpasua ámúbú òleyaí tsun mu onutó mu bi lowusu ámu wankláán. ²⁹ Nyin ání nenátí á, akvá bugyi fé nkpataku, bubu iyun béba bowie mlitò, dá òpasua ámu sáín. ³⁰ Mlitò aku óó bókusú, dámlí ònòkwali amu púbitíá mlitò aku buo iwí.

³¹ Mú sv mlida iwısu. Mlikaun ání netsiá mli wá nfinsa sóón, pú ansí ntsú yırı iwı súná mli ató ɔpa onyé.

³² “Mú sv séi á, ndepu mli wá Bulu mua mu awıtɔle asún ámutɔ. Mu awıtɔle asún ámu iwá mli ɔwunlín, iha amlıdan, tali lu kínkín, amlınya ató ámúbú ɔlehie yáí há mu ahá ámúbú bamlí mu kle amv. ³³ Bréá mbv mli wá á, mmepɛ ansí ɔhaa sika pepɛ, mu sika futútú ntée mu atósú.

³⁴ Mli onutó mliyın ání mí ibı anfi nɔpu yó agyómá nyá tóá ide mía mí aba ámu hián féé. ³⁵ Natsun ɔkpagyíɔkpasv súná mli aliá mlópu ibı yó agyómá, púgyi ahá ání iwı ma amú ɔnlın buale. Mlikaun anı Wıe Yesu onutó asun blíhésv. ɔbée, ‘Bulu toyúlá ɔhá ání otekíé ató dun ɔhá ání butekíé mu.’ ”

³⁶ Bréá Paulo léblı asún ánfı tá á, mua amúnycó féé beda akpawunu bó mpái. ³⁷ Amú féé bosu bréá belatá aba pútá, klá aba. ³⁸ Tóá ulɔwa amú ahvmtı gyı mú ámúbú ɔleblı ɔbée, muméétrá wun amú ekekekeke ámu. Besi mu ɔkpa yówie ɔpu ɔnó, olowie ntsusu-yibito.

21

Paulo Yerusalem Yɔ

¹ Bréá anulégyı nkla tá á, anulówie ntsusu-yibito, náti laa yó Ko wúluto. Eke nyɔɔsi a, anulóycó Rodo. Tsú unv á, anilébá Patara osubúnɔ. ² Anilénya ntsusu-yibi kvá iyó Foinike osubúnɔ, anulówie mútót. ³ Bréá ayó á, anulówun ɔsulúbv kvá butetı mú Kipro sísí. Anilési mú tswı bunasv ufún, tsun yɔ Siria ɔmátót. Anuléyekplı Tiro osubúnɔ, tsúfé unó béle ntsusu-yibi ámutɔ ató ní. ⁴ Anulótvu akasípú aku unv, anulétsiá amó wá nkensiénót. ɔɣe Wankíhé léle súná amó ɔbée, Paulo máycó Yerusalem wúluto. ⁵ Anı nke lɔfun, anulótvá anı ɔkpasv. Bréá anıdénatı á, akasípú amv, amó aká pú amó abı féé beyési anı ɔkpa alu yówie ɔpu ɔnó. Inv á, anı féé aniléda akpawunu bó mpái. ⁶ Anulégyı nkla, anulówie ntsusu-yibi ámutɔ pú ayó, amó é beyinkı yó wóyı.

⁷ Anulédinká ḡpsv tsú Tiro alu bowie Ptolemai otsubúno. Bréá anulówie unv á, anuléyeha ahógyipv ání bubv unv itsiá, anulétsiá amó wá ekewóle. ⁸ Ḷyi kehe a, anulókusú tsú unv ba Kaesarea otsubúno. Anulýḡswiú Bulu asún okan okapú Filipo wóyí. Oyin ánfí gyí ahá abasiénó amúv bele Yerusalem be, butsáa ahande agyómá ḡḡ amvto okule. ⁹ Filipo bu abi tshé abaná, bumokúyó ayin wá ki. Bulu onósó atáipú mv abi tshé ánfí bugyi. ¹⁰ Anulégyí nke kpalobí unv. Eke oku Bulu onósó okáipú Agabo lótsu Yudea omátó ba unv. ¹¹ Olenya bowie laa alí olotsu Paulo osiétó oké klí mv onutó ibi pú mv ayabi. Múv okleblí oké, “Okhe Wankíhé oké, ‘Alí Yudafotá bubv Yerusalem béklí okhá amúv okv oké ánfí, pú mv wá ahá ání bumegyí Yudafotó ibito ní.’ ”

¹² Bréá anulónu asún ánfí á, ania ahá amúv bubv unv ámv féé anulókokóli Paulo aniaa omáyo Yerusalem. ¹³ Inu Paulo léfité aní oké, “Ntogyi só mlidésú, mlulahá iwí lawú mí alí? Mí mú á, megyi klí amúv békíklí mv Yerusalem amv pé nalá iwí yái há. Mboún nalá iwí yái ání nówu aní Wíe Yesu sv é.”

¹⁴ Paulo onó okon aní. Mú sv anulési mv tóí wa. Múv anuléblí aniaa, “Ibá mótó alíá aní Wíe déklé.”

¹⁵ Iní okma a, anulókulá aní ató dv ḡḡ Yerusalem. ¹⁶ Ania Kaesareafó akasípú aku lóyo unv. Bekpa aní ya oyin okvá butetí mv Mnason wóyító be, aswiú mv wá. Akasípú agyankpapv amvto okule ogyi, otsú Kipro omátó.

Paulo Yerusalem Wíe

¹⁷ Bréá anulówie Yerusalem unv á, ahógyipv amv okhó aní atúu. ¹⁸ Ḷyi kehe ania Paulonyo anuléyeki Yakobo. Okpasua ahande amv féé beba unv. ¹⁹ Paulo lówa amúv onó, oklebláa amúv tógyitá Bulu latsun musv bwé ahá ání bumegyí Yudafotó. ²⁰ Bréá bonu Paulo asún ánfí á, amúv féé bekanfó Bulu. Múv bebláa mv be, “Okíó nu,

Yudafɔ mpím-mpím ání badámli klontɔ fée bude Mose mbla ámutɔ kínkínkín. ²¹ Táme aku babláa amú beɛ, fasúná Yudafɔ ání bubu ɔmá bámbású fée fɛɛ, bumágyi Mose mbla ámusu. ɔma é á, fɛɛ bumátɔn amú abí keté, bumágyi aní amándíé ésú. ²² Ibwébwéébwé á, ahá bónu ání faba nfi. Nkálí abóbwe tsú mú iwí? ²³ Abébláa fu tóá fubwée. Ayin abaná akvá bubu anutɔ baká ntam há Bulu. Ilehían ání bógyuráa iwí. ²⁴ Kpa amú ya, amliyɔgyuráa iwí. Ka amú atɔ yintáhé fée ikɔ, méní békpa amú nwun. Íni ɔbéha ahá fée bébí ání fotegyi Mose mbla ámusu. Íni su fú iwí asún amúú bonu ámu uma mútɔ. ²⁵ Anilawánlín ɔwolú sísí ahógyipúá bumegyí Yudafɔ dodo. Anilówanlín aniaa, anilablí ání bumágyi atogyiheá bapóhá ikpi. Bumágyi obugya pú ɔbwíá bapúsa mɔ. Bumáwa atsi múa ayin asún é.”

²⁶ Mú su bréá ɔyí lɛke a, Paulo lékpa ayin abaná ámu ya, mva amúnyɔ bɔyɔgyuráa iwí. ɔlɔyɔ Bulu ɔtswékpa unu yéblí ekeá amú iwígyuráa amu íbómɔ ɔnɔ, ɔbéba bɔbɔ afɔdie há amútɔ okugyíɔku.

Paulo Kitá Bulu ɔtswékpa

²⁷ Bréa nkensiénɔ ámu íbá bɔfun a, Yudafɔ akvá bot-sú Asia ɔmátɔ bowun Paulo Bulu ɔtswékpa unu. ɔdɔm amúú bubu wunsunésú unu ámu fée benya ɔbló Paulosu, bekitá mu. ²⁸ Bɔsurá okitikíti beɛ, “Israelfɔ ayin, mlidali ba oo! Oyín amúú ɔna ɔde ahá atɔ suná, yíntá amú agywun ámu ni. Mudékusú líí ɔmá ánti, Mose Mbla pú Bulu ɔtswékpa amusu ní. Alakpá Griikifɔ kóráá ba Bulu ɔtswékpa wunsunésú nfi. Mú su alapú ifin da ɔwankíkpa amú.” ²⁹ Beblí mú alí, tsúfé bowun Efesoyin ɔkvá butetí mu Trofimo mva Paulo wúlu amutɔ dodo. Íni su bukí beɛ Paulo lópu oyin ámu yáa Bulu ɔtswékpa unu.

³⁰ Wúlu amutɔ fée lɛda kpokiti. Ahá bedali tsu amú wóyítɔ srí ba bekitá Paulo, bebitía mu dáli ɔtswékpa

wunsínésú unu, fin iban ámu. ³¹ Bréá bude mu da, budekléá bómo mu a, oku léyebhá Romafá isá akópú ðhande ðéé, “Kpokiti ladá Yerusalem wúlutá.” ³² Inunu ðhande amu lékpa isá akópú ámu aku pú amú ahande aku besrí yó unu. Ððam amu benya wun amó alí besi Paulo dá. ³³ Ðhande amu lénatí yótu Paulo, ðleha mu isá akópú ámu bekitá mu, wá mu ikan anyá. Múú ðlefuté ahá ámu ðéé, “Ma gyí oyin ánfí? Ntá alabwé?” ³⁴ Ððam amu bude okitikíti, budetótí. Aku bæe alí, aku é bæe alí. Okitikíti amu ðnó lówa ðnlun. Mú su ðhande amu mébi ðnákwalíá ibu asún ámutá. Ínu su ðleha ðéé, bukpa Paulo ya isá akópú ámu otsiákpá. ³⁵ Bréá bowie obu-ðnó ððukpá á, ððam amu bude iyun wa. Mú su isá akópú ámu botsu Paulo wá nkónkó. ³⁶ Ahá ámu ffé bubuo Paulo, bude okitikíti bæe, “Mliha awuna mō mu! Mliha awuna mō mu!”

Paulo lwi Ðnóle

³⁷ Bréá bowie obu ámu ðnó, bódu wíé amú otsiákpá unu á, Paulo lébláa ðhande amu ðéé, “Nobwíí ipa, mbláa fu asvanku.”

Ðhande amu léfuté mu ðéé, “Futonú Griiki ðblí? ³⁸ Mú su megyí fúgyí Egypteyin amúú ðleha kpokiti leda bré kutá, ðlekpa ahá amópú mpím-na (4,000) buo iwí ya dimbísú ámu ní?”

³⁹ Inu Paulo léle mú ðnó ðéé, “Yudayin ngyi mí mú. Tarso ání ibu Kilikia ðmátó bókwií mí. Megyí wúlubitá notsú. Nobwíí ipa, ha mí ambíla ahá ánfí asún.”

⁴⁰ Isá akópú ðhande amu léha mu okpa. Mú su Paulo léyelí obu-ðnó ððukpá unu, bwé ahá ámu ibi békasu. Inu lóto diin. Múú Paulo lébláa amú asún Hebri ðblíto ðéé,

22

¹ “Mí así, apíó aba, mlyaa asu mí anle mí ðnó amlnu.”

² Bréá bonu ání Hebri ðblíto Paulo détoí á, unu lóto diin. Múú Paulo lóyo mu asúnsú ðéé,

³“Yudayin ngyi. Tarso wúlutɔ bɔkwí mí Kilikia ɔsolósu, táme Yerusalem nfi beyaí mí. Gamaliel lósuná mí aní anáin mbla ámu wankláán. Nɔwa nsi Bulusúm iwí fé alíá mlí é mlidé mu súm nde. ⁴ Ahá aní buna aní Wíe ɔkpa ánfusú á, nedunká amósó. Nɔmɔ aku kúráá. Nekítá amótó atsi múa ayin aku, kíkli amó yótwsí obu. ⁵ Bulu igyí ɔhapú dehen pú Yudafo asón agyípú amu féé bétalí gyi asón ánfí iwí adánsie. Amó wá nɔhɔ ɔwulú tsú pú neya apíó aní bubu Damasko wúlutɔ, mí anyekítá alí ahá ámu wa amó ikan, pu amó ba Yerusalem, abubítí amó isv.

*Paulo Klɔntɔdamlí Iwí Asón Blí
(Gyumagyihe 9:1-19; 26:12-18)*

⁶ “Έκεά nɔpu ɔkpa nɔyó, neta Damasko wúlutɔ wie tá, íbóbwe fé ɔpa dóduanyɔtɔ á, ɔsáwɔle pé, wanki kvá mú ɔnɔ íhié bu ɔnlun, itsú ɔsúsú lɔwankí wólí mísú. ⁷ Múa nówun a, nda ɔsolótɔ. Inu nonu ɔme kv. ɔme amu léfité mí ɔbéε, ‘Saulo, Saulo, ntogyi sú fudín mísú alí?’ ⁸ Inu nefité mbée, ‘Fú ma ni, Owíé?’ Mú ɔme amu lébláa mi ɔbéε, ‘Mí Yesu, Nasaretyin ámvú fúdn mísú amu ni.’ ⁹ Mí aba ámvú mía amónyɔ anuná ámu bowun wanki amu, táme bumonu asón aní ɔme amu dé mí bláa. ¹⁰ Nefité mbée, ‘Owíé, ntɔ mbwée?’ Aní Wíe lébláa mi ɔbéε, ‘Kusu, afuyɔ Damasko wúlutɔ. Bébláa fu tógyítɔá Bulu lahá fú ɔbéε fubwée.’ ¹¹ Wanki amu ɔnɔ bu ɔnlun. Mú sv mmetrá wun tɔtɔ. Iní sv mí aba ámu lékítá mí íbi, kpá mí ya Damasko wúlutɔ.

¹² “Oyin ɔkvá butetí mu Anania, otenyá Bulu ifú bu wúlu amutɔ. Otegyi Mose mbla ámusu wankláán. Mú sv Yudafo aní bubu wúlu amutɔ féé butetí mu idayilé. ¹³ Oyin ánfí léba belí mí ansító, bláa mi ɔbéε, ‘Opíó Saulo, bwii ansíbi afúkí ató.’ Inunv mí ansíbi lobwíí, nowun mu. ¹⁴ ɔlebláa mi ɔbéε, ‘Aní anáin Bulu ámu léle fú yáí ɔbéε, fubébi mu apé, afubí mu Bi Yilé ɔbwepú ámu, afunu mu ɔme. ¹⁵ Tsúfé féba begyi mu iwí adánsie, bláa ahá féé asón aní fonu pú múa

fowun. ¹⁶ Nto fotráa fugyo? Kusu kokoli aní Wíe, afuha abubo fú asú, ofwi fú lakpan fée le.’

Paulo Bulu Asún Okanda Omátófoto

¹⁷ “Bréá neyinkí yó Yerusalem wúluto nde mpái bə Bulu otswékpa inu á, nowun ató. ¹⁸ Mútó á, nowun aní Wíe Yesu, ɔlebláa mí ɔbéé, ‘Wa ɔsa bwe, afudali Yerusalem nfi. Tsúfée bumóɔhə fú adánsie ání fégyi tsu mí iwi.’ ¹⁹ Inu nebláa mu mbée, ‘Mí Wíe, amú onutó buyin ání netsiá yó Yudafo ofiakpa yékítá ahá ání bəhə fu gyi, dá amú, wá amú obu. ²⁰ Buyin ání bréá bəmə fú ɔdansiyin Stefano a, mbu inu. Neli amú ɔma mbée bumóɔ mu, nəhə ámu atadie kóráá kítá.’ ²¹ Táme aní Wíe lébláa mi ɔbéé, ‘Nati, nówa fú fɔyo tsútsúútsú, ahá ání bumegyí Yudafo wá.’ ”

²² Ahá tsətsətsə amu beya asu nú Paulo asun blíhé alu bətu bréá ɔleblí ɔbéé, Bulu lówa mu ahá ání bumegyí Yudafo wá. Inu bəsurá okitikíti kóklókúy, blí bəe, “Mliɛ mu inu! Ima aleá obétsiá ɔsolúu anfi!” ²³ Inu bəsurá okitikíti, nyá ɔbló wóí amú atadie tswi tsalífwi, kpá isi tswi wá afútó. ²⁴ Múú isá akəpú ɔhande amu lébláa mu ahá ɔbéé, “Mlikpa Paulo, amlipɔ mu ya mli otsiákpá. Mlipiti mu ató ɔbli ɔnəkwali, abí tóá svá ahá ámu buɔe okitikíti surá mu nwunsu ali.” ²⁵ Bréá beklí Paulo tá, bəe abuda mu a, ɔlefíté isá ɔkəpú ɔhande ɔkúá ɔlí mu wá ɔbéé, “Mbla leha ɔkpa ání mliɔiti Romayin oduá buməkúgyi mu asún, há mu ipón ató?”

²⁶ Bréá isá akəpú ɔhande amu lónu asún ánfí á, ɔleyébláa mu ɔhande amu ɔbéé, “Fakle afuse wulu manta iwi. Saa Romayin oyin ámu gyí oo!”

²⁷ Múú ɔhande amu léba Paulo wá, befité mu ɔbéé, “Bla mi, lélé Romayin fugyi?”

Paulo lébláa mu ɔbéé, “Romayin ngyi.”

²⁸ Múú ɔhande amu lébláa mu ɔbéé, “Mí mú á, ikə kpənkpənti neka asa nemlí Romayin.”

Táme Paulo lébláa mu obée, “Mí mú á, Romayin onutónutó ngyi.”

²⁹ Inunu ahá amúú beɛ abufite Paulo asún ámu fée badásáín. Ifú lekítá ðhande amu onutó ó, bréá ðlebi ání Romayin Paulo gyí asa alahá bawá mu ikan.

Paulo Yudafɔ Asún Agyípu Ansító Lú

³⁰ Ɔyi kehe a, ðhande amu lékléá ðébi tóá Paulo lóbwe, sú Yudafɔ buɛe asún kláa dinká musu. Mú su ðleha bəwəi Paulo lé ikan amutɔ, ðleha beti Bulu igyi ahapú ðehen pú Yudafɔ asún agyípu amu befia. Múú ðleha beɛpa Paulo belí amú ansító.

23

¹ Paulo lótsu ansí ki Yudafɔ asún agyípu amu díín. Múú ðlebláa amú obée, “Mí apíó Israelfɔ, nyin mí kluntɔ ání mməkútsiá nkpa laláhe Bulu ansító botu nde.” ² Múú igyi ðhapú ðehen Anania lébláa ahá amúú bulí mantáa mu amu obée, budáa mu ɔnósú. ³ Inu Paulo lébláa mu obée, “Fú Bulu ðéda. Fabwé iwí fé buntíiá bakpá mú afá futútú, fabetsiá así fɛe fópu Mose Mbla gyi mí asún. Fude ahá bláa fɛe budá mí ansító. Fú mú megyí mbla ámu fatún a?”

⁴ Aha akúá bulí mantáa Paulo befité mu beɛ, “Bulu igyi ðhapú ðehen fudesia alí á?”

⁵ Paulo lébláa amú obée, “Mí apíó, mmeyín mbée, mvgyi Bulu igyi ðhapú ðehen. Tsúfé bəwanlín wá Bulu asún ámutɔ beɛ, ‘Máblí ðhá ání ɔde fú ɔmású gyí iwí asun laláhe.’”

⁶ Bréá Paulo lówun ání Yudafɔ asún agyípu amutɔ aku bugyi Sadukifɔ, aku é bugyi Farisifɔ á, ɔlɔsrá okitikíti asún ogyíkpa inu obée, “Mí apíó, mí ánfí nli á, Farisiyin ngyi. Mí anáin é á, Farisifɔ bugyi. Mí é nohogyi ání awupú bélakúsú. Mú ndeblí su bakpá mí ba asún ogyíkpa nfi ní.”

⁷ Olenya blí alí pé, ahá tsətsətsə amutɔ leye anyo. Farisifɔ ámu pú Sadukifɔ ámu bəwa aba nwéengyi bi.

⁸ Tsúfě Sadukifó buteblí bεε, kusú tsú afúlitó kuku má unv. Bulu-abọpυ pú ọje láláhe kuku é ma unv. Táme Farisifó mú bohogyi ání íni fěé bu unv. ⁹ Íni léha nwéen amu ọnó lehie wá ọnlun. Mbla asunápúá bogyi Farisifó bọkusú líí blí bεε, “Animókúwun tsitsa kuku oyin ánfí iwí. Fíalí ọjé kv ntéε Bulu-ọbọpυ ọkv lébláa mv.”

¹⁰ Nwéen amu ọnó lehie wa ọnlun, ideklé imli ikó. Inu isá akọpú ọhande amu lénya ifú ání bóbwe títi Paulo. Mú sv ọlebláa isá akọpú ámv ọbée, “Mliwa ọsa kpa Paulo ya mli otsiákpá unv.”

¹¹ Mú onyé á, aní Wíe lébelú Paulo wá, bláa mv ọbée, “Wa klvn! Alí ánfí fagyí mí iwí adánsie Yerusalem nfi á, alí kén fuyégyi mú Roma wúluto é ní.”

Paulo Mọ Iwí Agywun Kítá

¹² Mú ọyi kehe a, Yudafó ámv aku befia, kítá Paulo iwí agywun. Beka ntam bεε ní bumókómó Paulo buméegyí ató, bumóonu ntsu. ¹³ Ahá ámvú beka ntam amu budun advana (40). ¹⁴ Bọyo Bulu igyí ahapú dehen pú Yudafó ahande wá, yébláa amú bεε, “Anilahíé ká ntam aniaa, ní animókómó Paulo animéeda tọtọ ọnó. ¹⁵ Mú sv tóá anidéklé aniaa fúa Yudafó asún agyípú amu mlibwée ha aní gyí, mliki ansí wa abí sısı isá akọpú ọhande amu mlíaa, ọpúv Paulo ba, amlilanu mv asúntó. Aniladá iwísv aniaa, obótsutsúa obowie nfi anulamó mv.”

¹⁶ Paulo mv bitepυ ọkv lónu asún ánfí fěé. Mú sv ọlesrí yó isá akọpú otsiákpá unv yówi tsá Paulosu. ¹⁷ Inu Paulo létí isá akọpú ọhande ọkv, bláa mv ọbée, “Kpa ọyasubi ánfí ya mli ọhande wá. Ọde asvankv, ọbébláa mv.” ¹⁸ Isá akọpú ọhande amu lékpa ọyasubi ámv ya amú ọhande wá, yébláa mv ọbée, “Obu ọdipú Paulo ọbée, nkpa ọyasubi ánfí ba fv. Ọde asvankv, ọbébláa fv.”

¹⁹ Ọhande amu lékítá ọyasubi ámv ibi, kpá mv yáa itsétó yéfíté mv ọbée, “Amansv fobv ání fěbláa mi?”

²⁰ Ɔyasubi ámu lébláa mu ɔbéε, “Yudafɔ ahande babwé agywun beε bépina wa abí fú wá beε, fukpá Paulo ba obowun amú ɔke, abulanu mu asún ámutɔ wankláán. ²¹ Táme máhɔ mǔsú gyi, tsúfé amú ayin ání budun advana (40) beε bɛ́ɛnín ɔkpatɔ gyo Paulo, mó mu. Amú féé baká ntam beε, tɔtɔ méeda amú ɔnɔ, kɛ́fɛn bréá bamó mu. Fú nkɔle bugyo séi ání fótɔsulá kpá mu ba.”

²² Mú ɔhande amu léda ɔyasubi ámu ɔlá ɔbéε, “Máyébláa ɔhaa féε fawí asún ání tsá mǔsú.” Olesi mu ɔkpa.

Paulo Le Ya Kaesarea

²³ Inu ɔhande amu léti isá akɔpú ahande abanyó, ɔlebláa amú ɔbéε, “Mlile isá akɔpú lafanyɔ (200), mpɔnkɔsu adinkápú aduesienó (70) pú pía atswípu lafanyɔ (200) abukusu onyení dokwebátó yɔ Kaesarea. ²⁴ Mliha Paulo mpɔnkɔ, odinká amúsú yɔ. Mlikpa mu, amliha mu oyowie ɔmású ogyípú Felike wá pisii.” ²⁵ Ɔhande amu lówanlín ɔwulú mántá musu ɔbéε,

²⁶ “Mí Klaudio Lisia dé ɔwulú ání wanlín sísí fú, ɔmású ogyípú onumnyampu Felike. Nde fú itsiá ha. ²⁷ Nde fú ɔbi ha ání Yudafɔ lékítá oyin ání, budekléá bómɔ mu, táme mía isá akɔpú tsɔtsɔtsɔ anulóyóhɔ mu lé amú ɔbi. Tsúfé nonu ání Romayin ogyi. ²⁸ Ndeklé mbée, nébi tóá ɔɔbwe. Mú su nɔpu mu ya amú Yudafɔ asún agyípú ansító. ²⁹ Inu nowun ání amú mbla ɔwí nwéen budegyí. Mú su ɔmákúbwé lakpan kúkvá bómɔ mu, ntée bówa mu obu. ³⁰ Táme ɔku laba bowi tsá mǔsú ɔbéε, Yudafɔ ámu aku babwé agywun beε bómɔ mu. Inú nɔbwe agywun mbée, nɔpu mu sísí fú. Nabláa mu anyabá ámu é mbée bupúu amú asún ba fu. Nafun nfi. Nehá fú itsiá gyágyáágyá.”

³¹ Isá akɔpú ámu ɔɔbwe dínká amú ɔhande asun blíhésv. Onyé-onyé ámu bekpa Paulo kɔnkɔnkɔn alu yówie Antipatri wúlutɔ. ³² Bréá ɔyí leke a, beha mpɔnkɔsu adinkápú

amu bekpa mu yáa Kaesarea, ayabitɔ anátípú amu beyinkí yó amó otsukpá. ³³ Bréá mponkɔsu adinkápú amu boyówie inu a, bɔpu Paulo pú ɔwulú ámu wá ɔmású ogyípú amu ibitɔ. ³⁴ Ɖmású ogyípú amu lékla ɔwulú ámu, ɔlefíté Paulo ɔbéé, “Nkónu yin fugyi?” Bréá ɔlebi ání Kilikia ɔmátó Paulo otsú á, ³⁵ ɔlebláa Paulo ɔbéé, “Ní fú anyabá ámu bebá á, nónu fú ɔnó asón.” Inu ɔlebláa amó ɔbéé, bupú Paulo yɔwa Owíe Herode wóyító, abugyo mu iwí.

24

Paulo Ɖnótin

¹ Nkenú ɔma a, igyí ɔhapú dehen Anania mu Yudafo ahande aku pú Mose mbla ɔbirú ɔkvá butetí mu Tertulo beba Kaesarea. Bebá bekla asón ání bubu tsu Paulo iwí súná ɔmású ogyípú Felike. ² Beti Paulo belú. Múú Tetulo lékla mu asón ɔbéé,

“Onumnyampu Felike, fahá iwilwii laba ɔmá ánfítɔ. Fú nyánsa lalá ató tsɔtsɔtsɔ bwé aní ɔmá ánfítɔ. ³ Fú bwéhé legyi aní ansí ɔtínegyíótíné. Fúdé ató bwe. ⁴ Mmedéklé mbéé néyintá fú bré tsɔtsɔ. Mú su nokókóli fu, nya klun ha aní, afunu aní asón tinbí ánfí. ⁵ Anilawun ání ató oyintápú oyin ánfí gyí. Ɖtehá kpokiti tedá Yudafo ɔyító ɔtínegyíótínéá ɔɔyó. Ɖtráa ogyi Nasaret ɔpasua ámu Bulu igyí ɔhapú. ⁶⁻⁷ Alakle ɔpu ifin da Bulu ɔtswékpa inu, asa ɔkláa ogyá anilékitá mu. * ⁸ Ní fú onutó fefíté mu a, fówun ání asón ánfí anidéblí tsú mu iwí ánfí fée bu mótó ntée uma mótó.” ⁹ Inu ámu fée botsulá mósú beé, asón ámuú alablí ámu bu mótó.

Paulo Ɖnóle Felike Ansító

* ^{24:6-7} Íni bu nwalú dada amu akutɔ: Anilóbwe agywun ání abópu aní onutó mbla gyi mu asón. Táme isá akápú ɔhande Lisia lópu mu túmi bɔhɔ mu lé aní ibitɔ. Mú ɔma a, ɔlebláa aní ɔbéé, apú mu asón ba fu.

¹⁰ Ɖmású ogyípú Felike lóbwe Paulo ibi ɔbéε, ɔlé mu ɔnó. Inu Paulo léblí ɔbéε,

“Nyin ání fude asón gyí ɔmá ánfito ulawá ɔpá. Inu su ibu mi ɔdwe ání néle mí ɔnó fú ansító. ¹¹ Nobwíí ipa, fétalí fíté nú ání ibu mótóá nɔyɔ Yerusalem yósum Bulu, uməkúdun nke dúanyɔ. ¹² Mí anyabá áñfi bumowun mía ɔhaa agyi nwéen Bulu ɔtswékpa inu. Bumowun mí anha kpokiti ida Yudafo ofiakpa kuku ntée ɔtunetɔne wúlu amvto. ¹³ Boma asvansvá bópygyi adánsɛ ání amú asón áñfi bu mótó. ¹⁴ Táme natsúlá ání ntosúm aní anáin Bulu tsun aní Wíε ɔkpa ámúú bude mú ti ɔpasua laláhe amvsv. Nɔhɔ Mose Mbla ámu pú múá Bulu ɔnósú atóipú amv bəwanlín tswi é féesú gyi. ¹⁵ Nde ɔkpa kí fé alíá amú é bude ɔkpa kí ání Bulu ɔbókúsúa aha yilé pú aha laláhe féé tsú afúlitó eke kú. ¹⁶ Inu su ntəbó mbódí ání mí klun méetsiá há mí pón Bulu mua anyánkpúsa féé ansító brégyíbré.

¹⁷ “Iníá nedali Yerusalem ulawá ɔpá á, nayínkí ba inu, napú atokiehé nebá mí ahá abuvuha ahíánfɔ, mí anha Bulu igyí. ¹⁸ Mú ɔbwekpá mbu Bulu ɔtswékpa inu. Bréá nɔgyvráa iwí tá amándíé ámu ɔnó á, beba ɔɔtu mí inu. Megyí mía ɔdɔm kuku lóyɔ inu. Kpokiti kuku é meda inu. ¹⁹ Yudafo aku botsu Asia ɔmátó ba bubu inu. Ní nɔbwe itə laláhe kv á, tekí amú kúráá ɔbéba bebláa fú, mía amúnɔy abéblí mú. ²⁰ Ní ibówa alé kúráá á, ha ahá áñfi onutó abubli tsitsa oduá Yudafo asón agyípú amv bowun mí iwí, bréá bəpv mí ya amú ansító. ²¹ Asvɔn kua kule péá nokplón blí bréá nli Yudafo asón agyípú amv ansító gyí, ‘Mludé mí asón gyí nde, tsúfé nohogyi ání awupú bélakúsú tsú afúlitó.’ ”

²² Iníá onumnyampv Felike yin aní Wíε ɔkpa ámu wankláán sv á, olotu asón ámu híé. Ɖleblí ɔbéε, “Ní isá akəpú ɔhande Lisia ɔbá nfi á, nówun alíá nómw asón ámu ɔnó.” ²³ Ɖlebláa isá akəpú ɔhande ámu ɔbéε, ogyóo Paulo

iwɪ wankláán, ɔha mu otsia iwilwiito. Ɔhá mu aba ɔkra abuki musu.

Paulo Felike Mva Mu Ka Drusila Ansító Lú

²⁴ Nke kpalobí ku ɔma a, Felike mva mu ka Drusila ání ogyi Yudayintse beba. Felike léha beyékra Paulo ba, ɔɔbɔtɔí tsú mu hógyi ání ɔbu Kristo Yesuto iwɪ súná amú.

²⁵ Táme bréá ɔdetɔí tsú yilébwe, iwɪsugyí pú Bulu asún ogyiké amúy íbá ámu iwɪ á, ifú lekítá Felike. Mú su ɔlebláa Paulo ɔbéé, “Ku yinki asa. Nenyá bré wankláán ku á, nélatí fú.” ²⁶ Bré ámutɔ féé Felike léki ɔkra ání Paulo obódunká tɔku beha mu ɔnó. Mú su ibu nu bu unv á, alapina wa abí bayéti Paulo, mva munyɔ batóí.

²⁷ Nfinyɔ ɔma a, Felike lénatí. Porkio Festo lébetsiá mu obíasú. Íniá Felike déklé ɔbéé, mu asún iwá Yudafɔ ámu ɔdwe su á, olesi Paulo wá obu náti.

25

Paulo Roma Owíe Ɔkra Wá Yɔ

¹ Ɔmású ogyípú Porkio Festo lébetsiá obíasú Kaesarea. Mú eke sáásí a, ɔɔɔv yó Yerusalem. ² Inu Bulu igyí ahapú dehen pú Yudafɔ ahande aku bɔpu Paulo iwɪ asún yótswi mu ansító. ³ Bɔbwe agywun ání bóyɔwa obúun ɔkpatɔ, mó Paulo. Mú su bɔyókulí Festo beé, ɔpúv Paulo ba Yerusalem.

⁴ Táme Festo lébláa amú ɔbéé, “Paulo da obu Kaesarea wúluto dodo. Imóɔwa ɔpá mí é néyinkí yó unv. ⁵ Mliha mli ahande amv aku abubuo mɪ yɔ unv, abuyeblí tsitsa oduá alabwé.”

⁶ Festo létrá tsiá Yerusalem nkekwe ntée nke dú asa oleyinkí yó Kaesarea. Olowie unv á, ɔɔɔwa bɔyópu Paulo ba, oletsíá asún ámusv ɔyi kehe. ⁷ Paulo lénya wíé unv alɪ, ahande amúy botsu Yerusalem ba amv bekafía mu, kla asún tsɔtsɔɔtsɔ dínká musv. Táme bumetalí nyá tɔtɔ púsúná ání asún ámu ibu mútɔ. ⁸ Múú Paulo léle mu ɔnó

ḡbée, “Mmækútún Yudafo mbla kuku, ntée bwé tǎku pú ifin da Bulu ǎtswékpa amu ntée pú lalahé kuku é gyi Roma owié dehen.”

⁹ Festo déklé ḡbée mu asún iwá Yudafo ámu ǎdwe. Mú su ǎlefíté Paulo ḡbée, “Fudeklé fée fǎyǎ Yerusalem, mí anyegyí fú asún unu?”

¹⁰ Paulo léle mú ǎnó ḡbée, “Roma Owíe Dehen asún ogyíkpa nli. Nfi ilehián ání bégyi mí asún. Fú onutó fuyin ání mmækúbwé Yudafo tǎtǎ. ¹¹Ní natún mbla, ilehián lowu á, mmækútin ǎkpa mbée bumámǎ mí. Táme ní asún áni Yudafo bablí dínká mísú anfi ma mútǎ á, ǎhaa má ǎkpa áni ḡbǎpu mí wá amú ibitǎ. Mú su mú bupúu mí asún ya Roma Owíe Dehen onutó ogyi mú.”

¹² Inu Festo mua mu ahande bǎyǎ abriwa wá. Mú ǎlebebláa Paulo ḡbée, “Fú onutó fée, Roma Owíe Dehen ogyí fú asún. Mú su abǎpu fú ya mu wá.”

Festo Agripa Paulo Iwi Asún Bláa

¹³ Nke ku ǎma a, Owíe Agripa mua Berenike beba Kaesarea. Beba beba Festo nwunkpa. ¹⁴ Betsiá unu wá ǎpá. Mú su Festo lébláa amú Paulo iwi asún. ḡbée, “Felike lǎwa oyin ǎku obu nfi, olesi mu wá náti. ¹⁵ Bréa nǎyǎ Yerusalem a, Bulu igyí ahapú dehen pú Yudafo ahande beba beblí asún tsǎtsǎtsǎ dínká musu, bláa mi bee nháa mu ipón, abumǎ mu. ¹⁶ Táme nebláa amú mbée, ‘Ima aní Romafǎ amándíétǎ ání béha ǎku ipón, nkéti mua mu anyabá bafia gyi asún.’ ¹⁷ Mú su ekeá mía Yudafo ámu anilóbowie Kaesarea nfi á, mmesi wá obiátǎ. ǎyi kehe kótóó neha bǎyǎpu oyin ámu ba, netsiá asún ámusu. ¹⁸ Nki mbée mu anyabá ámu bénya tsitsa ku tsú mu iwi, táme bumenya. ¹⁹ Mboún amú Bulusúm pú Yesu ǎkúvá alawú tsun, táme Paulo ḡbée, ǎtráa otsie nkpa iwi asún budebítí. ²⁰ Mú su mmowun alíá nǎyǎ asún ámutǎ. Nefíté Paulo mbée, obótsulá abuyǎ Yerusalem, yégyi asún ámu unu.

²¹ Táme ðeblí ðéé, mudekléá mu asún iyó Roma Owíe Dehen ansító. Mú su neha bowa mu obu yófun bréá nópu mu sísí Roma Owíe Dehen.”

²² Múbú Agripa lébláa Festo ðéé, “Mí é ndeklé mbéé nónu asún ánfí tsú mu onutó ðnótó.” Festo lébláa mu ðéé, “Ðke néha bópu mu ba, ðbele asún ámuto suna fú.”

Paulo Agripa Ansító Lí

²³ Ðyikehe a, Agripa mua Berenike behíhie iwí, isá akópú pú wúlu ahande bobuo amú ba. Festo léha bekpa Paulo ba mu. ²⁴ Múbú ðeblí ðéé, “Owíe Agripa mua ahá ání bafia nfi f́éé, mlilawun oyin ánfí ðlí? Yudafó ání bubu nfi pú Yerusalem f́éé bopu mu asún ba mi. Beé, mehián ání ðétrá tsiá nkpa. ²⁵ Bréá nopy asún ámuto á, mmowun t́á alabwé su bómó mu. Táme mu onutó ðéé, mpúu mu asún ya Roma Owíe Dehen. Mú su nabwé agywun mbéé, néha bópu mu ya. ²⁶ Táme mmowun tsitsa kuku mu iwí ání nówanlín mántá musu bópu mu ya. Mú ś nakpá mu ba mli ansító ní, títriu fú Owíe Agripa. Ndekléá atéte asún ámuto, ðtínéá ileyéyi a, mí anya asvanku wanlín sísí mu. ²⁷ Tsúfé nawun ání ima aleá bópu obu ðdipú sísí, bumowanlín t́á alabwé mántá musu.”

26

Paulo Iwí Ðnóle Agripa Ansító

¹ Múbú Owíe Agripa lébláa Paulo ðéé, “Nahá fú ðkpa, kusu le fú ðnó.” Paulo lótsu ibi f́b́á, lé mu ðnó ðéé,

² “Owíe Agripa, nawun ání ðkláa lawá mí ogyá nli fú ansító, nde mí ðnó le tsú asún ánfí Yudafó bakla dinká mísú anfi iwí. ³ Múbá ibu ansigyí kóráá gyí, fuyin Yudafó amándié pú t́á butegyí mú iwí nwéen f́éé. Íni su kókoli, nya klun afunu mí ðnó.

⁴ “Yudafó f́éé buyin mí tsiátó. Buyin aliá nopytsiá mí ðmátó tsú mí nyebito pú aliá nopytsiá Yerusalem

wúluto. ⁵ Amú fée buyin mi dodoodo. Ní budeklé a, amú onutó bétalí bláa fu ání Farisiyin ngwi wankláán. Farisifo é butegyi Yudafo Bulusúm mbla ámusu wankláán dun ɔpasua kugyíku. ⁶ Tóá svá nde nluí nfi, fude mí asún gyí gyí, nde ɔkpa kí ání Bulu ɔbóbwe dínká mu asún amóú ɔleka mú iwí ntam há aní anáin amusu. ⁷ Aní abusuan dúanyɔ amú fée bɔpu ansí dínká ntam anfisú ání íbéba mútó há amú. Mú sù bude Bulu sùm ekekegyíeke ní. Nanáin, ntam anfi sù Yudafo bude asún kláa dínká mísú ni. ⁸ Ntogyi sù mli Yudafo ánti mú mlimétalí hógyi ánti Bulu ɔbétalí kúsúa ahá tsú afúlitɔ?

⁹ “Teki mí óó nohogyiá nóbwe tógyítóá nétalí pútín Yesu Nasaretyin amú gymagyihe ɔkpa. ¹⁰ Íni gyí tóá nɔbwe Yerusalem ni. Bulu igyí ahapú dehen amú beha mí túmi beɛ, nkíta Bulu ahá amú tswi obu. Ní bómɔ amú é á, mí é ntotsúlá mbée bumóó amú. ¹¹ Netsiá yó Yudafo ofiakpa kugyíkuto, ntehá butekítá amú, bití amú isu, híé amú butéblí Yesu iwí abususu. Amú iwí ɔbló su ntedínká amósú yó ɔmá bámbású yékítá amú, bití amú isu.

Paulo *klɔntɔdamlí* Iwí Asún
(*Gyumagyihe* 9:1-19; 22:6-16)

¹² “Mú ɔkpa eke ɔku Bulu igyí ahapú dehen amú beha mí nɔyó Damasko wúluto yóbwe ní. ¹³ Bréá nna ɔkpatɔ nɔyó á, Nanáin, íbwe fé ɔpa dó dúanyɔtɔ, wanki ku lówankí tsú ɔsósú wólí mísú. Iłowankí dun owí. Iłowankí wólí mía mí aba amóú anuná amusu. ¹⁴ Inu aní fée anilédu. Nonu ɔme ku Hebrí ɔblítɔ ɔbéɛ, ‘Saulo, Saulo, ntogyi sù fúdu mísú alí? Iwí tóí fudewa.’ ¹⁵ Múú nefité mbée, ‘Owíé, fú ma ni?’ Múú aní Wíé lébláa mi ɔbéɛ, ‘Mí Yesu ni. Mísú fúdu ní. ¹⁶ Nabele iwí ɔwan súná fú, méní fóbwe mí osúmpú. Kusú, afuyébláa ahá tóá fawun tsu mí iwí nde, pú múá néle súná fú. ¹⁷ Nókɔ hɔ fu tsú ahá amóú nde fú wa sísí, bugyi fú onutó ahá Yudafo pú amúá bumegyí Yudafo íbuto. ¹⁸ Fóbwií amú ansí, bédali tsu oklúntɔ ba wankitɔ. Féle

amú tsú Satan túmi así ba Bulu wá, méni obési amú lakpan kíé amú, fówun bénya otsiákpá ahá ámúú Bulu latsun amú hógyisu bwé amú mu ahá amuto.’

Paulo Gyumagyihe Iwí Asún

¹⁹ “Nanáin Agripa, íni su nɔbwe dínká ató ámúú nowun itsú ɔsúsú ámusu. ²⁰ Gyankpapu a, nɔyɔ Damasko wúluto. Mú ɔma a, nɔyɔ Yerusalem pú Yudea ɔmátó fée. Nɔyɔ ahá ámúú bumegyí Yudafɔ ámu é wá. Neyébláa amú mbée, busíi lakpan bwe, abudamli ba Bulu wá, abutsia tsiátó ání ilosuná ání badámli klunto. ²¹ Íni sù Yudafɔ ámu bekitá mí bréá mbu Bulu ɔtswékpa unu beɛ bómɔ mí ní. ²² Táme Bulu dé mí kpa alu bɔfun nde. Mú sù nli nfi nde, nde mli nyebí-ahandé fée tóá nawun bláa ni. Asún ání Mose mua Bulu ɔnósú atáírú amu beblí beɛ íbɛba mútó kén ndeblí. ²³ Beɛ, ‘Ilehián ání Kristo, (ɔhá ámúú Bulu ladá mu ofúli amu) obówun iwɔsun wú, méni ɔbóbwe ɔha gyankpapu ání ɔbókusú tsú afúlitɔ. ɔbópu wanki ba Yudafɔ pú ahá ání bumegyí Yudafɔ é.’ ”

²⁴ Bréá Paulo léblí íni á, ɔmású ogyírú Festo lókplun wa Paulo ɔbée, “Paulo, fú nwun layíntá! Fú ɔwolúbi dubidubi amu lahá fude gbedé lo.”

²⁵ Múú Paulo lébláa mu ɔbée, “Onumnyampu Festo, mmedé gbedé lo. ɔnɔkwali onutónutó nde mli bláa.

²⁶ Nanáin Agripa yin asún ánfí fée iwí. Nétalí bláa mu faan. Nahogyi ání megyí asun ɔnínhé igyi há mu, tsúfé bumɔbwe mú ɔnín. ²⁷ Nanáin Agripa, fɔhɔ Bulu ɔnósú atáírú asun wanlínhé amusu gyi? Nyin ání fɔhɔ músú gyí.”

²⁸ Inu Owíe Agripa lébláa Paulo ɔbée, “Fahogyi fɛe fétalí dámli mí bwé Okristoyin bré tinbí ánfito?”

²⁹ Paulo lébláa mu ɔbée, “Bré tinbí o, bré tsɔtsɔtsɔ o, mí mpái ání ndeɔ há Bulu gyí, fɔa ahá ánfí mli dé mí asun blíhé nu nde ánfí fée mléba bɔbwe fé mí. Táme bumáwa mli ikan ánfí mú.”

³⁰ Inu á, Owíe Agripa mua omású ogyípú Festo pú Berenike mua ahá amúú butsie unu ámu fée bəkusú dáli.
³¹ Beyélí itsétó, amú wolewule budebli bee, “Oyin ánfí mókúbwé tətəá ilehián ha mu lowu ntée mu obuwa.”
³² Múú Owíe Agripa lébláa Festo əbée, “Teki ní oyin ánfí mébli əbée, Roma owíe dehen kóún ogyíi mu asún á, teki fétalı sí mu.”

27

Paulo Puya Roma Wúluto

¹ Bréá beblí alí tá á, bekitá agywun bee, abótsun əpusu yó Italia omátó. Bəpu Paulo mua obu adupú aku é wá Romafə isá akəpú əhande əkvá butetí mu Yulio ibitə. Əhande anfi bu Roma Owíe Dehen Augusto isá akəpú əpasuatə.
² Anilówie ntsusu-yibi kvá itsú Adramitio fún, iyó əpu ənó awúluá ibu Asia omátó. Makedoniayin Aristarko, otsú Tesalonika amu é bu anitə. ³ Əyi kehe a, aniléli Sidon əpu ənó. Isá akəpú əhande Yulio lówun Paulo nwe, əleha mu ələyə mu aba wá, méni béha mu atóá ibéhián mu. ⁴ Anilókusú tsú unu, afú lefia aní əpu amusu. Múú anilóyətsun Kipro əsəlvə awunso fún, tsúfé afú ámu medétsún unu mú. ⁵ Anilótsun əpusu yótsun Kilikia pú Pamfilia fúnsú yówie Likia əsəlvə, Mira wúluto. ⁶ Isá akəpú əhande amu lówun ntsusu-yibi kvá itsú Aleksandria wúluto iyó Italia omátó, əlele aní wá mútó.

⁷ Anidín əpu amusu putəə. Mú su anilégyi nke tsətsəətsə əkpatə. Ilepian aní asa anilówie Knido. Afú ámu méha aní əkpa. Mú su anilópu yótsun mantáa Kreta omá. Inu á, anilópukplí tsun Salmone wúlu əsaasí fún. Tsúfé afú medétsún unu mú. ⁸ Inú anilótsun əpu ənó-ənó kóráá ó á, ilepian aní asa anilóbowie ətinekvá butetí unu “Otsubúno Wankláan,” ibu mantáa Lasea wúluto.

⁹ Nke tsətsətsə lóbtəsun, nkeá butəpúkí ɔ́nó kúlí lak-pansikíé é ɪlətsun. Nke ámutə é á, ɔpu amu ɪdɛda. Mú su mósú tsun ləwa ifú. Íni su Paulo lótoí kplá amó ɔbée, ¹⁰ “Mí awíé, nawun ání ní aníméki wankláán aní ɔkpa áñfi natító a, abóhulí ató tsətsətsə. Megyí ató pú ntsusu-yibi ámu wule, aní onutónutó é abésin mótó.” ¹¹ Táme isá akəpú ɔhande amu lóhə ntsusu-yibi ámutə ɔhande pú mu wie asún sí Paulo. ¹² Íniá osubúnə unu ima aléá abétsiá unu nyankputswíebi su á, amútó ahá tsətsətsə beblí bɛe abénatí unu. Amó ansí dun ání abóyówie Foinike, igyi Kreta osubúnə, ɪbu owí ɔkplíwíékpá fún, tsíá unu nyankputswíebi amu.

Atsufú Kpənkpəntí ɔpusu Tsúun

¹³ Inu afú kvá itsú gyəpɪsu lówa tsúun brɛvu bi. Íni su ahá ámutə aku bosusúu ání amó agywun ámu békanaá. Mu su belatsú símpíá itehá ntsusu-yibi telíi tsukule wá ntsusu-yibi ámutə, bəpətsun Kreta ɔpu ɔ́nó-ɔ́nó. ¹⁴ Táme ɪməwa ɔpá kuku afú kpənkpəntí ku lókusú tsú Kreta ifúnsú. Afú ámu dá gyí “Binasu-owí-ɔdalíkpa-afú.” ¹⁵ Afú ámu lébefia aní. Íniá anímétalí sánkíá ntsusu-yibi ámu su á, anilési ɪwí há afú ámu, ɪləpu ntsusu-yibi ámu náti. ¹⁶ ɪləpu mú srí yótəsun mantáa ɔpu nsiné ɔsulóv kvá butetí mú Kauda asi. ɪləwa ɔnlun asa betalí tsú ɔklunbi ámutú butəpólé ahá ání bɔde ntsu wie, isian ntsusu-yibi ámu ɔma amu wá yibi ámutə. ¹⁷ Inu ntsusu-yibi ámutə agyúma ayəpú bebitía ɔklunbi ámu wá ntsusu-yibi ámutə. Bəpu ɔfé klí ntsusu-yibi ámu kínkíínkín, méní ɪméemáin. Benya ifú bɛe afú ámu ɪbótəsvan ntsusu-yibi ámu yówie Libia osubúnə osublúto. Mú su bele tati ání isian ntsusu-yibi ámu, méní ntsusu-yibi ámu bénatí putə. Mú óó á, afú ámu lótsvan ntsusu-yibi ámu náti ɔwənlínsú. ¹⁸ Mú ɔyi kehe a, afú ámu ɔ́nó lehié wá ɔnlun. Mú su bəwa amó atə suráhé le wá ɔputə

bi. ¹⁹ Ɔke saási a, bele ntsusu-yibi ámu ɪwɪ ntobí kugyíkuvá amú ibi léda wá ɔpu amutɔ. ²⁰ Anitráa animédé owí múa ntsrakpabi wúun nke tsɔtsɔtsɔ, afú ámu ɔnó é itráa bu ɔnlɪn. Mú su aní ansí metrá dinká tɔtsɔ duɪ lowu.

²¹ Nke tsɔtsɔtsɔ lɔtsun, ahá ámu butráa bumédé ató gyí. Inu Paulo lókusú líí amú fée ansító, bláa amú ɔbéé, “Mí awíé, tekí ní mlɪlónu mí ɔme, anuménatí Kreta otsubúnɔ a, tekí anumókú befia ipian, hùli aní ató alí. ²² Táme séi á, mbláa mlí amlɪnu. Mlɪwa klɪn, tsúfée anitɔ ɔkuku móowu, ntsusu-yibi ánfí wule obéyintá. ²³ Ígye onyé á, mí Buluá ntosúm lówa mu ɔɔpu mí wá. ²⁴ Ɔlebláa mí ɔbéé, ‘Paulo, mánya ifú. Ibwébwéébwé á, féli Roma Owíe Dehen ansító. Bulu lawá awitɔle há fú. Mú su alahɔ ahá ánfí fúa amúnɔ mlɪná ánfí fée nkpa.’ ²⁵ Mú su mí awíé, mlɪnya klɪn, tsúfée mí ansí dɪn aní Bulu ɔbéha ibéba mútɔ fé alíá mu ɔɔpu labébláa mí. ²⁶ Táme ibwébwéébwé á, afú ámu ibéda aní ya ɔpu nsiné ɔsulúv kusu.”

²⁷ Eke dúanasí onyé á, afú ámu bu músú ide anida yáa nsiné inu ɔpuá bítetí mú Adriasu. Mú ɔyínsiné á, ntsusu-yibi ámutɔ agyúmá ayɔpú bosusúu aní anulatá ɔsulúv tu tá. ²⁸ Mú su ɔpu ɔfé kápú ɔpu amu oklú kí. Benya ayabi lafakule advanyɔ (120). Bré kpalobí ɔma betrá kapú mú kí a, benya ayabi adukwebá (90). ²⁹ Ifú lekitá ntsusu-yibitɔ agyúmá ayɔpú ámu aní abódu abutású. Mú su beda asímpi aní butɔpókítá ntsusu-yibi líí ana kéké síán mú ɔma, sí mú wá ɔpu amutɔ. Bokokóli Bulu beɛ ɔyí ikée amú. ³⁰ Agyúmá ayɔpú amu aku bekleá bésrí dali ntsusu-yibi ámutɔ. Mú su beki ansí lé ɔklɪn kusubi ámu dínká ɔpu amusu híéé, fée símpi ámu budepusíán ɔklɪn ámu ɔnósú. ³¹ Táme Paulo lébláa isá akɔpú ámu pú amú ɔhande ɔbéé, “Ní ntsusu-yibi ámutɔ agyúmá ayɔpú bumetsiá mútɔ á, mluméenya nkpa.” ³² Mú su isá akɔpú amu beka ɔklɪn kusubi ámu ɔfé tun, há afú lɔtsvan mú náti.

³³ Ɔyi íbá beke a, Paulo lóbwíí ipa há amú fée ɔ́bée, bɔgyíí ató. Ɖleblí ɔ́bée, “Kwasieda anyɔ són ní, atogyihe medínká mli ɔwólí. Mlímókúgyi tɔtɔtɔ. ³⁴ Nobwíí ipa há mli, mligyi ató ngya, méní mlímóowu. Mlito ɔkuku nwunsu-imi kule kúráá móɔfwí.” ³⁵ Paulo lótoí tá á, ɔlele bodobodo ipín, dá Bulu ipán amú fée ansító, ɔlemaín ku wá gyí bi. ³⁶ Inu anito okugyíɔku lówa klun gyi ató. ³⁷ Aní ahá lafanyɔ aduesienó-sie (276) bu ntsusu-yibi ámvto. ³⁸ Bréá amú fée begyi ató alíá bétalí á, bele ayó ámvú ɔbu ntsusu-yibi ámvto ámv fée wá ɔputɔ, há ntsusu-yibi ámv leta odwin.

Ntsusu-yibi Ámv Bwiebwíe

³⁹ Bréá ɔyi deké a, agyómá ayɔpú ámv bowun ání ɔpu amu bámbi lowie ɔsulúv kusu, táme bumebi otsubúnɔ oduá igyi. Inu bɔbwe agywun beɛ békán ntsusu-yibi ámv ya unu. ⁴⁰ Mú sv bekakáa símpi ámv tuntun wa ɔputɔ. Besankí ntsusu-yibi ámv mpai é. Múv botsu tati yílé ámvú isian ntsusu-yibi ámv ansító ámv fúá, fía afú ámv, bɔpu bɔyó ɔpu ɔnó. ⁴¹ Táme ntsusu-yibi ámv loyódu njesisu, sin unu, ɔpu amu leda wólí ɔklun amu ɔma máín-máín mú.

⁴² Isá akɔpú ámv bɔbwe agywun beɛ bómv obu adípú ámv fée, méní ɔkuku méɛpití dalí, srí. ⁴³ Táme amú ɔhande léklé ání ɔbóhɔ Paulo nkpa. Mú sv ɔmeha amú ɔkpa ání bumóo obu adípú ámv. Táme ɔlebláa amú ɔbée, ɔhagyíɔha ání ɔbétalí á, otúu wie ɔpu amvto, ɔpiti dalí. ⁴⁴ Ɖma a, ɔleha atráhe amu é bɔdu dínká ntsusu-yibi ámv afunsu yówie ogbémgbesu. Amú fée begyi mbíla ámvusu, bɔyɔ ogbémgbesu unu.

28

Malta Wúlutɔ Asón

¹ Aní fée anilédká ogbémgbé amusu. Ɖma asa anilébi ání ɔpu nsuné ɔsulúv kuá butetí mú Malta ní. ² Nyankpu

détswíe, su atsalí bu unv. Táme unv atsiápú amv begyi aní buale dúdá ogyá ɔpu ɔnó unv há aní, aní fée anilétsiá mú asi. ³ Paulo lékpa ngayayíbí ɔbée amvɔpwa ogyá ámvɔ. Sáa íbe bu mótó. Ogyá ámv okunkúu su íbe ámv lótswi yi Paulo ɔbiwetɔ. ⁴ Bréá unv atsiápú amv bowun ání iwɔ ámv yí mu a, bebláa aba bee, “Ahá ɔmɔpú oyin ánfí gyí. Ibv mótó ání aladáli ɔpu amvɔ, táme aní ɔkpi ámvú ɔtebíti isv ámv médekke ɔbée otsiá nkpa.” ⁵ Inv Paulo lówunáa íbi, iwɔ ámv lékpa wíe ogyá, táme tɔtɔ móbwe Paulo. ⁶ Amú fée besi bulí budekí. Bukí bee Paulo obópunya, ntée ɔbétun wu. Táme bréá belí wá ɔpá tɔtɔ méba a, beladámli amú agywun blí bee, “Ɔkpi ɔkv ɔhá ánfí gyí.”

⁷ Ɔhande ɔkv bu ɔsulúv kv ɔpu nsiné unv. Mu dá gyí Publio. Ɔlɔhɔ aní atíu, kpá aní ya mu wóyító, anilétsiá mu wá nkensá kéké. ⁸ Alí bré ámvɔ á, owísó lakítá ɔhande amv mu si, mu iwitɔ latú; ɔda. Paulo léyekí mu, ɔlɔpu íbi dínká musv bó mpái há mu, iwí lɔwa mu ɔnlun. ⁹ Mú ɔma a, bɔpu alɔpá bubv ɔsulúv amvsv fée ba, Paulo létsa amú ilɔ. ¹⁰ Anilétsiá unv tsra asa, unvɔ ámv bɔwa aní numnyam, kíe aní ató tsɔtsɔtsɔ. Bréá anidénatí á, bɔpu ató íbéhián aní ɔkpatɔ fée sí aní ɔkpa.

Roma Wúlutɔ Yɔ

¹¹ Anilóyɔ ɔpu ɔnó yótsu ntsusu-yibi kvá ilatsiá unv nyankpɔtswíebi amv fée. Itsú Aleksandria wúlutɔ. Besré atabí akvá bugyi ikpi yi ntsusu-yibi ámv ansító. ¹² Aniléyelí ɔpu nsiné ɔsulúv kv ɔsubúnɔ, butetí mú Sirakus, anilétsiá unv nkensá. ¹³ Tsú unv á, anilóbomlí tsun bowie wúlu yílé kvá butetí mú Regiosv. Mú ɔyi kehe a, afú kv lɔwa tsúvn bí tsu ayasí fún. Nkenyó ɔma a, anilóyowie ɔsubúnɔ kvá butetí mú Puteoli. ¹⁴ Aniléfia ahógyipv aku unv. Bokokóli aní bee, atsiá amú wá nkensiénó. Anilókusú tsú unv á, anilóyɔ Roma wúlutɔ. ¹⁵ Apíó ání bubv Roma wúlutɔ bonu ání abá. Mú sv amútó aku beba íbíá ogyíkpa,

butetí unv Apia. Aku é beba otinekuá butetí unv Afóó
 Osuwíkpa Asa, ibv okpató befia ani. Bréá Paulo lówun amú
 á, mu ansí legyi, oleda Bulu ipán.

Bulu Asón Okanda Roma Wúluto

¹⁶ Bréá anulóyowie Roma wúluto á, Roma aban léha
 Paulo okpa ání obétalí yétsiá otínéá odeklé, táme isá okpó
 oku obógyo mu iwí brégyíbré.

¹⁷ Eke sáásí a, Paulo létí Yudafó ahandeá bubu unv fée fia.
 Múú olebláa amú obée, “Mí apíó, ibv mótóá mmopu lalahe
 kukukuku gyi mí omátófo, mmeyintá ani anáin amándíe
 kuku é. Táme ani ahande ání bubu Yerusalem bekítá mí
 ya Romafó. ¹⁸ Bəyo mí asúntó á, teki bekleá bési mí, tsúfé
 bomowun tsitsa kuku mí iwí asa bee bumóó mí. ¹⁹ Táme
 Yudafó ámu bumotsulá ání busíi mi. Amú bwehé su nəkulí
 okpa mbée, Roma Owíe Dehen onutó ogyíi mí asún. Megyí
 bee mbu mí omá iwí asvansu. ²⁰ Mó su natí mlí fia ni.
 Tsúfé ohá amúú Israelfó bude mu okpa kíu amu sú nda ikan
 anfitó.”

²¹ Amú é bebláa Paulo bee, “Animókóhó owulú kuku tsú
 Yudea omátó tsú fú iwí. Ani apíó Yudafó ámutó okuku
 é mókútsú unv bebláa ani asun laláhe kuku tsú fú iwí.
²² Táme ha ani abi fú agywun. Tsúfé anyin ání ahá buteblí
 asun laláhe tsú Bulusúm opasua ánfí fúbu mótó ánfí iwí
 otíneyíotíné.”

²³ Mú su mva Yudafó ámu behie ekeá béfia. Eke ámu
 lófún a, Yudafó tsətsəotə beba befia Paulo wóyí unv. Paulo
 lótoí kplá amú. Oləpu Mose Mbla pú Bulu onósú atóipú
 amu asun wanlínhé lé Bulu iwíegyí ámu iwí asúntó súná
 amú tsú nyanki pən owí. Oləbə mbódí ání obédamlí amú
 abuhə Yesu Kristo iwí asún ámuəsu gyi. ²⁴ Amótó aku
 bohogyi, táme aku bumohogyi. ²⁵ Amú wulewule amu onó
 məbwe kule, bəwa asún ámu príu bi. Táme Paulo létrá bláa
 amú asun kua kule asa bedasáin. Olebláa amú obée, “Ŋhe

Wankíhé lébláa mli anáin ɔ̀nɔ̀kwali amu tson Bulu ɔ̀nɔ̀sú
ɔ̀tɔ̀ípú Yesaiasu. ɔ̀bée,

²⁶ ‘Yɔ́ ahá ánfí wá afvyebláa amú fεε,

Bónu lánú, táme bumóonu mú así.

Béki láki, táme buméebi mú.

²⁷ Tsúfé klvntɔ́ bu amú odwin.

Batílá asu, bun ansíbi é.

Ní megyí alí á, teki bówun ató

bónu asún,

amú agywun bóbwíí.

Bédamlí ba mí wá,

nétsa amú ilo.’ ”

²⁸⁻²⁹ Paulo lómɔ́ mu asún ɔ̀nɔ́ ɔ̀bée, “Mú su ndekléá
mlibú ání Bulu nkpahóo asún ámu lawié ahá ání bumegyí
Yudafɔ́ é wá dodo. Amú mú bóhɔ́ asún ámu.”* ³⁰ Paulo
létsiá unv nfinyɔ́ kéké. Oletsíá mu onutó obu háhɛtɔ́.
Oletsíá hɔ́ afɔ́d́ ání beba besunáa mu féé. ³¹ ɔ̀lɔ́wa klvɔ́
dá Bulu iwíegyí ámu iwí asún ɔ̀kan, olosuná aní Wíe Yesu
Kristo iwí asún é ahá féé ansító. ɔ̀haa métin mu ɔ̀kpa.

* ^{28:28-29} Mútó yée 29 bu nwulú dada amu akvɔ́tɔ́: Bréá Paulo
léblí asún ánfí tá á, Yudafɔ́ ámu bɔ̀kɔ̀sú náti, amú wɔ̀lewɔ̀le
buna bude asún ámu nwéen gyí.

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503